



КЕУН БОЛАТ
ТОИ ДЕВАМ ЭТЕ


ЮСУФ ХОЛАТ

ТОЙ ДЕВАМ ЭТЕ



(ПЬЕСАЛАР)

ГЪАФУР ГЪУЛАМ АДЫНА
ЭДЕБИЯТ ВЕ САЪАТ ПЕШРИЯТЫ
Ташкент — 1974.



ДЕНЪИЗ ДАЛГЪАСЫЗ ОЛМАЗ

4 перде, 10 левалы драма

ИШТИРАК ЭТКЕНЛЕР:

Анай — Алтмыш яшларында нарын ве муляйим бир къадын.

Къаври — Анайнынъ огълу.

Нияр — Анайнынъ кызы.

Гульнар — Ниярынъ досты. Клуб мудири.

Билал къарт — Эли яшларында бир колхозджы.

Абляз — Комсомол тежилятынынъ секретары.

Айше — Колхозджы кызы.

Ракъамов — Колхозджы яш.

Борис — Ички ишлер хадими.

Лятиф — Къале башы.

Шаиров — Кой яшы.

Эким — Эли бир адам.

Азми

Сабри

Исмаил

— Эджнебийлер

Эпизодик роллерде: Дилара, хызметчи къадын, кевбетчи, къале бекчилери, колхозджылар.

БИРИНДЖИ ПЕРДЕ

Биринджи лева

Сана: кой клубы. Ашыктып ичери Къаври кирер. О гъает эеджанлы.
Токъталыр. Сонъ кене юрмеге башлар.

Къаври. Эй-эй, яreme де машалла,
Къавушырмыз иншалла...

Эбет, дживаным, ай кечер, йыл кечер, биз сенинънен кене къавушырмыз. Гуль киби къатмерленген севги асретлиги ве эшкынен къавушырмыз. О вакъыт мен сени коксюме сыктып... (Гульнар келип кирер. Къаври онъа догъру атылып) Гульнар! (янагъындан опер).

Гульнар. Тш...ш Абдырама, корерлер.

Къаври. Севгиде садыкъ инсанларнынъ опюши айып бир шей дегильдир.

Гульнар. Эр алда шимдилик... Къаври, сен къайда эдинъ?

Къаври. Ах, гузелим, бойле шадлы бир кунъде инсаннынъ дурагъы олурмы? Сенден айрылгъан сонъ бутюн койнен сагълыкълашып чыкътым: озен чешмеге бардым, салкын сувундан ичтим; багъчаларны айланып чыкътым. къартларнен корюштим; башымны анамнынъ тизлерине къойып, онынънен сырдаштым. (Тыныкъ бир давушнен). Бундан сонъ яшларнен топлашып, «Къызыл тёпеге» чыкътыкъ, анда агъамнынъ къабиринен сагълыкълаштым... Агъам, агъам...

Гульнар. Къаври, мугъайма джанчыгъым... Ярын мен де кетеджем.

Къаври. Гульнар, сен не айтасынъ шу?

Гульнар. Институткъа тасиль алмагъа кетем.

Къаври. Гульнар!..

Гульнар. Тааджипленме, Къаври, тасиль алмакъ чокътан меним арзум эди, лякин мумкюн олмады. (Кулип). Сени де къыйып кетип олмадым. Бугунъ мектюп алдым — район маариф болюги мени институткъа ёллай.

Къаври. Яхшы, Гульнар, чокъ яхшы. Окъу, дживаным. Лякин бакъ...

Гульнар. Къаври, шубеми?

Къаври. Ёкъ, Гульнар, сенинъ буллятор козьлеринъе бакъкъанда гонълум ялынъыз къуванчнен сюслене. Узакътан исе, Гульнар, севги асретлиги муаббетлигимизни

даа да арттырыр, чюнки севдаларчюн месафе севгиде мания дегильдир.

Гульнар. Къыйын олур, къуванчым, манъа къыйын олур...

Къаври. Гульнар, асретликте бизни севгимиз охшар. Бу севги ишимизге къуванч къошар. Къуванчнен чалышыр-окъурмыз. Бир къач йылдан койге къайтып кене къавушырмыз.

Гульнар. Къаври, ялварам санъа, манъа мектюп сыкъча яз, ич олмадым мектюпнен сёйлешейик.

Къаври. Онъа шубенъ олмасын.

Гульнар. Лякин там адресим белли дегиль. Койге кельген клуб мудир сизинъ эвде яшайджакъ. Онынъ ичюн ильк вакъытлар мектюплерни койге язып, мектюп алып-бериширмиз.

Къаври. Яхшы, Гульнар, ильк вакъытлар ойле япармыз.

Шаиров элиндеки патефонны чалдырып, ойнай-ойнай ичерн кирер.

Шаиров. Я пришел в беседку,
Где с тобою встречались...

Сонъ, Къаври, бу оюнъа не дейсинъ?

Къаври. Машалланъ бар, яхшы ойнайсынъ.

Шаиров. Языкъ ки, бу джарты патефон кавалерге пара дегиль. Мына эгер гузель Гульнар... (Оюнъа давет этер).

Гульнар. Тешеккюр.

Шаиров. Пардон! (Къавриге, шакъанен). Гульнар клуб мудир оларакъ отставкаъа чыкъкъанындан, янъы мудир исе даа ишке башламагъанындан, бугунъ акъшам озюмни мувакъкъат мудир илян этем. Эшкъынъызгъа бугунъ акъшам клубта сизгъыкълашув концерти япармыз — концертмейстер мен, яни Шаиров! Концертнинъ биринджи къысымы танц — танцмейстер мен, яни Шаиров! Экинджи къысымы хор — хормейстер мен, яни Шаиров. Концертнинъ сонъки къысымында шаирлернинъ чыкъышы. Талантлы шаирлеримизден бири... яни мен, Шаиров, шиир окъуйджам. Сонъ, Къаври, программаны бегенесинъми?

Къаври. Чокъ яхшы, лякин программада сенден башкъа адам корюньмей де?

Ш а и р о в. Не япайым, халкъ озю корьсин деп бек-ледим, корьген чыкъмады, эи кольгеде къалдым: эки йыл вузда окъудым, тег «плох», «плох» ишарети алдым; театрге кирип комик олдым — кульмедилер, осал ойнайсынъ деп сөгдилер; койге къайтып тегерек тиздим, артист олдым — сейирджилер залдан чыкъып къачтылар. Сонъ-сонъунда, башкъа бир иш тапмагъанымдан, шаир олдым — кене чул туттырамадым. Не япмалы, корюльмей ольмек олурмы я?

Г у л ь н а р. Шаирни косьтерген таланты олмалы.

Ш а и р о в. Тилинъе бал, калям, талантым бар амма, язгъанларымны басмайлар да?

Г у л ь н а р. Келишмейдир.

Ш а и р о в. Келишмек о нисбет бир шейдир: бири шарап севе, экинджи бири ракъыны устюн коре. Бар да анъла оларны.

Г у л ь н а р. Мантыкъсыз къыяс.

Ш а и р о в. Хайыр, бундан да мантыкълысыны тапмакъ биле мумкюн дегиль: акъыкый поэзия юзюм сувундан чыбыргъан бир шейдир. Бурунгъы юнанлар Дионисни нафиле шарап алласы япмагъанлар. Анакреонт шиирлерини нафиле юзюм сувунен язмагъан. Умар Хайям нафиле...

Г у л ь н а р. Ана кочъти, кочъти... Сенинъ фикиринъ-дже бутюн шарапчылар шаир олмакъ кереклер.

Ш а и р о в. Хайыр, оламазлар! Мая деген шей хамыр къабарткъаны киби, шарап да ильхам къозгъай. Ильхам-сызларда исе ялынъыз къурсакъ къабарта.

К ь а в р и. Ёкъ, сен янъыласынъ, достым. Ильхам ве иджаткярлыкънынъ, затен бутюн аят къуветлерининъ чокърагъы севгидир. Севги де озь къуванчларынен инсанны сархошлата билир, инсангъа къанат такъып коклерге учурыр. Севгисиз ильхам мейвасыз терекке бенъ-зеген бир шейдир.

Ш а и р о в. Тилинъе бал, достым, лякин ильхамнынъ чечекленмеси ичюн акъыкый севгини къайдан алмалы? Дон Кихот киби хаялнен бир Дульсинея даа догъурмалымы?

Г у л ь н а р. (кулип). Я Диляра?

Ш а и р о в. Бар эди — ёкъ олды: бирден эки къуш тутаджакъ олып, экисини де къачырдым.

К ь а в р и. Ёкъ, достым севги улу бир шейдир, даа догърусы омиюр леззетини анълавдыр. Аркъадаш севгиси

де ялынъыз бунынъ устюне кѣурула билир. Джемиеттен айры тюшкен эки асретнинъ севгиси я тыныкъ мецан омюринен битер, я да айырылыкънен.

Ш а и р о в. Тилинѣ бал, достым, лякин юректен айтмакъ керек олса, мен шойле дер эдим: севги деп коклерде учкъандже, севдигим кѣаршымда турсын да, онынъ кулюшинден илъхам алып, ярем акъкъында шиирлер токъу-йым.

Г у л ь н а р. Тек бир яр акъкъында токъулгъан шиирлер кимге керек?

Тышта тасырдылар.

Ш а и р о в (пснджереден тышкъа косътерип). Мына кимге!

Г у л ь н а р. Энди Айшеми?

Ш а и р о в. Кѣуш биле бир пытакъта турмай, мен исе әр алда инсаным. (Пианино башына кечер. Чалып).

Башынъ асып юресинъ
Кунълеринъ тармы, А й ш е ч и к?
Айырайым Ш а и р о в д а н
Дегенлер бармы, А й ш е ч и к...

Элинде китабы Р а к ѣ а м о в, А й ш е, А б л я з, Билял кѣарт
ве башкъалар келип кирелер.

А б л я з. Мерабанъыз, яшлар!

Ш а и р о в (Айшени Ракѣамов янында корип, озъ башына). Ана санъа бир шей даа! (Айшенинъ кѣулагъына).

Не олды я кѣардашым,
Ель эстими?
Бизни сапсем унуттынъ
Бу етtimi?

А й ш е. Ельден гонъюль тайпынгъан,
Ондан санъа не олгъан?

Ш а и р о в (Айшени четке чекип). Анъла, Айше, сен-сиз омюр шаирге кунешсиз аяттыр. Сен олмасанъ кунешим кѣона, кунешсиз оськен бир отдай юрегим сола.

Айше. Не япайым, терегине коре емиши. адамына коре севгиси ола.

Шайров. Озюнь шаире олсанъ да, худжур юрегинъ бар. (Ракъамовны косътерип). Аджеба бу китап къуртунда сен не таптынъ? Ракъамдан гъайры о даа не биле?

Айше. Я сен озюнь не билесинъ?

Шайров. Мен... Мен юректен севмеге билсм.

Айше. Оны маймунлар да биле.

Шайров. Мына не! Къуйругъынъны башкъа тарафкъа бурасынъмы? (Мыскъылнен теменна этип) Пардон, багъышланъыз.

Айше (кинаели бир урьметнен). Риджа әтем, узакълашынъыз.

Билял къарт. Абляз, Къаври кете. Онынъ ерине комсомоллардан сынъыр бекчилигине кимни тевсие әтер әкенсинъ?

Абляз. Ракъамов, якъын кельчи. Гонъюлли сынъыр бекчилигине сени косътереджек оламыз. Разысынъмы?

Ракъамов. Джан къурбан.

Айше. Айса мени де косътеринъиз.

Билял къарт. (кулип). Ичегинъиз бири-бирине багъландымы ёкъса? Сакът олунъыз, узюльмесин. Лякни яхшы бакъ, анавы китап окъуп небетчиликте юкълап къалмасын.

Ракъамов. Юкъламам, Билял агъа. Ай бизден 360 бинъ километр узакълыкъта булуна, геджелери китап окъумагъа ярыгъы етмез. Йылдызлардан энъ якъынны къыркъ биллион километр. Йылтырап тургъан Марс биле...

Билял къарт (къолуны сильтеп). Кене ракъам башлады.

Абляз. Геджелери ракъам дегиль, козьнен иш коръмек керек.

Ракъамов. Эки кере экининъ дёрт олгъанына ишанасызмы? Айса манъа да эмин олунъыз. (Айшенен Ракъамов ялынъыз къалырлар).

Айше. Шу ракъамларны ич олмадым лаф әткенде къуланма.

Ракъамов. Ракъамсыз лаф оламы я! Бала догъгъанда биле бир кунълик, эки кунълик деп саялар.

Айше. Валлай, сенинъ кавалерлигинъе асла акъыл кестирип оламайым: топлашувгъа келе — элинде китап,

башында ракъам; кезмеге чагъыра — элинде китап, башында ракъам; геджелсри яшлар севгинен огърашкъанда биле сенинъ башынъда ракъамлар къайнаша. Бунынъ сонъу оладжакъмы?

Ракъамов. Математикада, джаным, ракъамлар сонъсыз олалар. Мына, сен бир дикъкъат эт. (*Китабыны ачыл*). Бу он беш миллион еди бинъ секиз юз етмиш дёртни бешке дарп этип...

Шаиров Азмини къолундан тартып, ичери кирсетир. Оларнынъ артындан Гульнар, Къаври ве яшлар кирерлер.

Шаиров. Юр, юринъиз! Утанмагъа мында не бар, озъ арамыз кенджамет. (*Ракъамовны косътерип, Айшенинъ къулагъына*). Чекиширсинъ, джанчыгъым, чекиширсинъ. Бу ракъам торбасы санъа кунешли дюньяны арам этер. (*Ичеридекилерине*). Аркъадашлар, таныш олунъыз, даа шимдичик фурундан чыкъкъан клуб мудир!

Азми яшларнен къол тутушыр.

Шаиров (*Азмиге*). Олян, къайнатасынынъ элини опеджек он секиз яшындаки къыз бала киби чекинмесе!

Азми. Шишип къалгъайды, табиятым ойле иште. Янъы бирлеринен корюшкенде сыкъыла къалам.

Шаиров. Табиат да резина киби бир шейдир, къайда бурсанъ, о тарафкъа созулыр. Айды, зарар ёкъ, мен сени къолгъа алайым да, о вакъыт сыкъылмакъ дегиль, пружина киби бошалырсынъ.

Тыштан машина давушы эшитилр.

Абляз (*пенджеренден бакъып*). Къаври, достынъ Борис кельди!

Къаври. Борька?! (*Къапыгъа чапар, Бориснен къучакълашыр*).

Борис. Мерабанъыз, достлар!

(*Борис, Къаври, Гульнар бир ерге топланырлар*).

Борис. Къаври, махсус сени озгъармакъ ичюн кельдим.

Къаври. Сагъ ол, достым,

Азми (*Борисни косътерип, Шаировдан*). Узакътанмы?

Ш а и р о в. Шеэрден, начальник!

А з м и. А-а! Достлармы?

Ш а и р о в. Дерсинъ агъа-къардаш.

А з м и. Мына не?..

К ъ а в р и. (Гульнарны косьтерип). Борис, танъш олунъыз!

Б о р и с. Янъылмасам адынъыз Гульнар оладжакъ.

Г у л ь н а р. Эбет, Гульнар. Я сиз меним адымны къайдан билесинъыз?

Б о р и с. Инсанлар эр шейни бильмек ичюн догъалар.

Г у л ь н а р. Эр алда бу джевап дегиль.

Б о р и с. Инсанны бильмек ичюн онынъ достыны бильмек де етерликтир.

Г у л ь н а р. Б о р и с аркъадаш, сиз кимни айта-сынъыз?

Б о р и с. Энь севимли достынъыз ким ола?

Г у л ь н а р. Олар пек чокълар. Сёйленъыз, мерагъымны къозгъаманъыз.

Б о р и с. Бильгениме коре, сиз оны эр кимден зияде севесинъыз. Онынъ эр бир сёзю сизинъ адынъызнен башлай. Онынъ тасвирлеринен ильк корьгенде биле сизни танып алдым.

Г у л ь н а р. Ниярмы?

Б о р и с. Эбет, Нияр!

К ъ а в р и (тюзюнджеде). Нияр...

Г у л ь н а р. Ниярнен берабер техникумда окъугъан эдик. Лякин сиз оны къайдан билесинъыз?

Орталыкъ къаранлыкълаша. Бираздан электрик лампалары алланып янар.

А б л я з (санадан). Аркъадашлар! Коюмизнинъ энъ урьметли адамы — К ъ а в р и бу гедже ордугъа кете. Барсын коюмизнинъ бу севимли адамы ордумызнынъ да энъ яхшы аскери олсун! (Эльчырпмалар. Сёз К ъ а в р и нинъ озюне бериле.)

К ъ а в р и (эеджаннен). Аркъадашлар!.. Достлар!.. Десджегим... Коресизми, айталмайым... Дееджегим, сёзюм къыска, къуванчым исе тюпсиз дерья. Инсан къуванчтан да сархошлана экен, башымда эр шей къарышты къалды... Достлар, инанынъыз, эгер мумкюн олса эди, кёксюмде гурьделснген бу къуванч атешинен коклерге учар

эдим. Эгер мумкюн олса эди, бу кѳуванчнен джошкѳан юрегимни кѳолума алып, бакѳынѳыз достлар, комсомол юреги недай алевнен яна, дер эдим... Мен даа демин агѳам-нынѳ кѳабирине бардым, кѳабир огюнде баш эгип, халкѳымыз ичюн кѳан ве джанымнен Ватаныма хызмет этмеге сѳз бердим.

Эльчырпмалары. Санада бирден Анай пейда ола.

Анай. Огѳулларым, сизге бир кѳач сѳзчик айтайым. Меним Кѳаврийим даа шимди агѳасыны анѳды. Эбет, эвлятларым, олар бир дегиль эдилер. Онынѳ тиллердс дсстан агѳасы, суретке бенѳзер аптеси бар эди. (*Ярыкѳ сѳнип ышыкѳ ялынѳыз Анайнынѳ юзюни айдынлатыр*).

Чокѳтан эди... О куньден сонѳ озенлерден нидже сув-лар акѳты, сув киби акѳып нидже язлар, ниджс музълср, кѳара кѳышлар келип кечти. Лякин шу сененинѳ кузю аля бугунѳ акѳылымдан чыкѳмай, хатириме тюштикче гонѳлюм сызлай, козълерим яшнен тола...

Сене бинѳ докѳузюз йигирми эди. Кузънинѳ туфанлы боран бир куню эди. Койге хабер кельди: Ор кѳапыны кечип, кѳызыллар келе, дедилер...

Ава титис, ягѳмурлы туфан эди. Кокте кунеш сѳнген, орталыкѳ чырай сытып кѳалѳган эди... Лякин кокте сѳнген кунеш юреклерде парылдап янды. Меним кѳуванчым эр кестен артыкѳ эди — кѳызыл батырлар арасында меним батырым — Сейдаметим де бар эди. Меним огѳлум буйра сач, кѳайтан кѳаш, ай юзлю йигит эди... Чамашыр ювдым, эв чыкѳардым, аш пиширдим — Сейдаметимни бекледим.

Кѳоркѳакѳ беязлар сель олып денѳизге акѳа эдилер. Мен дедим: машалла огѳлум, кѳувала арамларны, балыкѳларгѳа аш олсун, дедим де, огѳлумы бекледим. Кунѳ бекледим кельмеди. Айланыр куню де кельмеди. Арамларны кѳувадыр, деп тюшюндим. Тюшюндим дс, кене бекледим.

Ава титис, ягѳмурлы туфан эди... Даянамадым, чыкѳып Кѳая-башта огѳлумы беклейим, дедим. Дедим де, башымы алып ёлларгѳа реван олдым. Чокѳ арадым, огѳлумы буламадым. Чокѳ бекледим, огѳлумы коремедим. Не япайым, иши битсе озю де келир, деп койге айландым. Бирден давуш кѳопты: беш-он атлы бир йигитни кѳувып кеттилер. Мен эслеп алдым: о меним Сейдаметим эди.

Бар сесимнен багъырдым: эй, джанаварлар, токъунманъыз, о меним эвлядымдыр, дедим. Дедим де, артларын-дан чаптым...

Къулакъларым чынълады, дерсинъ кокге къыргъыйлар багъырды, къузгъунлар къычырды, дагъларда къашкъырлар улуды...

Нефесим тыйылып, Къызылтёпеге еттим. Еттим де, юзю-къоюн йыкълылып, байылып къалдым: козь себегим — Сейдаметим къан ичинде ята эди...

Сюретчиги кене де козюм огюнде: дал фидан бою ерге серильген, ай юзлю бенъизи къанлы сачларынен ортъюльген...

Агъларым... Юрек сызлатып окюрип агъларым. Ана къальби сызладымы, ич бир вакъыт сёнмек билъмсэ. Иште о вакъыт онынъ йыры тиллерде дестан олгъан эди...

(Тыныкътан «Шомпол» макъамынен шу сёзлер эшитилр).

Учъ гогерджин эдик биз,
Къонар эдик далдан дала.
Акъ бандитлер — джеллятлар
Къойды бизни бу ала.

Ах, Нияр къардашым,
Дживаным вефа гулюм;
Таш ёлунда урулдым,
Орада къалды олюм...

Гедже, араба толу джесетнен, юрек толусы козьашынен койге къайттым. Къайттым амма, эвде мени кене къара хабер беклей эди: къызчыгъым, дёрт яшында Ниярчыгъым, эвде ёкъ эди. Къан ичиджи кийиклер оны да алып кеткенлер.

Кунъ бекледим — сабийчигим кельмеди. Афта бекледим — кельмеди. Дагъ-къырларны арадым — тапылмады. Ай кечти... йыл кечти... сабийчигим кери къайтып кельмеди. Оны кимсин къайда, къайсы бир къуюгъа ташлагъандырлар...

Не айтайым, акъкъан сувлар мерекеп олса, язылып битерми меним дердим...

Иште, беязларнен къачкъанда бу койнинъ эвельки саиби Аджаметнинъ пичи юрегиме чекильмез дертлер язгъан эди. Не айтайым, тири олса — ят эллерде чекишип ольсин, олю олса — мезарында окюрсин.

Бу дюнъяда ялынъыз бир эвлядым къалды — Къаврийим. Козюм алдында олмаса юрегим тарсыкъа, козьлериме яш тюше; беклейим, къасеветке далып. геджелери юкъусыз къалам, огълум къайда экен деп, сабаларны беклейим.

Ана къальби ич бир вакъыт раатлыкъ бильмез.

Хабер кельди, бу гедже Къаврийим де аскер кете. Огълумы сагъынып мен кене агъларым. Ана козю яшсыз олмаз. Амма бу юрек кульдирген къуванч яшы, гъурур яшы олур. Эй, огъулларым, эвляды батыр йигит олса анги ана къуванмаз!

Кет, кет огълум. Агъанънынъ ташлагъан сиясыны альге ал, топрагъымызнынъ сынъырында батыр кесиль, ягъмур олып къуршун ягъса биле, къоркъма, кери дёнме, душманны тельче-тельче парчала.

ПЕРДЕ ЭНЕР

ЭКИНДЖИ ПЕРДЕ

Биринджи лева

Сапа. Денъиз ялысы. Авлакъта багъчалыкъ корюльмекте. Гуръ ешилъ тереклер арасында комюльген платформада иш къайнамакъта. Багъча теренликлеринден чокъ даушлы йыр эшитиле:

Авдарыл къая, бас мени,
Коръмесин козюм;
Ольсем озюм олейим,
Ольмесин сёзюм...

Сепет ве ящик толусы емишнен санада колхозджылар кетип-кельмектелер. Ешилъ тереклернинъ устюндеки ольгюн кунеш шавделери эп гартылып, ялыда гедже къаранлыгъы къоюрмагъа башлар. Элиндеки китабынынъ япракъларыны саифелеп, ичери Азми келип кирер. Этрафына бакъыныр: кимсе ёкъ. Ялыдаки къайыкъны денъизге итеп, аман куреклерге япышыр. Билял къарт емиш сепетинен ичери кирер.

Билял къарт. Пезевенк, токъта! (Къайыкъкъа нишанлап, элиндеки ташны салмакълар). Санъа дейим, токъта!

Азми (ялыгъа чыкъар). Мени танымадынъмы не, Билял агъа? (Кулип). Бакъ онъа, бомбасы да азыр гура. Шай-шай, ачыкъ козь олмакъ керек, денъизнинъ о ягъын-

да ят мемлекет булуна. (*Кулип*). Лякин, риджа этсем, мени ябанджы бир адам санма.

Б и л я л к ъ а р т. Кунь кьонгъандан сонъ денъизге тюшмек ичюн рухсет алдынъмы?

А з м и. Рухсет? Бу ялыда рухсет деген шей неге керек?

Б и л я л к ъ а р т. Шимди айтырым. (*Багъырып*). Абляз, мында кельчи!

А з м и (*озъ башына*). Ой, попаз...

А б л я з (*кирип*). Не олды я, Билял агъа?

Б и л я л к ъ а р т (*Азмини косътерип*). Бу эриф къа-йыкънен акъшам сефасы сюрмек истеген.

А з м и. Олян, бу бизим Билял агъа бугунъ пек яман сертийген, аз къалды... (*къакъылдап кулер*). Элиндеки бомбасына бакъ!.. Акъшамлейин бираз денъиз авасы алайым, дедим. Бу яз акъшамлары инсангъа не къадар буюк зевкъ берелер! Сен, Абляз, бир бакъчы: узеринде юз бинълернен ышыкълар ойнашкъан магърур денъиз сессиз ишма-рынен инсанны раатлыкъкъа, кейф чатмагъа чагъыра. Ис-тер-истемез Пушкинни хатырлайсынъ.

Ешилленген далгъаларнен денъиз мында

Эм шувулдай, эркелене, эм йылтырай

Аюв-Дагъынынь къаялары этрафында...

А б л я з. Багъышланъыз, лякин денъизге тюшип кунъдюз де хаялланмакъ мумкюн эди.

А з м и. Абляз, мен сени анълап оламайым. Джаным, асла не демек истейсиз я?

А б л я з. Худжур суаль. Койге кельгенинъизге энди эки йыл олды, геджелери денъизге тюшмек ясакъ олгъа-ныны эшитмединъизми?

А з м и. Биринджи сефер эшитем.

А б л я з. Зан этсем, бир даа хатырлатмакъ керек ол-маз.

А з м и (*джаны агъырып*). Къанун шай экен, огютле-меге де аджет ёкъ, бала дегилим. (*Чыкъар*).

А б л я з. Джаны агъырды гъалиба. Бираз къаба сёй-лештик. Керекмей эди.

Б и л я л к ъ а р т. Эй-эй, огълум, биз бу омюрни тапкъандже джанымызны эвельде азмы агъырттылар? Айды, мен кеттим. (*Чыкъар*).

Чанъ къакъылып, иш биткенини хабер этер. Платформадаки дже-маатнынь бир къысымы ялыда топлана.

Авдарыл кѡая, бас мени,
Корьмесин козюм...

Айше. *(ичери чапып кирер)*. Почта даа кельмедими?

Абляз. Кечикти. Кѡайыкѡнен бир эким де келеджек эди. Бу акѡшам лекция бар. Кѡоркѡам, халкѡ дагѡылып кетер.

Айше. Эх, Абляз, бильсенѡ де, бугунѡ мени мына бу денѡиз кѡадар буюкликте кѡуванч беклей.

Абляз *(кулип)*. Ракѡамов санѡа севгисини бильдиреджектир.

Айше. Ёкѡ, ондан да буюк кѡуванч. Уф, сабырсызлангѡанымдан баш урмагѡа ер тапмайым.

Сач йиберген, якѡасына бант такѡкѡан Шаиров ве онынѡнен бирге
Диляра келип кирелер.

Шаиров. Инан, Диляра, сенсиз омюр мен ичюн кунешсиз аяттыр. Сен янымда олмасанѡ кунешим кѡона, кунешсиз оськен отдай юрегим сола.

Диляра. *(ишарет нѡрмагѡыны саллап)*. Бакѡ, джинасир, бир даа башкѡасына авушырсынѡ...

Шаиров. Кечмишке мазы дейлер, Диляра, унут шуны: о вакѡыт эскен ельден тек япракѡ тепренди. Демек, слѡ эсти, япракѡ тепренди, терек исе, яни мен, Шаиров, кене озѡ еримде кѡалдым.

Диляра. Бакѡармыз, ойлеми-дегильми...

Шаиров *(шаиране бир тавурда)*.

Айнынѡ арекетине шубе эт..
Кунешнинѡ арекетине шубе эт,
Ер ве кокнинѡ арекетине шубе эт,
Севгинѡдеки шубенѡни котер де ат!

(Айшени корип кѡалыр. Дилярагѡа):

Сен, Диляра, эвге бар да, тез-тез кийинип кель. Ялы бою гулайт этермиз. *(Диляра чыкѡар)*

Денѡизден эп якѡынлашмакѡта олгѡан кѡайыкѡнынѡ мотор давушлары эшитилир. Сеслер: «Кѡайыкѡ келе!», «Моторлы кѡайыкѡ келе!»

Азми *(кери кѡайтып кирер)*. Шаировкѡа алевли селям!

Ш а и р о в. Алейкум селям.

А з м и. Биревлерни ёкълайсынъ гъалиба?

Ш а и р о в. Ёкъламакътан башкъа бекярларда даа не иш ола билир?

А з м и. Кяинатта нелер бар?

Ш а и р о в. Кокте йылдызлар, ерде къызлар!

А з м и. Ой да азыр джевапсынъ, эй! Диалотъшыны яхшы эзберле, ярын акъшам «Отелло»ны бельки къалеге барып ойнармыз.

Ш а и р о в. Эмин ол, шу рольни ойле бир ойнайым, ойле бир иджра этейим ки, сейирджилернинъ козьлеринден сель олып яш акъсын. (Эзберден).

О, ольди!

Артыкъ энди таш кесилир,

Ич бир вакъыт тепренмез.

Ёкъ, ёкъ энди къадыным...

Дешет вакъыт, къоркъунч саат!

Мына шимди ай ве кунеш сиярыр,

Бу дешет олюм себебинден

Дюнья биле алт-устъ олып айланыр...

А з м и. Талант! Акъикъий талант! Сен, достым, Папазьянны да бастырдынъ.

Мотор давушы якъындан эштилип, денъиз санлиндеки къайыкъ-нынъ фенери ялыда парылдар.

Бир къач адам ядыгъа атылгъан йипнинъ уджуны тутарлар. Къайыкътан С а б р и, Л я т и ф ве башкъалары тюшерлер.

К ѡ а й ы к ѡ т а н. Азми аркъадаш, газеталарны алыпъыз.

А з м и. Мына шимди. Айше, бахшышынъны азыр тут!

Л я т и ф (Сабрини косьтерип). Абляз, бу мусафир лекция окъумагъа кельген.

С а б р и (элини узатып). Таныш олайыкъ: Къайтмазов.

А б л я з. Хош кельдинъиз, мусафир. Денъиз бираз фуртуналы эди, ёрулсанъыз керек.

С а б р и. Бираз саллады, лякин зарары ёкъ. Лекцияны башламакъ мумкюн.

А б л я з. Азми, эким кельди.

Азми (къайыкътан). Сиз барып турынъыз, мен шимди артынъыздан етерим.

Абляз ве Сабри чыкъалар.

Шаиров (озъ башына). Танц ерине, бар да исал хасталыгъы акъкъында лекция динъле.

Анай (кирер, Лятифке). Шеэрден кельдинъми, огълум?

Лятиф. Шеэрден кельдим, анай.

Анай. Къавриден хабер ёкъмы, огълум?

Лятиф. Бельки бардыр, Азмиден соранъыз. Мен исе сизге Бористен селям кетирдим.

Анай. Ай Барис, Барис! Эвельси келип кете эди, энди текмиль унутты.

Лятиф. Онынъ иши чокъ, анай, койлерге чыкъып оламай. Мына сизге бир къуту темиз къаве йиберди.

Азми (къайыкътан узакълашып). Мына, Айше, санъа бир топ газета. Бахтынъны ара. (Лятифке). Лятиф аркъадаш, ырын акъшам драма тегерегининъ азаларынен денъиз къалесине барып, «Отелло» ны ойнайджакъ оламыз.

Лятиф. Замет этменъиз, пьесаны мында келип бакъармыз.

Азми. Барсын шай олсун...

Анай. Огълум. Азми, Къавриден мектюп ёкъмы?

Азми. Бильмейим, анай, бельки бардыр, лякин къаранлыкъта сечильмей. Эвде бакъармыз.

Анай (ах чекип). Эвлядымнынъ кеткени эки йылдыр, даа олдыгъы учъ мектюпчик алдым...

Лятиф, Азми ве Анай эки тараф олып чыкъарлар. Шаиров къаранлыкъта газеталарны сзбырсызлыкънен къарыштырмакъта олгъан Айшенинъ янына келир.

Шаиров.

Ичим ялын, тышым от,

Козъ яшым мондюр.

Душман олсанъ, якъ ольдюр,

Дост олсанъ, сёндюр.

Араштыргъан шейинъ бельки къаранлыкъта корюльмейдир (серник чертер). Элимдски сернигим юрегинъде де атеш якъсын.

Айше. Къаранлыкъ белясы етмегендай, сен де баш белясы олмачы.

Шайров. Джанчыгъым, санъа къаранлыкъ олса, бутюн гедже Джетемен йылдызынъ мен олайым.

Элиндеки фенерни салындырып, Ракъамов кирер.

Ракъамов (фенерни юкъары котерип). Кунеш олгъанда йылдыз асла неге керек?

Шайров. Ана санъа къара къышта тазе хыяр! Бу фенерни тутып шу дакъкъасы коктен эндинъми не мараз?

Айше (буюк бир шадлыкънен). Бар, бар, бар! (Ракъамовнынъ бойнуна сарылыр). Ур-ра-а-а!

Ракъамов. Не олды шу?

Айше (газетаны онъа узатып). Мына бакъ, озъ коюнънен коръ газетада биринджи шиirim басылды. Ур-ра-а-а! (Окъуп).

Бааръде багъчалар чечеги ичинде
Ялдагъан севгили эй тувгъан койчигим,
Бугунъ сен кене де ешердинъ гонълюмде,
Бугунъ сен кене де тазердинъ зейнимде...

Ракъамов (Айшенинъ сёзюни болип). Тапкъан шей къуванмагъа. Шайров бир озю эди, энди онъа бир бошбогъаз даа къошулды. Онъгъан экенмиз. Ритм дейлер, рифма дейлер, амма ракъамгъа урып бакъсанъ эписи сёз боткъасы.

Айше (иддетленип). Сенде дуйгъу, дуйгъу ёкъ, Ракъамов, юрегинъни буз къаплагъан.

Ракъамов. Айтам да, бош шей. Сафсата. Не башы бар, не сонъу. Амма ракъамларгъа бир бакъчы: эки кере эки — дёрт. Амин! Башы да бар, сонъу да.

Айше (джаны агъырып). Мен сени, омузлары устюнде башы олгъан сонъ, коксюнде юреги де бардыр, беллеген эдим. Албу исе...

Шайров (озъ башында). Давалашкъанлары яхшы амма... (Айшеге).

Къара тавда чал атым, чёльде къоюм,

Сайлап алдынъ йигитнинъ первой союн...

(Ракъамовгъа). Айше не айтты, анъладынъмы? Юрегинъ ёкъ, дей. Бу исе ракъамгъа урып бакъкъанда

экиден эки чыкты, ноль кбалды, яни арантызда ич бир шей кбалмады, демектир. Шай олгъанда...

Ракъамов. Сен, Шаиров, тек бошбогъаз дегилъ, эм де докъсан докъуз бучукъ процент делисинъ. (Онынъ манълайына чертип). Башынъда исе, бант такъмакынъ беджермек ичюн ялынъыз ярым процент акъыл кбалгъан.

Шаиров. Сен чокъ акъыллы олсанъ, мындан чыктып кет де, бу кызынынъ янында назик юрекли адамны кбалдыр.

Ракъамов (кызып). Бир озюнъиз кбалмакъ истейсизми? (Айшеге). Мен олмасам. мына бу олсун! (Чыкъар).

Айше. Ахтем, токътa (Шаировкъа). Сен не яптынъ шу?

Шаиров. Айше, джаным, шу ракъам торбасынынъ аслы несини бегендинъ? Сенинъ киби шаире бир кызгъа атеш юрекли, кбалъби поэзиянен нефес алгъан адам керек. Мен, эбет де, шимдилик ялынъыз озюмчюн шаир олсам да...

Айше (тышкъа догъру ынтылыр). Ахтем!.. Ракъамов!..

Кийинип-къушангъан, коксюне гуль такъынгъан Дилъра ичери кирер. Шаиров оны эслемез.

Шаиров (Айшени токътатып). Анъла, Айше, сепсиз омюр меним ичюн кунешсиз аяттыр. Сен олмасанъ кунешим къона, кунешсиз оськен отдай...

Айше. Кетчи башымдан! (Санадан чыкъаркен) Ракъамов! Ракъамов!..

Шаиров. Не айтайым, Ракъамов чыкъсын башынъа. (Мугъайып тургъан Дилъраны эслеп). Дилъра, къулапчым, кбайда кбалдынъ, беклей-беклей. бир олдым. Кель, кель сарайым...

Дилъра (оны керитип). Ах сени динсизнинъ баласы, мени кене алдаттынъмы? Мына санъа! (Шаировнынъ юзюне шамар чертип, чыктып кетер).

Шаиров (эллерини ве башыны тѣпеге котерип). Эй, утанмаз ай, айнеджи йылдызлар. Шаировнынъ алыны коресизми?

ПЕРДЕ ЭНЕР

Экинджи лева

Сана: Азмининъ одасы. Ичериде А з м и н е С а б р и.

С а б р и. Мында кельгенимизни корьмедилерми?

А з м и. Хайыр, эфендим.

С а б р и. Бу иштен текмилъ бездим. Кимсин насыл бир арамнынъ скелетини кой-койден ташып, бу джаиллсрге анатомия акъкъында лекция окъу. Лякин не чаре, хызмет... Мында артыкъ ич бир кимсе кельмезми?

А з м и. Кеч олды, умят этмейим. Бельки чай ичерсинъиз?

С а б р и. Керекмей. Сёйленъиз, не олды да денъизсинъемединъиз?

А з м и. Эфендим, балакъ сыланмаздан мени керичекип алдылар.

С а б р и. Я?!..

А з м и (теляшнен). Телюке, телюке къопар, Сабри эфенди. Эгер вапордан къайыкъ эндирильсе экимизни де...

С а б р и. Сус! Сасыкъ джанынъдан къоркътынъмы? Сени аякъ астына алыр да, кенеф къуртудай эзермиз. Бу эки сене ичинде сенинъ джуратсызлыгъынъ себебинден бу ят топракъкъа ич бир адам тюширамадыкъ. Бу не демек олдыгъыны анълайсынъмы, байгъуш эриф?

А з м и. Къыйын, гъзет къыйын, Сабри эфенди. Акъшамдан сонъ эр бирининъ козю къашкъыр киби парылдай.

С а б р и. Сен исе гильки ол.

А з м и (эвельки теляшнен). Сабри эфенди, эгер вапордан къайыкъ эндирильсе...

С а б р и. Сус, пачавра!.. Денъиз къалеси акъкъында сенде насыл бир малюмат бар?

А з м и. Къалеге якъын биле къоймайлар.

С а б р и. Тъфу, санъа, эки сенеден берли мында копек суварып юресинъ.

А з м и (бетини сюртип). Афу эйленъиз, Сабри эфенди, мында мийиндеки фикиринъни юзюньден окъуйлар. Кене де олса...

С а б р и. Кене эскилерини текрарламакъ истейсинъми? Берген малюматларынъ о къадар мартавал ки, олар ялынъыз аджетке баргъанда керек ола билирлер. Къыскъадан сёйле: сонъ не янъылыкъ бар?

А з м и. Бу эвнинъ саиби А н а й...

С а б р и. Билем, къале башынынъ урьметинде экен. Бу акъта учъ ай эвельси шеэрге кельгенде сёйлеген эдинъ. Сонъ, онынъ ярдымынен неге ириштинъ?

А з м и. Шимдилик бир шейге де... Земин араштырам... Ынтылышларым бош чыкъты. Къарт обур къаныджанынен большевик кесильген. Мына бу гедже сонъки ынтылышта булунып...

С а б р и (озюнден чыккып). Сус, сус! Баре сесинъни эшитмейим! Эки сенеден берли бир джайль къартыйнен чекишесинъ. Джуратсыз махлюкъ! (Мыскылынса). «Ватан огълу»! Орада, мемлекетте, сенден иш беклейлер.

А з м и. Багъышланъыз, Сабри эфенди, лякин... Къоркъам, къапкъангъа ав тюширеджек олып. озюм тюшерим, деп къоркъам. Бу ернинъ бала-чагъасы эписи...

С а б р и. Олды, олды. Кечен ай Москвада сефарет векилимизнен корюштим. Сенинъ дёнюмсизлигинъе тааджиленип, янъы косътериште булунды: эки афтадан бойле тыныкъ бир геджеде сен озъ элимизнен ёкъ этиледжексинъ. Анъладынъмы?

А з м и (къоркъуп-къалтырап). Саб... Сабри эфенди, бираз даа мулет беринъ, мен къаным-джанымнен...

С а б р и. Етти! Эгер бу эки афта ичинде вазифсинъни эда этсенъ, афу этилип миллий банкая исминъизге эллибинъ доллар пара къойыладжакъ ве кери ватангъа дёндежексинъиз. Лякин вазифени эда этмесенъ, о алда...

А з м и (Сабрининъ аякъларына тюшип). Къулунъызым, Сабри эфенди.

С а б р и. Тырышынъыз. Олюм я да аят! Сизге башкъа ёл къалмады... Энди арекет саати чалды, аль этиджи ишлерге кечемиз. Башынъда шейтан айнеджилиги, элинъде къан къускъан гъанджер олсун. Эсаплашув саати етти. Аламан достларымыз мына-мына Советлере уджюм этеджеклер.

А з м и. Сабри эфенди, вапордан эндириледжек къайыкъ барып да ялыгъа урса? Денъизде фуртуна...

С а б р и. Къоркъасынъмы? Айды, тынчлан, бу гедже тек сынав эди. Имтиандан кечмединъ. Биль ки, сонъки сынав — сонъки тенбийдир. Эгер... Акъылда тут, сени ёкъ этмек ичюн эмир элимдедир. Озюнъ билесинъ, бу иш бизде пек къолай япыла, дуймай къалырсынъ. Динълс: мемлекеттен Одессая арекет этеджек тиджарет вапоры ярын гедже саиль бойларындан кечкенде денъизде «му-сафир» ташлайджакъ. Оны совет гражданлыгъына къабул

этерсинъ. Онынъ бабасы бу койнинъ байы экен Сибирьге айдагъанлар. (*Тышта даууш, кѣпѣ кѣкѣылыр*).

А з м и (*анахтар тешигинден бакъкъан сонъ*). Къоркъмагъа аджет ёкъ. Донжуаннынъ бириси. Базарда бедава сатсанъ да алмазлар, бизге исе бельки керек олур.

С а б р и. А-а, анъладым, азыр онъа бахшышыны бер де, зынджыргъа кѣвий этип багъла. (*Къойнундан пакет чыкъарып, стол устюне ташлар*).

А з м и. Басылдымы?

С а б р и. Басылмады, бастырдыкъ.

А з м и. Сабри эфенди, сиз ёргъунсынъыз.

С а б р и. Эбет, мен ёругъуным. (*Экинджи одагъа кечер*). Текрар кѣпѣ кѣкѣыла: Азми, Азми, яттынъмы шу?

А з м и (*кѣпѣны аралыкъ этип*). Мен кимни корем: Шаиров! Анакреонтнынъ лирикасына, Диониснинъ нектарына татынгъан улу шаир Шаиров! Рим империясынынъ Катулы, музалар падишасы! Буюр, поэзиянынъ Джетемен йылдызы.

Ш а и р о в. Азми, джиддий бир меселе бар, бу иште сенинъ ярдымынъ керек. (*Ойнап*). Раз, два, три — трам, там, там; раз, два, три — трам, там, там; поворот направо — трам, там, там; пол-оборот налево — трам, там, там. Меселе шунда ки, учюнджи поворотта да «трам» устюнде башлайджакъмы, ёкъса «там» устюндеми?

А з м и. Шубесиз, «там» устюнде башламакъ керск. (*Кулип*). Лякин ойнагъанда кейфинъизни де тамламакъ ичюн Диониснинъ нектарындан бу ханели мезечикни тюпленъиз. (*Кѣадеге шарап тѣкип*).

Мезейи тут, мезейи,
Мезе иле кейф чатмалы.
Оледжекте элинъде
Мезе толу олмалы.

Ш а и р о в. Азми, мен джиддий ишнен кельдим, ссн исе... (*Ичср*). Риджа этем, мени ички ичюн кельди бел-леме.

А з м и. Я бу джиддий иш дегильми? Бурунгъы инсанлар Амурнен Венера янында ички иляийси Дионисни нафиле кѣоймагъанлармы? Халис шаир эм севгисиз, эм де ичкисиз оламаз. Севги онъа ильхам берир, ички исе рух котерир. Дюнья поэзиясынынъ инджилери де затен ички столу башында догъгъандыр.

Ш а и р о в. (озю кѡйып ичер). Валлай, Азми, сен шаирлерден де гузель сѣйленесинъ. Тап юрегим джошты.

А з м и. Бурунгъы Юнанистанда, достым, гемиде булунгъан Орфейни душманлары денъизге ташлагъанда, онынъ къавалынынъ муляйим эгилерине джошын бутюн балыкълар топланып кельген де, оны ялыгъа алып чыкъкъанлар. Дикъкъат эт: балыкълар ве музыка! Я мен инсаным да? Насыл олсун да сен киби осьмекте олгъан яш бир таланткъа первасызлыкънен бакъмайым? Насыл олсун да меним къальбим де сендеки шаирликнен алевленмесин?

Ш а и р о в. (ичип). Азми, сен аккордны бираз юксектен алдынъ. Айше айткъандай, емишсиз терек макъталмаз.

А з м и. Тереги билир. Бугунъ емишсиз олур, ярын-исе дал-будакълары емиштен ерге саркъып тюшер. Базы чыракълар эрте янып, къандиль олып сѣнелер, базылары кеч янып, яз чиллесининъ кунеши киби нур сепселер. Онынъчюн де сабыр тюбю сары алтын дегенлер. Умютинъни кесме, поэзиянынъ яринки кунеши сенсинъ, бунынъ ичюн сенде кучъ де бар, талант да.

Ш а и р о в (столдаки шишени тюппел). Тилинъе бал, Азми ве лякин мен яринки тавукътан бугунъки йымыртаны устюн корем. Шаирим деп койде яйгъара къопарсам да, тынып юрген Айшени бугунъ бутюн дияр билип къалды.

А з м и. Дияр экен! Балабан шей. Сени исе бугунъ бутюн дюнья бильди.

Ш а и р о в. Азми, шакъа этме, ачувланырым, столдаки бутюн къаделерни, чанакъларны парча-кесек этип ташларым.

А з м и. О-о, пек къызматабан экенсинъ. Лякин меним меценатлыгъыма шимди озюнь де къанарсынъ. (Пакстни ачар).

Ш а и р о в. (яры сархош, къуванчнен). Азми, достыгъым, айткъанынъ догърумы? (Ойнап). Раз, два, три — трам, там, там; раз, два, три — трам, там там... Эх, инсан деген шей эр заман бир стакан шарап настроение-синде олса эди.. Трам, там, там; трам, там, там...

А з м и (сары джылтлы китапнен бир къутучыкъ узатып). Буюрынъыз, шаир эфенди!

Ш а и р о в (китапны къуванчнен къап-къач этип алып. Окъур).

«Анакреонтнынъ наснаты»
Бир яшаймыз дюньяда,
Бугунъ бармыз,—
Ярын ёкъ.
Къадейи ал, толдырып сал:
Сагъ олгъанда кейфленип къал!
Ич —
Тюшюнме ярынынъ.
Ич —
Къадень яры къалмасын.
Ич —
Ичип ёрул.
Ич —
Ички чезсин ёргъунлыгъынъ.
Ич —
Ольсенъ биле, омюр дегиль,
«Къаде! Къаде!» олсун
Сонъки сёзюнъ...

А з м и. Браво! Браво!..

Ш а и р о в. «Браво» амма, бизим шиирнинъ къаны-джаны къалмагъан да! Мен санки къаде башында ятып олейик, дедим. Буны чалышмакъ, курешмек керекмейми энди?..

А з м и. Муреттип хатасы олмалыдыр.

Ш а и р о в. Буны окъугъанлар мени омюр билля сархош юре беллерлер. Ёкъ, мен разы дегилим. Айтчы, бу китап асла къайда басылып чыкъты? (*Китапнынъ джылтына бакъып*). Лондон! (*Козълерини Азмиге тикип*). «Лондон»?! Бу не демектир?

А з м и. Эбет, Лондон! Мында къадирынни бильмселер де, ахыр дюньяда сенинъ насыл бир талант олгъанынынъ бир кереден анъладылар. Джианда нам къазандынъ! Къуван, къуван Шаиров! (*Къутучыкъны узатып*). Бу да эмек акъкъы — бинъ манат!

Ш а и р о в (*тюшюндежеде*). Лондон!.. Копек огълу копек, сенден сорайым, буны кимнинъ рухсетинен яптынъ?

А з м и. Чокъ иддетленме, оларны мында эп бир басмаз эдилер. Мен санъа онъайтлы ёл таптым.

Ш а и р о в (*Китап ве къутуны Азмининъ юзюне шыллап, онъа догъру юрер*). Мен сенинъ тапкъан ёлунънынъ бабасынынъ башына... Контра! Контра! Сенден сорайым,

меним шиирлеримни бозмагъа, душманларгъа сатмагъа сенинъ не акъкъынъ бар?

А з м и (къызышып). Сус, бешарет! Бойле шейлерчюн акъ-укъкъ соралмай... Къоркъма, дуймазлар, мен де бошагъыз дегилим. Иште, бир кереден эм пара, эм де нам къазандынъ. Валютаны совет парасына мен озюм денъиштиририм. Янъы шиирлеринъ олса, бер, оларны да ёллайыкъ, анда басарлар.

Ш а и р о в (пармакълары арасындан баш пармагъыны косътерип). Мына санъа! (Онынъ устуне атылып). Мен сенинъ контра бабанънынъ...

А з м и (джебинден пыштавыны чыкъарып). Сус, дейим санъа, якъын кельме, ёкъса шимди тапанджаны басарым. Къапкъангъа тюшсе арслан биле баш эге, сен исе ирадесиз пачавра бир инсансынъ. Макътадым — къанмадынъ, энди музыкасыз да ойнарсынъ. Боюн ильмегинъ меним элимдедир. (Киталны косътерип). Бунынъ ичюн сени... Анълайсынъмы, санъа хиянет, хаин дерлер. Башталарда айтып юерлер, достлар душман олурлар, сонъра геджелерден биринде къапынъны къакъып, элинъе ордер туттырырлар. Тюрьме ордери. Сонъ къафесчигинъден бош оданынъ таванына бакъар да, шиирлеринъни пенджеренъ огюнден кечкен къушларгъа окъурсынъ.

Ш а и р о в (озюнден чыкъып). Токъта, анълайсынъмы, токъта! Ёкъса богъазынъа япышырым... Мен не яптым шу?.. Бу сасыкъ инсаннынъ ким экенини анъламагъаным... (Къапыгъа догърулып). Мен санъа ятаджакъ еринъни косътеририим!

А з м и (пыштавыны онъа козьлеп). Токъта! Сонъки кере айтам, токъта! Бир, эки... (Шаиров башыны эгип, ерге чёкер).

ПЕРДЕ ЭНЕР

Учюнджи лева

Сана: айны шу одада. Ольгюн-ольгюн чыракъ янмакъта. Ичериде А з м и ве Ш а и р о в.

Ш а и р о в (тиз чёккен, сачлары юзюне тёкюльген). Ялварам сизге, джанынъыз-къурбанынъыз олайым, мапъа токъушманъыз. Яшамакъ, достларымнен дост муаббасликъ-

те яшамакъ истейим. (*Агълап*). Даа деми омюр манъа кулип бакъа эди, энди козьлериме къаранлыкъ тюшти... Ялварам сизге, къазанчымы да, эвдеки бутюн шейлерими де алынъыз, тек намусыма токъунманъыз, генчлигими аджынъыз, янъы башлагъан омюрими аджынъыз. Ялварам, виджданымы крлеменъиз.

А з м и (*элинде пыштавы, аякъкъа турар*). Етти! Аман шимди паспортынъны стол устуне къой, акси алда... Бир, эки...

Ш а и р о в. Менден аладжагъынъыз тек бумы?

А з м и. Эбет.

Ш а и р о в. Мени артыкъ анъмазсызмы?

А з м и. Ёкъ. (*Саатине бакъып*). Тез ол, вакъытынъ дитятыр.

Ш а и р о в. Яхшы, паспортымны алып келирим. (*Къапыгъа ынтылыр*).

А з м и. Токъта! (*онынъ джеплерини тинтип*). Шай! Мына бу кягъытны имзала. (*Язар ве окъур*). «Мен, Абкъаиров М. И., авале олунгъан гизли иш ичюн учъ бинъ рубле пара алдым».

Ш а и р о в. Ялан!

А з м и. Бу кягъыт сенинъ башынъ ичюн залогдыр. Паспортынъны кетирсенъ — кягъытны йыртармыз. Тез ол!

Ш а и р о в. Яхшы, разым. (*Кягъытны имзалар*).

А з м и. Бу кягъытнынъ не олгъаныны анълагъандырсынъ эбет. Айды, яшамакъ истесенъ, бу чыракъ сёгендже мында ол. (*Шаиров чыкъар. Онынъ пешинден*). Пич! Бунъа баргъандже «намус» дегенде джанларыны бермеге азырлар.

С а б р и (*къапыдан башыны косътерип*). Эбет, гъает худжур бир халкъ, энъ ошоромы биле намус дегенде таш кесиле. Бизге исе ташны куль эткен атеш олмакъ керек. Келирми?

А з м и. Къоркъусындан отю патлайязды. Кельмси къайда бараджакъ? Къамчылай-къамчылай арсланны биле эльге алыштыралар, бу исе... (*Экинджи якътан тасырдылар эшитилир*). Сабри эфенди, сиз ёргъунсынъыз.

С а б р и. Эбет, мен ёргъуным. (*Кери чекилир*).

Анай (*янаша къапыдан башыны косътерип*). Кеч маальде раатсызлагъаным ичюн мени айып этме, огълум.

А з м и. Бир эвде отургъан сонъ онынъ айыбы олурмы. Буюрынъыз, амай.

А н а й. Мындан бир давушлар эшитильди, не экен деп кирмей кечип кетип оламадым. Биревлер агълай эди гъалиба?

А з м и. Ёкъ, джаным, бизим девиримизде агълагъан адамны купе-кундюз фенернен кыдырсанъ да тапамаз-сынъ. Инсанлар дегиль, бакъынъыз, кокюмиздеки йыл-дызлар да кулелер.

А н а й. Ким биле оны, биревлер агълагъан киби кель-ди.

А з м и. А-а, догъру, агъладылар, эм ойле бир агъла-дылар ки... Ха-ха-ха!..

А н а й. Башкъасы агълагъаны ичюн сен кулесинъми, огълум? Ким эди о агълагъан?

А з м и. Шаиров!

А н а й. Я онъа не олгъан, нечюн агълады?

А з м и. Шай, шакъа этип агълады.

А н а й. Агълавнен шакъа олурмы, огълум?

А з м и. Ролю ойле, анай. Пьеса азырлаймыз. Онънъ пайына ольген севимлиси башында агъламакъ тюшти. Шакъий бир яш: эм ролюни ойнады, эм де агълады.

А н а й. Пьесада олса да, оны чокъ агълатма, огълум. Козьяш сув дегильдир, ич яныгъынынъ агъырысыдыр.

А з м и. Шакъа о, анай: яш тѣкип агълай да, сонъ шакъылдап куле.

А н а й. Кульсин, огълум, кульсин, инсан генчлигинде кулип осьмели. Сонъ, огълум, Къавриден мектюп ёкъмы? Тарсыкъам, энди учъ айдыр ондан ич бир хабер кельмеди. Сынъырда атышмалар ола, дейлер, барып да эвлядым...

А з м и. Къавриден мектюп кельди.

А н а й. (ичери адымлап). Окъуса, окъуса огълум, эвлядым не яза экен.

А з м и. Окъуп сизни мугъайтмакъ истемейим. Инде-мей тургъаным да бунынъ ичюн эди.

А н а й. (абдырап). Мугъайтмакъ?.. Ёкъса балам яраландымы?

А з м и. Даа да бетер.

А н а й (козълери яшланыр). Не?!.. Ёкъса.. Тез ол, айт!

А з м и. Ольди дер эдим амма...

А н а й. Не?!

А з м и. Ёкъ, ольди беллемсеньиз...

А н а й. Ялварам, чекиштирме, тез ол, сѣйле, огълума не олды?

А з м и. Ольмеген, лякин яраланып, душмангъа эсир тюшкен... Бунъа исе бизим тильде не дейлер, билесиэми?

А н а й. Ёкъ, ёкъ, меним огълум ойле шей япмаз! Олер, лякин ич бир вакъыт эсир тюшмез.

А з м и. Бильмейим... Бугунъ ондан мектюп алдым. Печаты да башкъа, конверти де.

А н а й. Косьтер!

А з м и. Мына!

А н а й. Козюм коре, къальбим инанмай...

А з м и. Ондан бойле иш мен де беклемеген эдим. Комсомол. Лякин оладжакъкъа чаре олмаз экен, къартлыгъынъызда бир фелякетке даа огърадынъыз. Не япма-лы, анай, бунъа да конмек керек. Эбет, истеп тюшмеген-дир.

А н а й. Анълап оламайым. Къаври, меним огълум, къызыл батырнынъ къардашы...

А з м и. (окъуп). Динъленъыз. «Севимли аначыгъым! Сынъырда сагъ аягъымдан яраланып...»

А н а й. Балам, эвлятчыгъым... (агълар).

А з м и. Ялварам сизге, девамыны сонъ окъурмыз.

А н а й. Окъу, окъу, ольсем де бу гедже олейим.

А з м и. Динълемеси сизге агъыр олур.

А н а й. Окъу!

А з м и. «...бу ят эллерде энди эки айдан берли козь-яшлар тѣкип, саба-акъшам «Ана! Ана!» деп аи-зарлар чекем. Нейлейик, аначыгъым, талийимиз къара чекильген, сонъки эвлядынъ мен де...»

А н а й (козьяшларыны силип). Окъу!

А з м и. «...сонъки эвлядынъ мен де къабир башында дым топракъта комюльмемни беклейим. Яш чагъында оль-мек къоркъунч бир шей экен. (Азми козьлерини силип. девам этер). Севимли аначыгъым! Бу дар дюньяда сен меним екаяне къоруджымсынъ. Сютюнънен беслединъ, къан-теринънен осьтюрдинъ, ялварам санъа, мени бу къор-къунч олюм панджасындан къуртар. Сенинъ янынъда, плынъыз сенинъ янынъда ятып ольмек истейим...»

А н а й. Ярдым этерим, эвлядым, шу джеэннемден сени мытлакъ азат этерим. Бу гедже шеэрге, Бариске барып етерим, Ворошиловкъа мектюп яздырырым. О сени янъгъыз башында къалдырмаз. Бутюн аксерлерини топлап...

А з м и. Анай, эсли-башлы бир къадын олсанъыз да, меселеге пек усттси бакъасынъыз. Бир адамгъа ола Воро-шилов бинълерджэ яш джанны къурбан этерми?

А н а й. Айса, айт, огълум, не япайым? Не әйлейим де, әвлядымы кѳуртарайым? Мен әр шейге азырым. О меним дюнѳя кѳуванчым, джанымдыр. Айт, не япайым?

А з м и. Динѳленѳиз. (Окѳур). «Севимли аначыгѳым! Джеллят кѳанлы балтасыны котерип башынѳ уджунда тургѳанда олюм дешети әр шейни яптыра экен. Сонѳки кере тенимни атешли демир чыбыкѳларнен якѳкѳанда ар-тыкѳ чыдап оламадым...»

А н а й. Әвлятчыгѳым, сенинѳ чеккенлеринѳ меним башыма тюшкейди...

А з м и. «...сѳз бердим. Бир ай мулет кѳойдылар, манѳа ярдым эт, аначыгѳым, сизге әр шейни әвимизде яшагѳан А з м и анѳлатыр. Акси алда мени де, менден мектюп де беклеме».

А н а й. Айт, огълум, не япмакѳ керек? Мен әр шейге азырым.

А з м и. Огълунѳызнынѳ риджасы ойле агѳыр бир иш дегильдир. Мектюби эльге тюшип окѳумасынлар деп, манѳа франсызджа яздыргѳан ве шойле дей: «Аначыгѳым, бу ердеки забитлер менден денѳиз кѳалесининѳ ресимини таппамны истейлер. Алла бильсин, оларгѳа бу ресим не ичюн керек олгѳан бильмем. Бунынѳ ичюн манѳа омюр ишандыралар. Дагѳгѳа чыкѳарып йибереджеклер. Ази-зим, анайчыгѳым, кѳале башы сизни севип-сайгѳашындан, бу иш элинѳизден келир деп, умют әтем...»

А н а й. Я бу ишни насыл япаджам?

А з м и. Анда мусафирликке деп барырсынѳыз, кѳале-ге киргенде я андан чыкѳкѳанда мен берген кучючик аппаратнынѳ дѳгмесини басып, анда сыранен тизильген топларгѳа ве машиналаргѳа кѳаршы тутарсынѳыз. Джаным, кѳолай шей, әр шейни косѳтерир-анѳлатырым. Лякин бираз сакѳт олунѳыз, кимсин не беллемесин-лер.

А н а й (шашкѳынлыкѳнен). Сонѳ?

А з м и. Олгѳаны-оладжакѳ шу. Буны япсанѳыз Кѳав-ри олюмден кѳуртуладжакѳ.

А н а й (аякѳкѳа турып, ачувенен). Сонѳ?

А з м и. Айтам да, башкѳа ич бир шей керскмей. Аппаратчыкѳны сонѳ манѳа берирсинѳиз. О кучючик бир шейдир.

А н а й. Сенден сорайым: сонѳ? К ѳ а в р и ойле дей-ми?

А з м и (әлсленип). Мен сизни анѳлап оламайым.

А н а й (отурып). Бильмейим... Мен де ич бир шей анълап оламайым. Эр шейни туман басты.

А з м и. Огълунъыз пек ачыкъ язгъан.

А н а й (текрар еринден турып). Ялан! Сен ялан айтасынъ!

А з м и. Мына мектюп! Ялварам сизге, багъырманъыз, огълунъыз шеринден меним башымы да белягъа къойманъыз. Манъа коре эписи бир: бу иш — ана-баланынъ озъ иши. Лякин огълунъыз къабир башында тургъанда сизнинъ юрегинъизде аз бучукъ олса да аналыкъ мераметит тапылмазмы? (Мыскъылнен). «Ана!» Бу мектюпни окъугъанда юрегинъиз ягъ киби ирип кетмек керек эди.

А н а й (ерине отурып). Эвлядыма эмизген сютюм былашыкъ дегильдир, беллеген эдим. Албу исе... Дессене... Къаври, сёйле огълум, сен... Ёкъ, айтмагъа тилим бармай. Не япайым? Бу дакъкъасы огълумчюн озюмни джардан атар эдим ве лякин... Эбет, къаледе мени саялар... Эр йыл уйкен огълумнынъ къабири устюне гульдестелер кеттирип къоялар. Бельки дуймазлар...

А з м и. Эр алда сакът олмакъ керек.

А н а й. Огълум къуртулыр, кене янымда олур...

А з м и. Онъа шубенъиз олмасын.

А н а й. Онынъ къара сачларыны сыйпар да, козьлеринден оперим...

А з м и (козьлерини силип). Ана севгиси! Дюнъяда ондан да азиз башкъа бир шей бармы экен?..

А н а й. Яхшы, огретирсинъ, барырым... Ёкъ, ёкъ, мен не дедим шу! Бармам, алла косьтермесин, чагъырсалар да къалеге якъын биле бармам!

А з м и. Я огълунъыз!

А н а й. Огълум?.. (Озъ башына). Я огълум?.. Не япайым, баш язысы дер де, бунъа да конерим. Делидиване олып дагъларгъа баш урарым. Агъларым... Къанлы козьашлар тёкип агъларым. (Дякъкъа турып, Азмиге тикилип бакъар). Мени джаиль деп, ашшалама, копек баласы! Алла косьтермесин, олерим, амма озъ халкъыма, озъ девлетиме ич бир вакъыт хиянетлик япмам. Мыла шимди, бу зиндан геджеде башымны алып шеэрге кетсёр де, бирер-бирер бу лафнынъ эписини Бариске айтырым!

А з м и. Яхшы этип тюшюнип бакъынъыз, ана, сонъки пешман — башкъа душмандыр. Бир огълунъыз бар, о да табутыны беклей. Огълунъызны къуртармакъ ичюн фырсатны эльден къачырманъыз.

А н а й. Къаври, огълум, сен къайдалардасынъ явручыгъым...

А з м и (озъ башына). Амма да обургъа расткельдим. Шимди бея къопар.

А н а й. Ёкъ, юрегим бу иште хаинлик сезе, менден файдаланмакъ истейлер. (Къапыгъа догъру адымлер).

А з м и (озъ башына). А-а, инатлыкъ этесинъми къарг обур? Ёкъ, сенинъ ичюн озъ джаныны къыяджакъ ахмакъ даа догъмады. Эйиси озюнъ оль... Анай, огълунъыз мындадыр!

А н а й (кери бурулып). Не?!.. Шакъа этесинъми?

А з м и. Огълунъыз мындадыр!

А н а й. Мында? Къайттымы? Я бир кереден не айтмадынъ?.. Огълум, Къ а в р и, сен мындасынъмы?..

А з м и. Эбет, мындадыр! Лякин о сизге омюр билля сес бермез. Ондан кельген бутюн мектюплер япма эди, оларны мен яздым. Огълунъыз шу сагълыкълашув акъшамы койден чыкъмады. Коръмек истейсизми? Мына о, бакъынъыз! (Бирден пердени чекер. Анда инсан скелети).

А н а й (эллерины ачып, скелетке догъру чапар). Къаври. Къаври... Эвлядым, санъа не яптылар... (Эси кетип, ерге йыкъылыр).

А з м и. Не исе, бу обурдан къуртулдым. (Элине явлыкъ алып, оны богъмакъ ичюн Анайнынъ устюнс эгилир). Айды, бошкъа кеткен бу ынтылышнынъ сыры сенинънен обир дюньягъа кетсин.

С а б р и (пейда олып). Сен не яптынъ шу, пезевенк!

А з м и. Чаресиз къалдым... Энди тындырмакъ истейим, бир даа агъызыны ачмасын.

Къапыда тасырдылар. С а б р и гизленир. А з м и къапыны беклейджекте, ичери Ш а и р о в сюрп кирер.

А з м и (ерге серилип яткъан Анайны косьтерип). Бакъ, бу акъта дудакъ ойнатырсынъ... Ма, тут буны да... (явлыкъны узатып, богъмакъны ишарет этер).

Ш а и р о в (эп кери чекилип). Мен... мен япалмам...

А з м и. Якъын кель!

Ш а и р о в (къапынынъ туткъычына ялышып). Мен... мен шимди.

А з м и. Токъта! Токъта дейим санъа! А-а, чакъмагъа къачасынъмы? Мына санъа да! (Агар. Ш а и р о в юзю-къоюн тюшип, ссрилип къалыр).

С а б р и (чыкъып, теляшланып). Ахмакъ ишсап, сенинъ яптыгынынъ недир шу? Делирдинъми? Мына шимди стип келир де, экимизни де тип-тири дарагъачкъа асарлар.

А з м и. Озь джанымы сакъламакъичюн онынъкйинъ гъайып эттим. Къоркъманъыз, бу эв кой четиндедир. (Къартийни косътерип). Энди бунынъ ишини де битирмек керек.

С а б р и. Къутурма! Бир геджеде эки адамнынъ гъайып олмасыны меним мында кельмемнен багътарлар. (Эгиллип, Анайнынъ набызыны, юрегини динълеп бакъар). Эп бир сабагъадже яшамаз. Ольдирмеге аджет ёкъ. Озь тешегине ерлештир де, эйиси азраильге джаныны озю теслим этсин. Яшаса биле паралич олур, тили тутулыр, я да акъылыны джояр. Я о бирини не япарсынъ?

А з м и. Денъиз шувулдай, фуртуна къопты...

С а б р и. Документлерини алмагъа унутма.

А з м и. Мен оны чувалгъа къойып, мына бу гедже Чатал Къаядан ашагъы денъизге атарым. Бир къач кунъден сонъ мындан озь изимни де джоярым...

С а б р и. Хасап! Джан алмагъа билесинъ амма, элинъден иш кельмей. Бу геджени де акъылда тутармыз: эгер сенинъ джанынъны мындакилер алмаса, о алда...

ПЕРДЕ ЭНЕР

УЧЮНДЖИ ПЕРДЕ

Биринджи лева

Сана: денъиз ялысы. Къаранлыкъ гедже. Проекторларнынъ козь къамаштырыджы шавлелери кяде бир денъизни бойлап, сытыкъ къаяларны айдынлатып, сонъ кери чекилелер. Авлакъларда давушлар якъгырамакъта.

Эй-й, тез ол, тез-з!..

Эй-й!..

Эличе тюфеги Билял къарт кирер.

Билял къарт. Токъта! Кимдир о кельген?

А б л я з. Меним, Билял эмдже.

Билял къарт. А-а, сенсинъми, Абляз, огъурлар ола?

А б л я з. Посткѡа.

Б и л я л к ѡ а р т. Эрте дегильми?

А б л я з. Энди тезден яры гедже.

Б и л я л к ѡ а р т. Эбет, энди тезден яры гедже...

А б л я з. Денѡиз ой да сертийди, джанавар кибн окюре.

Б и л я л к ѡ а р т. Эбет, денѡиз толкѡунлы, кок нурсыз, орталыкѡны булут саргѡан... Хавфлы гедже!

А б л я з. Хавфлы гедже... Сакѡт олмалы... Сизге вакѡыт, кѡайтынѡыз.

Б и л я л к ѡ а р т. Юрегим кѡаарленди, недендир элесленип башладым. Хавфлы гедже... Пис аякѡлар эял топракѡкѡа аякѡ басарлар, деп сакѡынам. Кѡалмакѡ керек олур, гѡалиба, танѡны мында беклерим.

А б л я з. Учѡ геджедир, юкѡламайсынѡыз.

Б и л я л к ѡ а р т. Ана шу ерде эшилѡген бир кѡабир бар. Анда иблисиниѡ келини ята. Кѡуртлагѡан джесетн энди чокѡтан куль-топракѡ олгѡандыр. Шу кѡабир янын-дан титсиремей кечалмайым. Мен шу обурда чалышкѡанда геджелернен юкѡламай, кунѡлернен аш корѡмей эдим. Онынѡ малыны кѡорудым. Шимди озѡ топрагѡымы кѡоруйым. Сонѡ насыл олсун да бойле бир геджеде козюме юкѡу кирсин.

А б л я з. Юринѡ. Билял эмдже, саиль бою кетейик.

Б и л я л к ѡ а р т. Я мында ким кѡаладжакѡ?

А б л я з. Хабер этильди, энди тезден келирлер.

Чыкѡарлар. Кимдир, сюйрелип кѡаялар артына синѡер. Бираздан Айше ве Ракѡамов кирерлер.

А й ш е. Ой, не де серин гедже! Дуясынѡмы, денѡизиниѡ де озюне коре кѡокѡусы бар.

Р а к ѡ а м о в. Эбет, дуям.

А й ш е. Сезесинѡми, ель эстикче чайырлардан толкѡун-толкѡун кѡокѡу келе.

Р а к ѡ а м о в. Эбет, сезем.

А й ш е. Мумкюн олса да, бу кѡокѡунен мешребе толдырып, котерип-котерип ичсень.

Р а к ѡ а м о в. Айткѡанларынѡ акѡылгѡа ятмай. Келле шаирлик бошбогѡазлыгѡы. Лякин ракѡамгѡа урып бакѡкѡанда иш бам-башкѡа: аванынѡ 78 онда учю азот, 20 юзде докѡсан докѡузы кислород, он бинѡде он экиси неон, он бинѡде дѡрдю...

Айше (тарсыкып). Ахтем, джанчыгъым, ракъамсыз сёйленсене.

Ракъамов. Сонъ-сонъунда эр шей ракъамгъа келип багълана.

Айше (наз ве джилъвенен). Ахтем, бельки севги акъкъында бир шейлер айтырсынъ?

Ракъамов. Айт, неден башлайым.

Айше. Башта йылдызларны тасвирле, сонъ исе...

Ракъамов. Мумкюн. Бизге энъ якъын йылдыз Центаврадыр. Ерден къыркъ биллион километр авлакъта олып, онъа поезднен кетеджек олсанъ ялынъыз сексен еди миллион йылдан сонъ барып етерсинъ. Сейярелерден Марс исе... (Айше «ах» чекер.) Озюнъ йылдызлардан башла дедиңъ де!

Айше. Кене ракъам.

Ракъамов. Дюнъяда эр шей ракъамнен ольчене.

Айше. Севги де ракъамнен ольченеми?

Ракъамов. Ниаетинде о да ракъамгъа келип таяна.

Айше (чаресизлигинден эллерини джайып алып). Бильмейим, асла сенде не таптым да, санъа гонъюль бердим. Сёзлерим юрегинъе дегиль, ташкъа барып уруна. Амма мен севмек, севгинен алевленип туташмакъ истейим. Севги гонълюмде козьнен корюльмез, манасы анълашылмаз къуванч чокъракъларыны къозгъай. Къанатланып коклерге учмагъа, булутларгъа синъип, ондан бутюн джианны охшап, къакъылдап кульмеге истейим. Лякин янъгъызым. Юрегимде атеш туташтыраджакъ сен исе...

Ракъамов. О да олур. Улу алим Ланжевен аркъамызда эки миллиард йыл олса, алдымызда он бинъ миллиард йыллыкъ омюр бар, дей. Ашыкъма. Шимдилик исе... (Элиндеки китабыны ачар). Языкъ, ракъамлар корюльмей.

Айше (океленип). Ташла китапны — сен посттасынъ.

Ракъамов. О да догъру...

Айше. Не сустынъ, айт бир шейлер.

Ракъамов. Дейджегим, ракъамлар сонъсыз олалар. Мына эгер бир тюшюнип бакъаджакъ олсанъ...

Айше. Мен севги де сонъсыз ола, дер эдим. Иште, кене юрегим къозгъады. Айт, айт, деп эмир эте, амма тилим бармай, айталмайым. Бильмейим, айтсам да анълар экенсинъми!

Ракъамов. Айтаджагъынъ ракъам олса, анъларым.

Айше. Ракъам не о, бусы даа да кыйын, ады буюк арифнен языла: Севги! Севем, Ахтем, сени севем!

Ракъамов. Къачкъаным ёкъ, севе бер.

Айше. Уф-ф, анълайджакъ инсангъа бенъземейсинъ. Севги эки тарафлы олмакъ керек, демек, сен де мени севмек керексинъ.

Ракъамов. Къоркъам, башым экиге болюнсе ракъамларгъа ер къалмаз. Институткъа имтиан берейим де, сонъ северим.

Айше (сертийип). Демек, шимди севмейсинъ, ой-леси?

Ракъамов. Бильмейим, Айше, амма янымда олсанъ гонълюме пек хош келе.

Айше. Онъа да шукюр... Гъарип анай! Бутюн кунъ кене эссиз ятты. Акъшам устю козьлерини ачып, «Къаври, эвлядым» деп багъырды. Сонъ кене серилип къалды. Ана!.. Огълуны корьмеден олип кетеджек.

Ракъамов. Къызы да бар эди, дейлер.

Айше. Бар экен. Къавриден бираз кучюк экен. Не олды — кимсе бильмей. Анай, къызыны хатырлап, эр вакъыт айны бир йырчыкъны йырлай ве эм агълай эди...

Айше яваштан «Айдынъыз балалар» йырынынъ эгисини созар. Бу арада къая артында кольге тепренир. Денъиз ичинде аллы-ешилли ышыкъ балкъылдап, бирден кесилр.

Айше. (абдырап). Козюнъе ич бир шей чалынмадымы?

Ракъамов. Ёкъ.

Айше. Денъиз устюнде ышыкъ йылтырады.

Ракъамов. Прожектор олмалы.

Айше. Титис гедже... Гамлетнинъ бабасынынъ къабирден чыкъып кельген геджесине ошай. Я барып да денъизден... Титис гедже инсанда нидже теляшлар догъура... Ёкъ, гъалиба башкъа бир ышыкъ эди. (Денъиз кенарына догърулгъанда бирден керичекилир). Денъизде къаралты бар!

Ракъамов. Агъач олмалы. Тюневин озенлер ягъмурдан ташып, къораларны ювып денъизге ташладылар.. Сонъ, Гамлетнинъ бабасы къабирден насыл чыкъкъан?

Айше. (козьлерини денъизден алмадан). Ахтем, денъизде къаралты бар... Бакъ, толкъунлар оны эп ялыгъа итейлер. Сув тубюне комюльди... Иште, коресинъми, кене чыкъты... Мен къоркъам, кетейик бу ерден.

Р а к ъ а м о в. Кетмек олмаз, биз посттамыз.

А й ш е. Кене батты... (Октемнен далгъа шувулдап, орталыкъкъа пускюрип джайылыр). Далгъа къаралтыны ялыгъа ташлады! (Денгизге догъру адымлар. Бирден абдырап). Ой-й, джесет! Инсан джесети!..

Р а к ъ а м о в (якъын келип). Эбет, инсан джесети! Сачлары бетине джайылгъан...

А й ш е. Юр, кетейик, мен къоркъам.

Р а к ъ а м о в. Юр, пост начальнигине бильдирейик.

Чыкъарлар. Къая артындан А з м и котерилер.

А з м и. Не исе, кеттилер... Пичлер! Бу арам эриф ольген сонъ да мени излей. Эйиликке алямет дегиль. (Джесетни котерип, денгизге ташлар). Балыкъларгъа аш олсун! Давранмалы, шимди етип келирлер.

Къаялар артында гизленип, арды-сыра сигнал берир. Бираздан понтон къайыкъ ялыгъа якълашып, къаягъа урунур.

К ъ а й ы к ъ т а н. Эмдже, Акъбардакъ ялысы бумы?
А з м и. Эбет, будыр.

К ъ а й ы к ъ т а н. Алла беясыны берсин, бу амансыз фуртуна аз къалды мени богъаязды. Мен балыкъчы колхозындан олам.

А з м и. Чыкъынъыз!

К ъ а й ы к ъ т а н. Къаялар кедер этмезми?

А з м и. Тез ол, чыкъынъыз!

К ъ а й ы к ъ т а н. Ким айта?

А з м и. Империя! Къайыкъта ким?

К ъ а й ы к ъ т а н. Цезарь!

А з м и. Тез ол, чыкъынъыз!

К ъ а й ы к ъ т а н. Аманлыкъмы?

А з м и. Сизге айтам, тез ол, чыкъынъыз!

Къайыкътан чалманлы бир адам — И с м а и л тюшер.

И с м а и л (элинде пыштавыны азыр тутуп). А з м и адлы шахска эль берем, ойлеми?

А з м и. Эбет. Исмаилгъа эль берем, ойлеми?

И с м а и л. Эбет (Эль тутушырлар). Чокъ беклетинъ, керчектен де богъулаяздым.

А з м и. Гонъюлли бекчилер къртурт киби кърйнашалар.
Чаре олмады.

И с м а и л (тишлерини кърйрап). Эх-х, олар...

А з м и. Сен агърлайсынърмы?

И с м а и л. Иште, шу ерде анамнынър кърбаири оладжакър. Эшилърген, йыкърылгъран.

А з м и. Яваш олунар, совет ялысы къртургъран денъризден де хавфлыдыр.

И с м а и л. Кърачып кеткениме он секиз йыл олды...

А з м и. Давранайыкър, мени олюлер излей. Бу гедже манър изими джоймакър керек.

И с м а и л. Я мен?

А з м и. Сени совет гражданыгърына кърбул этерим. Документлер азыр. Лякин къроркърам, сени ерли халкър танымазы?

И с м а и л. Яшлыгърым шеэрде кечти — окърудым. О вакърыт биле мени танымай эдилер. Он сскиз йыл... Буны тут!

А з м и. Не о?

И с м а и л. Къромшу девлеттен бу девлетке достлыкър бахшышы — дипломатия алеминде достлыкър иште бойле ола.

А з м и. Не о?

И с м а и л. Шейтан машинасы! Онынър кучю къралелернинър ташларыны тоз этип, коклерге чанъргърыта.

А з м и. Гузель шей экен... Авлакърта янгъран ярыкърлар арбий къраледир.

И с м а и л. Якърын экен.

А з м и. Якърын амма бармасы кърыйын. «Бахшыш» тек бир данеми?

И с м а и л. Колхозгър да бар. Экинджисинен бу колхозгър мезар къразармыз.

Чыкърарлар. Бираздан Ля т и ф ве эки сынърыр бекчиси келип кирерлер.

І б е к ч и. Начальник аркърдаш, постта адам корюльмей.

Ля т и ф. Худжур шей... Масхаралыкър! Бойле месуль бир геджеде... Ич бир тарафкър чекильменъриз, мен шимди кърайтып келирим. (Чыкърар).

ІІ б е к ч и. Насыл дейсинър, мына шимди денъризнинър о тарафында да фуртуна бардырмы?

I бекчи. Бираз бекле, дюнъя революциясы чыкъ-сын да, анда барып кельген сонъ айтырым.

II бекчи. Деньизде тютюн къокъусы бар, дуя-сынъмы?

I бекчи. Сен тютюн сагъындынъ гъалиба. (*Бурун чекип, къокъланып бакъар*). Эм сайыдан да «Казбек» къокъуй. Думанлатасынъмы бир данечик?

II бекчи (*ачувланып*). Ананъ сени терс догъургъан гъалиба.

I бекчи. Бильмейим, насыл догъургъаныны анамдан сора.

II бекчи. Шай да белли.

I бекчи. Белли олса не сорайсынъ?

Л я т и ф. Ай ше ве Р а к ъ а м о в к ѡайтып кирерлер.

Л я т и ф. Косътеринъиз, не ерде?

Ай ше. Мына...

Л я т и ф. Бельки къоркъудан ойле корюльгендир?

Р а к ъ а м о в. Джесет эди.

Л я т и ф. Нечюн тартып чыкъармадынъыз?

Ай ше (*титсиреп*). Вай!..

Л я т и ф (*Ракъамовгъа*). Сен де къоркътынъмы?

Р а к ъ а м о в. Начальник аркъадаш, ялыгъа ташлан-гъан джесетни деньиз бир даа кери тартып алмаз бел-ледим.

Л я т и ф. Постны ташлап кетмекнен джинает ишле-динъиз. Бу меселени комсомол бюросында бакъармыз. Къана, постынъызгъа кечинъиз. (*Сынъыр бекчилерине*). Юринъ, облавгъа!

ПЕРДЕ ЭНЕР

Экинджи лева

Сана: кабинет. Ичерисини тютюн думаны баскъан, Стол устюнде сигар тютпиклеринен толу куллюк, ичильмеген чай, ашаламгъан аш.

Борис, башыны столгъа даяп, тюшюнджели бир алда отура. Ичери хызметчи къадын кирер. Кедернен столгъа бакъып, башыны саллай: эх-х!..

Х ы з м е т ч и к ѡ а д ы н (*стаканны кери алып*). Кене сувып къалгъан. (*Чыкъып, деръал сыджакъ чайнен к ѡ ай-*

тып кирер). Борис Никитич, ич олмадым бир чайчыкъ ичинъ. Сизге деп къомшудан экиши бир лимончыкъ таптым. Бакъкъанда биле агъызынъ сувлана. (*Сукюнет, Багъырып*). Борис Никитич, бакъ, сонъу ярамаз, атешленирим. ...Энди бу не маразынъ битмеген тюшюнджесидир! Айды, тувгъанчыгъым, ич бир чай да, диван устюне узанып, бир чырым юкъу ал. Кимсени кирсетмем, командировкагъа кетти, дерим. Учъ геджедир, де юресинъ, де тюшюнесинъ, шай олурмы энди. (*Сакин бир давуинсен*). Ёкъса севги асретлиги чекесинъми? Яшлыкъта олуджы шейдир. Ана, айта эдинъ де, ады не эди шу?

Б о р и с. Нияр.

Х ы з м е т ч и к ъ а д ы н. Иште, дейим де, къызлар енгиль этек ола тургъанлар, ёкъса гонъюлинъи къырдымы, джанынъы агъырттымы? Къасветлесиме, тувгъаным, башкъасыны тапармыз. Эм ойлесини тапармыз ки, тыпкъы монпасъе олур.

Б о р и с. Нияр енгиль къызлардан дегильдир.

Х ы з м е т ч и к ъ а д ы н. Айса даа не ола билир?.. Ёкъсам бир шей джойдынъмы?

Б о р и с (*аякъкъа турып*). Джойдым, бизчюн лек къыйметли шейни джойдым.

Х ы з м е т ч и к ъ а д ы н (*абдырап*). Парамы?.. Борис Никитич, айт, не къадар, чокъ эдими?

Б о р и с. Эй-й, джойылгъан шей пара олгъайды.

Х ы з м е т ч и к ъ а д ы н. Айсе?

Б о р и с. Душманым джойдым.

Х ы з м е т ч и к ъ а д ы н (*агъламсырап*). Борис Никитич, сени къабаатлайджакълармы?

Б о р и с. Къабаатласалар да акълылар.

Х ы з м е т ч и к ъ а д ы н. Вай анайчыгъым, не япайым да, не эйлейим экен...

Б о р и с. Къоркъма енге, мен душманымны еди къат ернинъ тюбюнден биле тапып, къуйругъындан тартып чыкъарырым. (*Кулюмсирап*). Лякин бу ишни насыл япмакъны тюшюпмек керек, амма сиз кедер этесинъиз.

Х ы з м е т ч и к ъ а д ы н. Айсе, тюшюн, тюшюн тувгъаным, бир даа кедер этмем. (*Къапыдан чыкъаяткъанда*). Я чай?

Б о р и с. Сёз берем, мытлакъ ичерим. (*Телефонда*). Коммутатор, 14 — 15-ни беринъиз.. Джесетни яргъан экимлерни мында озгъарынъыз. (*Озь башына*). Къан!.. Энди догъгъанда аят тарафындан олюмге укюм этильген

инсан баласы, онъа берильген къыскъа омюрни яшамадан, бир алчакънынъ элинен кунъ эвельден ер юзюнден силينه, саф авадан, кунештен, дюнья зевкъындан марум этиле. Ахмакъ олюмни хаинлер озъ эллеринен шерейлейлер... Къан!.. Эх сиз джеллятлар...

Ичери невбетчи келип кирер

Б о р и с. Кельдилерми?
Н е в б е т ч и. Сизни беклейлер.
Б о р и с. Кирсинлер.

С а б р и ве эким кирерлер.

Э к и м. Мерабанъыз, Б о р и с Н и к и т ч и!
С а б р и. Селям сизге, Б о р и с Н и к и т ч и!
Б о р и с. Сагъ олунъыз. (Экимге). Ким олгъаны та-
йин этильдими?

Б о р и с бутюн вакъыт Сабрини козетип турар.

Э к и м. Джесет пек орьселенген. Итимал, эсалет япыл-
гъандыр. Къафа тасы парлангъан, эки аягъы да тизден
яралангъан ве сынган. Бир къач кунълер девамында
суб ичинде булунып ташларгъа, къаяларгъа урунмасы
онынъ бет къияфетини бир тамам денъиштирген. Сизге
малюм олгъаны киби, онынъ устюнден ич бир кягъыт
чыкъмады. Атта усть урбалары биле алынган. Сёз ёкъ,
асалет япылган бир джинает.

Б о р и с. Бельки озъ-озюни атып, сонъ яралы алда
озюни денъизге ташлагъандыр?

Э к и м. Хайыр, ойле ола бильмез, чюнки о аркъадан
атылган. Къуршунлар джигер ве юрегини ярып, бири
кокюс къафесиинден чыкъкъан, экинджиси де сол къабыр-
гъасында къалган. Мына! (Къуршунны стол устуне
къояр).

Б о р и с. Сёйленъиз, бу иш къарарнен не вакъыт ол-
гъандыр?

Э к и м. Занымджа, бундан учъ-дёрт кунъ эвельси.

Б о р и с. Дёрт кунъ эвельси сиз гъалиба Акъбардакъ
коюне лекция окъумагъа барган эдинъиз, ойлеми?

С а б р и. Эбег, район сагълыкъ сакълав болюгининъ
риджасынен барып кельдим. Лякинъ бунынъ..

Борис (оны болип). Эким оларакъ шахсен сиз бу джесет акъкъында не айта билирсинъиз?

Сабри. Борис Никитич, меним коллегам даа шимди фарз ве тайин этильмеси мумкюн олгъан эр шейни айтты.

Борис (экимге). Сизге шахсен риджада булунам, бугунъ де койге хастагъа барынъыз. Шу къартыйынъ сагълыгъы мени чокъ раатсызландыра. Кетмек мумкюн.

Эким. Мытлакъ барырым. Айды, сагълыкънен къалынъыз (кетер).

Сабри. Сагълыкънен къалынъыз, Борис Никитич.

Борис. Сиз токътанъыз.

Сабри (денъишкен бир сеснен). Динълейим сизни, Борис Никитич.

Борис. Энди эким оларакъ дегиль де, шаат оларакъ бир суальге джевап беринъиз.

Сабри. Сизни анълап оламайым, Борис Никитич.

Борис. Акъбардакъ коюне баргъанда бу джесетни анъдыргъан... Не къалтырайсынъыз?

Сабри. Борис Никитич, менден худжур шейлер сорайсынъыз.

Борис. Агъызымны ачып етиштирмедим, энди суалнинъ маңасыны анъладынынъыз.

Сабри. Хайыр, меним анълагъан шейим ёкъ, лякин...

Борис. Дейджегим, бу джесетни анъдыргъан ич бир кимсеге расткельмединъизми? Шай, узун сачлы, орта бойлу...

Сабри. Хайыр, хайыр Борис Никитич.

Борис. Ялыда, къайыкътан гюшкенде, я да лекция вакъытында залда эслединъизми?

Сабри. Бильмейим, Борис Никитич, адам чокъ эди, эписи хатирде къалырмы я?

Борис. Шу акъшамы къайда къондынъыз?

Сабри. Клубда, диван устюнде. Къыш дегиль я.

Борис. Клуб мудирини озъ эвине чагъырмадымы?

Сабри. Акъкъы керекмей, чагъырды, лякин, билесизми, ильк корьген адамнынъ эвинде насыл къонарсынъ. Чекиндим.

Борис. Бойле мусафирпервер къоджаман бир койде эким ичюн къонакъ тапылмагъаны худжур бир шей.

Сабри. Табиатым ойле, бирде-бирининъ эвине барып мусаллат олмагъа утанам.

Борис. Сиз Петербург университетини битирдим деген эдинъиз.

С а б р и. Эбет. Революциядан бир кьач йыл огюне битирип чыкътым. Зарур олса шеадетнамеи эвдедир, кось-теририп.

Б о р и с. Лякин шу йылы битирип чыкъкъан студент-лер джедвелинден ве архив материалларындан сизнинъ адынъыз тапылмады.

С а б р и. Ёкъ, ола бильмез...

Б о р и с. Мында Азербайджандан кельдинъизми?

С а б р и. Эбет, бу ернинъ икълими хасталыгъыма келишкенинден...

Б о р и с. Я Азербайджангъа къайдан кельдинъиз?

С а б р и. Борис Никитич, бу насыл бир суальдир? Мен протест этем...

Б о р и с. Айды, шимдилик олды.

С а б р и (турып). Сагълыкънен къалынъыз, Борис Никитич.

Б о р и с. (Звонок. Ичери кирген невбетчиге). Эким шимдилик бизде къалсын.

С а б р и. Борис Никитич, азизим, ботен ерде адымы кирлеменъиз, мен киби басыкъ, бичаре адамны олмай-джакъ ерде къоркъузмакъыз.

Б о р и с. Къальбинъиз темиз олса къоркъмагъа себеп ёкъ.

С а б р и. Озюнъизнинъ шек-шубелеринъизнен мени текмиль шашырдынъыз. Отуз йылдыр, халкънынъ агъы-рысыны-ярасыны савултып келем. Совет муэссиселеринден чокъ тешеккюрлер алдым. (Къойнундан бир десте кягъыт чыкъарып, стол устюне къояр). Буларгъа бакъынъыз. ...Къардашым, мен энди эсли бир адамым, ботен ерде чекиштирме, къапама... Сор-сораштыр, лякин. Адынъ чыкъкъандже джанынъ чыкъсын дегенлер, мындан акъ-ланып чыкъсам да сонъундан эр кес манъа шубенен бакъар. Къадыным Зулейха ханым эвде хаста ята, беклей-беклей чекишип олер...

Б о р и с. Къабаатынъыз олмаса къадынынъызгъа да чокъ беклемек керек олмаз.

С а б р и. Къабаат?!.. Борис Никитич, азизим, мен къарт адамдан...

Б о р и с (невбетчиге). Алынъыз!

С а б р и (чыкъаяткъанда). Эх-х, не эйледим де, бу къартлыкъта нелер корьдим...

Б о р и с (бир озю). Делиллергеми инанмалы, онъа-мы?.. Онынъки сафдилликми, айнеджиликми?.. О инсан-

мы, зеэрли йыланмы? (Телефонда). Коммутатор! Къалени беринъиз! Лятифми? Сонъ, насыл, тапылдымы? Екъ? Тинтинъиз! (Телефонны ерине къояр).

Хызметчи къадын (кирип). Борис Никитич!

Борис (ачувланып). Енге?

Хызметчи къадын. Чай дегиль, джаным, козь-айдын кетирдим.

Борис. Айтынъыз!

Хызметчи къадын. Ах Борис Никитич, экиси де бири-биринден гузель. тыпкъы гъондже гуллер.

Борис. Риджа әтем, къысқадаң кесинъиз: не олды?

Хызметчи къадын. Валлай, Борис Никитич, санъа къайсы бирини ляйыкъ тападжагъымны озюм де бильмейим. Экиси де пери къызлары, бирер ютум сув.

Борис. Енге, мени иштен алманъыз, атешленирим...

Хызметчи къадын. Адлары да бири-биринден гузель...

Борис. Уф-ф...

Хызметчи къадын. Озьлери де торгъайлар киби чивильдешелер. «Бориске айтынъыз, Гульнарнен Нияр кельди», дейлер.

Борис. Нияр? (Къуванчнен еринден турып, къапы-дан чыкъар).

Хызметчи къадын. Иште онынъ тюшюнджеси не экен. Къыз дегенимнен къанат такъып учты. Билем мен сизлерни. Не исе, чайны ичкен. Энди аш да ашар.

Чыкъар. Ичери Гульнар, Нияр ве Борис кирерлер

Борис. Нияр, бойле япмакъ олурмы: энди эки айдан берли сенден не хабер бар, не тебер.

Нияр. Багъышла, Борис, ниетим сенинънен козь-козге корюшмек эди, лякин чарем олмады: диссертациям — ны азырламакъ геджеми де кунъдюз этти.

Гульнар. Борис аркъадаш, таныш олунъыз: медицина илимлери кандидаты Нияр Мердимшаева!

Борис. Мына не! Бер къолунъны, бир даа сыкъайым. Демек тезден профессорлар сырасына кечеджексинъ, ойлеми?

Нияр. [Учкъан къуш къонмагъа севмез] дегенлер, ля-бит...

Борис. Уч, Нияр, уч, мемлекетимиз бол, лякин мек-тюп язмагъа да унутма.

Нияр. Борис?..

Борис. Нияр да шай япкъан сонъ, авлакъ тюшкен кызылар достларыны унута экенлер, деген фикирге кельдим.

Гульнар. Яшлар да, деп къош.

Борис. Янълыш! Мен тарсыкъкъан сайын Нияргъа мектюп яздым.

Гульнар (мугъайып). Къаври десенъ, энди эки йылдыр, бир мектюпчик де язмады.

Борис. Язмады дейсинъми? Догъру, манъа да язмады, лякин Анайгъа кельген мектюплернен эр вакъыт манъа да селям ёллай эди. Зарар ёкъ, бир кунъ ола о къайтып келир эбет, онъа ойле бир зыкъы чексейик ки... Лякин...

Гульнар. Борис аркъадаш, бир шей олдымы ёкъса?

Борис. Анай къоркъунч бир хасталыкъкъа огърады. Учъ кунъдир эссизликте ята. Эпъ корюмли экимлерни ёлладым — хасталыгъыны тайин этип оламадылар.

Гульнар. Заваллы анай, десене сонъки эвлядыны да коралмай козьлери юмудладжакъ...

Нияр. Багъышланъыз, бу анай дегенинъиз кимнинъ анасы ола я?

Борис. Бутюн койнинъ анасы. О къадар муляйим бир къартый ки, койде оны яшы-къарты тек «анай» деп чагъыралар. (Нияр тюшюнджеге далар. Телефон).

Борис. Телефонда ким? Къале башы Ляtifми? Не?.. Патлав!.. (Телефонда башкъа номерни алып). Гаражны беринъиз! Машина аман шимди къапы алдына кельсин.

Гульнар. Борис аркъадаш, не олды?

Борис. Мени багъышланъыз, сизнен кереги киби корюшмезден эвель, акъшамгъадже сизни озъ башынъызда къалдырмагъа меджбурым. Манъа койге етишин бармакъ керек.

Хызметчи къадын. (табакъ толусы ашнен кирип). Ёкъ, тувгъаным, энди сени ич бир якъкъа йибермем. Тюшюндженъ чезильди, отур да мынавы чочамигоргъайларнен тойгъандже аш аша.

Борис. Енге, анълайсызмы, девлет иши!

Нияр. Борис, Анайнынъ коюне кетесинъми?

Борис. Эбет, Нияр, анда тез барып етмем керек.

Нияр. Мумкюн олса, мени де ал. Бельки шу къартийге бир чаре тапарым.

Борис. Ойле олгъанда юринъ, учюмиз де кетсейик.

Учюнджи лева

Сана: хастаханеде. Буюк ве айдын бир ода. Ачыкъ пенджерелер огюнде мейва тереклерининъ даллары саркъып турмакъта. Ичериде кровать ве акъ ортюли тумбочка. Кроватта Анай. Онынъ янында медицина эмширеси.

Анай (эссизликте). Огълум, эвлядым... Кель, кель, дживаным, якъын кель, къозучыгъым. Манъа сени ольди, дедилер, огъулчыгъым... Кель, кель, козьчиклеринъден опеим... (Бирден телашнен багъырып). Балам, балачыгъым, санъа не яптылар...

Аякъ уджларына басып ичери Айше ве элинде бир топ гулю олгъан Ракъамов кирерлер. Ракъамов чечеклерни тумбочка устюне къойып, кенар чекилir ве гизлиден козьлерини силер.

Айше. Инсан!.. Дюнъягъа баарь чечеги киби ачылып келе, сонъундан исе эбедий сола. Табиат десенъ оле. текрар тириле, гуллине ве эп янъы-янъы несиллерни айбетлей... (Ракъамовгъа). Яшармы?.. Яхшы адам ольмемек керек... Патлавдан гъарипнинъ эвинде таш устюнде таш къалмагъан. Кене яхшы озю эвде ёкъ эди...

Олар одадан чыкъкъан арада, ичери Нияр, Гульнар, Борис ве аким келип кирерлер.

Борис (Нияргъа). Бутюн койнинъ анайы мына бу къартый эди.

Нияр (элини анайнынъ манълайына къойып, экимге). Диагнозы тайин этильдими?

Эким. Хаёыр, ич бир фикирге келип оламадыкъ. Тюневин консилиум олды, лякин кесен-кес нетиджеге келшмеди. Хаста бутюн вакъыт эссизлик ве унутчанлыкъ вазиетинде булуна. Тынышта бир сандыракълай ве огълуны анъа.

Борис. Сандыракълав арасы ич бир кимсенинъ адыны анъмадымы?

Эким. Ёкъ, анъмады, лякин огълу акъкъында къоркъунч бир хабер эшитсе керек ве бунынъ нетиджесинде...

Гульнар (абдырап). Къаври, Къавричигим... (Окюрип агълар).

Борис. Гульнар, озюнъи эльге ал, хаста адам чешит шей айта билir.

Гульнар. Я... я барып да...

Б о р и с. О алда койде башкъларынынъ да хабери олур эди.

Н и я р. Борис, мен экимнен фикирлешмек истейим.

Б о р и с. Буюрынъыз. Мен мында олурым.

Н и я р н е н э к и м ч ы к ъ а р л а р. Гульнар козьлерини силип, пенджере огюне барыр.

Б о р и с. Гульнар, сен окъумагъа кеткенде Къавриге адресинъни бермединъми?

Г у л ь н а р. Адресим белли дегиль эди, биринджи мектюплеримизни А з м и вастасынен алышып-берише-джек эдик.

Б о р и с. Сонъ?

Г у л ь н а р. Азми тек бир адрес ёллады. Лякин шу адреснен язгъан бутюн мектюплерим кери къайтып кельдилер.

Б о р и с. Худжур шей...

Г у л ь н а р (текрар къозгъалып). Борис... Борис агъам, я барып да Къаври сайыдан ольген олса...

Б о р и с. Э-э, Къаври сени нафиле макътай экен, пек ямаш джылавукъ экенсинъ де. Сенинъ йигитинъ исе ольмек дегиль, шимди сынъырда душманларына кимсин насыл зыкъы бередир.

А н а й. Кель, кель, яврум, кель къозучыгъым... Манъа сени ольди, дедилер, бирданечигим... Кель, кель, козьчиклеринъден опейим...

Г у л ь н а р артыкъ чыдап оламагъанындан, окюрип-агълап одадан чыкъар.

Б о р и с. Анай, анай! Мен, мен кельдим, Борис. (Озь башына). Шаиров... Анай... Патлав... Азми... Эписи бир вакъытта... Анай, анай, мен кельдим, Борис. Къаврининъ досты.

А н а й. Барис?.. Огълум, Къавричигим...

Б о р и с. Къоркъманъыз, анай, ялан айттылар, Къаври сагъдыр.

А н а й (абдырап бирден козьлерини ачар). Не?!

Б о р и с. Къоркъманъыз, анай, огълунъыз къайда олса да тапармыз. Мына шимди сенинънен берабер Воршилов аркъадашкъа мектюп язармыз. Анайнынъ огълу Къаври къайдадыр, сагъ-селяметми, деп сорармыз. О да

чекмеджесинден буюк бир дефтер чыкъарып, Анайнынъ огълу Къаври къайдамы экен, деп, араштырмагъа башлар. Умеров Али, Гъаниев Вели, Нуриев Осман, Апайнынъ огълу Къаври... А-а, таптым, таптым, деп, озю де къуваныр. Анайгъа селям этинъиз, онынъ огълу фелянча ерде, тюгенче полкта, шанлы Къызыл Орду сафларында хызмет эте, дер.

А н а й. Яз, эвлядым, яз...

Б о р и с (къоюн дефтерини чыкъарып). Сёйле, анай, не язайым?

А н а й. Иззетли, сеадетли, мезиде мераметли товарищ Ворошилов...

Б о р и с. Анай, Къаврини ольди деп сизге ким айтты?

А н а й (хатырлайджакъ олып тырышыр. Бирден юзюнде, козьлеринде дешет бир къоркъу къозгъалыр). Кемик... Огълумнынъ кемиклери... Эвлядым, Къавричигим, санъа не яптылар...

А н а й эссизликке тюшер. Нияр ве эким чапып кирерлер.

Н и я р. Не олды?

Б о р и с. Аз бучукъ эске кельген эди...

Н и я р. Борис, хастаны ёрмакъ олмаз, онынъ ичюи шимди эр бир сание эсаптадыр. Биз экимнен, хавфлы олса да, джесюр бир эксперимент япмакъ къарарына кельдик, чюнки акси алда хастанынъ вазieti умютсиздир. Бу гипноз нетиджесинде хаста бельки акъылындан марум да олур. Лякин, не япмалы, башкъа чаре ёкъ... Манъа мында къалып, хастаны сынап бакъмакъ керек. (Эким, Борис ве медицина эмширеси чыкъарлар). Эвлядыны хатырлай, дейлер. [Олюм арфесиндеки сагълыкълашув севгиси...] (Анайнынъ къолтугъы астына термометр къояр. Пенджерге чекилип, тышкъа бакъар). Ана!.. Не къадар севимли бир ад: ана! (Теренден курсюнип). Мен ананынъ ялынъыз кольгесини хатырлайым. Мени къучагъына ала да, йырла, къызчыгъым, дер эди. Мен де... (Яваштан йырлар).

Айдынъыз балалар, бир баланы
Ортамызгъа алайыкъ,
О не япса биз де оны
Эп бирликте япайыкъ...

(Анай козьлерини ачып динъленир).

Эр шейши унутсам да, бу йырчыкъ акъылымда къал-
гъан.

А н а й. Къызым, шу йырчыкъны бир даа айтчы!

Н и я р (сескенип). Анай, сиз уяндынъызмы?

А н а й. Къызым, шу йырчыкъны бир даа айтчы!

Н и я р (козьяшларыны гизлеп оламаз. Йырлар).

Айдынъыз балалар, бир баланы
Ортамызгъа алайыкъ,
О не япса биз де оны
Эп бирликте япайыкъ...

Бу къадар. Къалгъаныны бильмейим. Бир бейитчик....

А н а й. Эбет, бир бейит... Сен къайдан оласынъ,
къызчыгъым?

Н и я р. Шеэрден кельдим, анай, сизни савултаджам.

А н а й. Адынъ не, къызчыгъым?

Н и я р. Нияр!

А н а й. Нияр!.. Гузель адынъ бар, къызчыгъым.
Адынънен къарт ол. О якъларда меним Къаврийимни
корьмединъми, къызчыгъым.

Н и я р. Корьмедим, анай.

А н а й. Адынъ не, къызым?

Н и я р. Нияр!

А н а й. Якъын кель къызчыгъым, козьлеринъе бакъа-
йым.

Н и я р. (якъынлашып). Анай, сиз агълайсызмы?

А н а й (Ниярнынъ козьлерине тикилип бакъкъан
сонъ, бирден багырып). Хатырладым, хатырладым къозу-
чыгъым... (Текрар эссизликке тюшер).

Н и я р. Кимни хатырлады?.. Ёкъ, ёкъ, ич оладжакъ
шейми... Эвлядышы, огълуны, эбет, огълуны хатырлагъан-
дыр. Ана! Не къадар атешли юрек. Ана!..

Б о р и с (кирип). Нияр, санъа не олды? Бенъзинъ ап-
акъ кесильген, козьлеринъде яш бар.

Н и я р. Шай... (Термометрни алып, текрар Анайнынъ
юзюне бакъар). Сыджагъы буюк, лякин кечиктирмек
олмаз, деръал башламакъ керек...

ПЕРДЕ ЭНЕР

ДЕРТЮНДЖИ ПЕРДЕ

Биринджи лева

Сана: «Къызыл тѣпе». Чешит чечеклернеи орытюли къабир. Къабирнинъ башында уфачыкъ ал байракъ ельпиремекте. Авлакъта, ува ичинде кой сечильмекте. Денъиз ялысы авлакъларында къале къарарып турмакъта.

А й ш е (багъырып, кулип, ичери чапып кирер). А-а, тутамадынъ, тутамадынъ. Ет артыма бакъайым! (Къачмагъа ынтылыр). Бакъ онъа, бираз джанлаттым дегенде кене китабыны чыкъарды. Уф-ф, адам оладжакъкъа асла ошамай.

Элинде китабы Р а к ъ а м о в келип кирер

Р а к ъ а м о в (козьлерини китаптан алып, эзберден). Икс, плюс игрек... бусы скобкада... бусы квадратта...

А й ш е. Ахтем, джаным, ич олмадым ярашып тургъан мына бу джанлы табияттан утан... Не де бѣялы башым бар экен: халкъкъа джанлы юрек, манъа ракъам торбасы къысмет олгъан. Къайдан мараздан севдим бильмем, юрегим тек оны коре, оны севе. Ракъамов, кель мында, мелевше топлайыкъ.

Р а к ъ а м о в. Чечек джыймакъ бош адамларнынъ ишидир.

А й ш е. Къызларгъа берирсинъ.

Р а к ъ а м о в. Чечексиз де олардан башымы къурта-рамайым.

А й ш е. Мына не! Бельки мен де санъа мусаллат олгъандырым! Истесенъ, кетейим.

Р а к ъ а м о в. Айды, олды-оладжакъ, кель, берабер чечек джыйыкъ.

(Чалы астына ерлешип, мелевше терерлер)

А й ш е (дефтерини ачып, назнен). Янъы бир шиир яздым.

Р а к ъ а м о в. Башкъа ишинъ ёкъ эдимиз?

А й ш е. Сен бир динълечи! (Окъур).

«Эбет, артыкъ кельди баарь,

Чечек уздим бем-безд.

Мавысында севгим бар,

Сарысында гонълюм аз.

Айды, деди, айды къыргъа,
Къырда чечек джыярмыз,
Кольгеликте демег ясап,
Гонълюмизни сыйлармыз.
Мына энди сокъагъымыз
Къыргъа таба айланды;
Ким айырыр? Эки юрек
Бир--бирине багъланды».

Сонъ, насыл?

Р а к ъ а м о в. Сёз тасырдысы. Шашам, бойле тасырдыларны да китап этип чыкъаралар. Шунчюн де математика дерсликлерине кягъыт етмей.

А й ш е (къызып). Мен де шашам, бу яшына кельдинъ де, юрегинъ кене чий къалды. Ёкъ, джаным, сенинъ юрегинъ сёзиси алынаджакъ бир шейге ошамай. Бакъ, агрессиягъа кечип, юрегинъни зорнен тутып алырым.

Р а к ъ а м о в. Я о да насыл ола?

А й ш е. Мына, шай ола (апансыздан Р а к ъ а м о в н ы къучакълап, онынъ бетинден опер).

Р а к ъ а м о в (недир, хош бир шей сезген киби олур, джылмайып кулер. Китабыны кснаргъа атып, опюшни текрарламакъ мерамынен Айшеге эгилир). Айше, джаным...

А й ш е (отургъан еринден секирип турар ве къачар). Тут, тут бакъайым. Быз-быз...

Р а к ъ а м о в. Айше, токъта, джанчыгъым, санъа айтджакъ сёзюм бар...

Айшенинъ пешинден чапып чыкъар. Сыртында чантасы ве автюфсги, сакълал йнберген И с м а и л ичери келип кирер.

И с м а и л. Шимди буларда аксине олса керек: къадын әркекнинъ устюне атыла. Рав-но-правие! (Этрафкъа бакъып). Мындан яхшы корюне. Языкъ, патлатып оламадыкъ. Баре большевик къалесининъ ресимини хатире оларакъ чыкътарып алайым, керек олур. (Тёне устюне чыкъаджакъта, шу ердеки къабирни корип токъталыр). Бу да кимнинъ месары экен... (Баш ташы устюндеки языларны окъур). «Ёлджы! Бу ерден кечкенде токътал да, башынъны эг: бу дым топракъта, бинъ докъуз юз йигирминджи сенеси ноябрь он экиде акъ бандитлер тарафындан ольдирилъген шапалы партизан командири Сейдамет ята. Яткъан

ери пуф ястыкъ олсун. Амин!» А-а!.. Огъурсыз растке-
лиш... (Аппаратыны къалеге догърултыр. Ракъамов
ичери чапып кире, чалы тيوبюндеки китабыны ала. Исма-
илчи эслеп).

Ракъамов. Авджы аркъадаш, сиз не авлайсынъыз
я?

Исмаил. Бу ерден корюльген кой манзарасыны пек
бегендим. Оны озюме хатире этип ресимини чыкъарып
алмакъ истейим. Аджайип бир манзара! Дженнет десенъ
де оладжакъ. Бизим тарафлар да иште бойледир.

Ракъамов. Я сиз къайсы тарафлардан оласынъыз?

Исмаил. Сухумдан кельдим, къардашым. Бу сене
раатлыкъкъа чыкъкъанда, барайым, шу макътавлы денъиз
ялыларыны да корейим, дедим.

Ракъамов. Яхшы япкъансынъыз. Таныш олайыкъ:
Ракъамов!

Исмаил (кулип). Ракъамов? Худжур фамилия.

Ракъамов. Лагъаб. Лякин энди юз процент фа-
милля акъкъыны къазанды.

Исмаил. Менимки исе Арсланзаде! Бу да худжур я?

Ракъамов. Татарджа гузель сёйленесинъиз.

Исмаил. Э, бир къарар сёйленем иште. Озюм тильш-
нас олгъанымдан, къаерге бармайым шу халкънынъ тилини
огренмеге тырышам. Асылындан алып бакъкъанда тил-
леримиз де бири-бирине чокъ якъын. (Папирос къутусыны
узатып). Якъынъыз!

Ракъамов (якъар. Тютюнге богъулып). Кескин!

Исмаил. Корюле, алышмагъансынъыз. Келинъ,
отурайыкъ, лаф этейик бираз.

Ракъамов. Багъышланъыз, беклеген адамым бар.

Исмаил (ийлекярлыкънен джылмайып). А-а... Ба-
рышъыз, бир озюнинъ джаны сыкъылыр. (Онынъ артын-
дан). Динсиз халкъ, эр шейни делиги-тешигинедже биль-
мек истейлер. (Фотоаппаратыны къалеге чевирир, кнопка-
сыны басар. Тыштан йыр сеси эшитилир). Ана санъа би-
ри даа. Шимди кене ахрет суаллери башлар. Кечип кет-
син шу. (Чалы артына гизленир. Йыр сеси эп санагъа
якъынлашып. бираздан бир эли беяз безнен багълы, ар-
бий урбалы Къаври ичери келип кирер).

Къаври. Иште, коюм де корюнди! Кене шай дюль-
бер, кене де... (Къабирге чевирилип, башыны эгер). Агъ-
ам, тувгъан агъачыгъым!.. Къабиринънинъ башында бер-
гең сёзюмни намуснен эда эттим. (Кой бетке чевирилир).

Азиз аначыгъым, огълунъ къайтып кельди... Къуваныр, эх не де къуваныр я!.. Гульпар не япа экен? Къыз юреги баарь авасы киби саат сайын денъишир, дегенлери догъру экен... Гульнар, Гульнар... Бойле олур деп тюшюнмеген эдим. Шу девир ичинде бир мектюпчик де язмадынъ. (Койге догъру адымлайджакъта чалы тюбюндеки Исмаилны корип къалыр). Мерабанъыз койдеш!

Исмаил. Я мераба, къардашым. (Озь башына). Янъылмагъан, «койдеш», деди.

Къаври. Чыкъынъыз шу чалы тюбюнден, мени танымадынъызмы ёкъса? Меним, Къаври! (Якъын барып). Багъышланъыз, мен сизни койдешлеримден бири белледим.

Исмаил. Аз бучукъ янъылдынъыз. Койдеш олмасакъ да, ватандашмыз. Мен Аджаристандан олам.

Къаври (тюшюнджеде). Сеяткъа чыкътынъызмы?

Исмаил. Эбет, ватанымнынъ бу аджайип кошесини де корейим, дедим.

Къаври. Авджы олсанъыз керек.

Исмаил. Ойле демек де мумкюн. Лякин мен кийик айванларны дегиль, коллекция ичюн чешит боджеклерни ве базы бир къушларны авлайым. Озюм зоологым. Ульке музейинде чалышам.

Къаври (озь башына). Ким эди шу?.. Алевли, ачувлы, якъыджы козьлер... (Исмаилге). Яхшы зенаатынъыз бар экен.

Исмаил. Лякин эр шейни озь козюнънен корип бильмек ичюн чокъ долашмакъ керек ола.

Къаври (озь башына). Манъа не ола шу... Кене шу ерде... Десене...

Исмаил (къутусыны чыкъарып). Бир папирос якъынъыз.

Къаври папироскъа эгильгенде ~~якылап~~ Исмаилнынъ козьлерине бакъар. Бирден онынъ якъасындан къап-къач этип, аякъкъа тартып турсатыр.

Къаври (ачувлы бир сеснен). Козълеринъден къан тамлай, инсан къаны!.. Айт, езит, сен эдинъми?

Исмаил. Мен делиге расткельдим гъалиба. Риджа этем, къаба олманъыз, ёкъса менде де кучъ тапылыр Эмин-эркин айтынъыз, сиз асла не демек истейсинъыз?

Къаври (тикилип кене Исмаилнинъ козьлерине

бакъар). Мен бу козьлерни кичкене бир бала олгъанда корьген эдим. Мен анамны къыдырып къыргъа чыкъкъанда сенинъ къанлы козьлериньни бу ерде, кене бу чалы янында корьген эдим.

Исмаил. Сиз керчектен де шашыргъансынъыз. Бу топракъкъа омюримде аякъ баскъаным биринджи кередир. Козьге ошагъан козь дюньяда азмы я? Инсанлар чифт олып догъа, дейлер. Лякин шакъанъыз чокъкъа барджакъ олса...

Къаври. Юр, койге барайыкъ, анда анълашырмыз.

Исмаил. Ахмакъ инсан, сен мени асла ким беллединъ?

Къаври (козьлери яшланыр). Бу къабирде яткъан дживан яшны хатырлайсынъмы?

Исмаил (апансыздан Къаврининъ яралы элини къап-къач этип бурар). Хатырлайым, чокъ яхшы хатырлайым. Айт, даа не демек истейсинъ?

Къаври. Элим, элим...

Курьмеклешип акиси де ерге йыкъылыр. Исмаил Къаврининъ элини къайырып, аякъкъа атылып турар. Пыштавыны онъа козьлер.

Исмаил. Агъанънынъ къабири башында сенинъ де джсетинъ къалсын.

Гъафлеттен Билял къарт пейда олып, таягъыны Исмаилнинъ элине силиштирир.

Билял къарт Мына санъа! (Пыштав патлап, ерге тюшер).

Айше ве Ракъамов чапып кирерлер

Ракъамов (пыштавны котерип, Исмаилгъа козьлер). Къыбырданма! Не, мени къыз пешинден кетти беллединъми? Сенинъ насыл бир къуш авлагъанынъны бир корьгенде эки кере эки киби анъладым.

Айшс (Къаврини эслеп). Къаври, Къаври агъа!..

Билял къарт (Къавриге). Бакъ онъа, насыл мазаллашкъан! Валлай, бир кереден танып оламадым. (Онынъ къан ийиген элине бакъып). Демек, эм анда, эм мында?

Къаври. Не япмалы, ойле расткельди. (Исмаилни къосьтерип). Топрагъы чеккен.

Б и л я л к ъ а р т. Я о да кимдир?
К ъ а в р и. Омы?..
Р а к ѡ а м о в (Исмаилгъа). Къа, бакъайым, койге догъ-
ру марш! Бир-эки, бир-эки...

ПЕРДЕ ЭНЕР

Экинджи лева

Сана: кабинет. Стол башында секретарь ве А з м и. Б о р и с дола-
нып юркекте.

А з м и (икяесини девам этип). Къыш купю басыкъ бир эвде догъгъаным. Анамдан догъгъанда агъызымдан эмизлигими тутып алгъанлар — тувгъан анам манъа береджек сютинен бай баласыны эмизген. Охшав недир бильмедим — яп-яш башымнен оксюз къалып, халкъ чиркефини озюме аш эттим. Кучючик сабий экенде серсериликке ташланып, гонълюм къырылды. Эль балаларынынъ кейф чаткъаныны корип, юректен окюндим. Окюпчли юрегим эр кимге, эр шейге нефретнен толып, ахыры мизантроп олды: инсанлар манъа къашкъыр олып корюндилер, олардан къуртулмакъ ичюн озюм де къашкъыр кесильдим...

Кимерде ич бир гуняхсыз балаларны чет-кенарда якъалай да, оларнынъ эллерини, бетлерини тишлеп, тырнап, алкъан эте эдим: башкъаларынынъ козьяшы меним къуванчым эди. Омюр мени мына бойле осьтирди... Бойле... Сенелер кунешсиз кунъ киби акъып кечтилер. Ялынъыз эдим. Эр кес манъа терс бакъты. Эвсиз, кечмиши къаранлыкъ, бугуни бельгисиз бир бала кимге керек эди?.. Эбет, ялынъыз эдим. Ннает, кендима дост таптым — пычакънен, гъанджернен достлаштым. Ёл бастым, инсан къанынен юрек окесини сѣндирдим... Туттылар. Къутурмыш копекдай бугъавлап, абисханеге ташладылар. Учъ сенел! Кунешсиз, авасыз учъ сене... Дженк чыкъкъан. Тюрк султанына мен де керек олгъаным: мени джезалайыджылар отрядына аскер алдылар. Бойсунмагъан баштакъ койлюлерни догърадыкъ. Эмир бойле эди... Бу иш юрегиме ятты, омюримде биринджи кере озюми косътердим: десте башы олдым. Интервенция йыллары Эрменистангъа сокъулдыкъ...

Б о р и с. Эмир кене ойле эдими?

А з м и. Эбет, асмакъ, кесмек... Омюр мени бойле тербиеледи. Мен эмир къулы олдым.

Б о р и с. Я сонъ?

А з м и. Дженктен сонъ ёллар кесильди, озъ ватаныма къайтып оламадым. Азер денъизи ялыларындан биринде къалдым, анда аммал олып ишледим. Омюр не экечини анъладым. Яваш-яваш тасиль алдым...

Б о р и с. Буларны энди айткъан эдинъ, текрарламагъа аджет ёкъ. Эйиси ачыкътан сёйлешейик: сияны кимден алдынъыз?

А з м и. Сизни анълап оламайым!

Б о р и с. Шаировны сен ольдирдинъ, ойле дегильми?

А з м и. Эбет, биринджи соравда айткъан эдим: ички арасы... Богъдым. Инкярым ёкъ. Онынъ ичюн де гизленмеге меджбур олдым. Не япайым, ичкен шарабым юрегимдеки эски джанаварны уянтты.

Б о р и с. Яхшы хатырла: сен Шаировны дегиль, анайны богъмакъ истединъ.

А з м и. *(отурган еринден атылып турар)*. Ялан! Ботен ерде тёметленесинъиз. Кеччерек олса да, мен совет топрагъында тербиелендим, къутурсам биле бойле бир алчакълыкъ элимден кельмез эди.

Б о р и с. Шаировнынъ джесети денъизден тапылды. Экимлер джесетни ярып бакътылар. Мына бу къуршунлар ондан чыкъты. Ким бильсин оны, бельки мен де янъыладырым: бельки сен богъмакъ ичюн тырышкъанда, оны башкъа бириси атып ольдиргендир? Яни, одада башкъа бири даа бардыр, демек истейим.

А з м и. Къоркъу иште, гизлемек истедим. Хайыр, мен бир озюм эдим. Ичкенден сонъ къавгъа затен пыштав меселесинден келип чыкъты. Къайдандыр бильмем Шаиров озюне сия такъыштыргъан. Манъа тикледи. Бельки шакъа эткендир. Юрегимде кене эвельки шейтан къозгъалып...

Б о р и с. Олды, олды. *(Стол устюндеки китапны элине алып)*. Мына бу китапнен таныш дегильсинъми? Лондонда басылгъан.

А з м и *(элине алып бакъар)*. Тааджипли шей! Шаиров ошором бир эриф олса да, мен оны эр алда темиз къалибли бир адам беллей эдим.

Б о р и с. Бу китап акъкъында не айта билирсинъ?

А з м и. Менден худжур шейлер сорайсынъыз. Анъ-къавлыкъ япып, шойле бир ватан хаининен дост олгъаным. Мына меним айтаджагъым.

Б о р и с. Бургъалама, эйиси ачыкътан сёйлешейик, чюнки къачмакъ ичюн сизге ич бир тюрлю ёл къалмады.

А з м и. Мен эр шейни айттым.

Б о р и с. Сёйленъиз, кимге хызмет эттинъиз?

А з м и. Ватаныма!

Б о р и с. Параны кимден алдынъыз?

А з м и. Совет хадими параны кимден алыр? Девлеттен эбет.

Б о р и с. Даа?

А з м и. Анъламайым, не демек истейсинъиз шу?

Б о р и с. Къашкъыр олсанъыз да, озюньизни къозу косътермек истейсинъиз. Сизден сорайым: шимди къайсы бир капиталист мемлекетининъ разведкасына хызмет этесинъиз?

А з м и. Риджа этем, менимнен адамджасына субет этинъиз, ёкъса ич бир суалинъизге джевап бермем. Мен де сизнинъ киби совет гражданы олам.

Б о р и с. Йырла, бульбуль, йырла, лякин бульбуль дегиль де, къаргъа олгъанынъ бойле де корюлип тура. Мен санъа къыскадан кесейик дедим, сен исе... (*Бирден элиндеки ресимни косътерип*). Буны танийсынъмы?

А з м и (*сескенсе де, озюни сыкъмагъандан олып, омузларыны къысар*). Хайыр, танымайым. Бельки сокъа-кътан кечкенде омузларымыз токъушкъандыр, лякин корьген-бильген адамым дегиль.

Б о р и с. Ай-яй-яй, айып дегильми? Бу адам сени сайып-севип тап ят эллерден мында кельген, сен исе оны танымакъ биле истемейсинъ.

А з м и. Ят эллерде не эшим къалды, не де достым.

Б о р и с (*къапыны аралыкъ этип, небетчиге*). «Авджыны» кирсетинъиз! (*Азмиге*). Ят эллерден сени араштырып кельген эшдешинъ, чаресиз къалгъан сонъ, тили чезильди, эр шейни айтмагъа меджбур олды.

А з м и. Башкъасынынъ нелер айткъанында меним ич бир тюрлю ишим ёкъ. Мен тек бир озюм ичюн джевап берсм. Япкъан джинаетимни мен де таныдым — къызгъынлыкънен яш бир джаппы къыйдым. Лякин яхшы япкъаным [итке ит олюми!]

Б о р и с. Ёкъ, о дегиль де, сен ольмек керек эдинъ. (*Исмаилни кирсетирлер. Азмиге*). Таныш ол!

Исмаил (Азмиге). Танъ атмаздан хоразымыз чалды. Таныдылар. Энди не япаджакъсынъ/йипи кетти, кѣопкъасы да кетсин! бер элинъни!

Азми. Чекиль янымдан, джиренч инсан, пис элинънен элимни былаштырма.

Исмаил (первасызлыкънен кулип). Аф-ферин! Мен белледим ачкъан гуль киби япракъларынь тѣкюльгендир, албу исе сен даа бурюмде экенсинъ. Лякин сенсиз де бизим гульнинъ япракъларыны энди дане-дана узьдилер. Сонъкиликке бер элинъни, бир даа корюшмемиз.

Азми. Чекиль, ёкъса мына шимди...

Борис (Азмиге). Инатлыкъ, ерине коре яхшыдыр. Санъа исе кузьгюде озъ суретинъни косътерселер де, кене мен дегилим, деп баш кестиресинъ.

Азми. Хайыр, мен инат дегиль де, намуспервер бир адамым. Бу алчакънен ич бир вакъыт иш коръмек дегиль, омюримде суфатынъны биле коръмедим. Сѣзюм битти. Артыкъ огюз астындан бузав араштырманъыз.

Борис. Бу сонъки сѣзюнъизми?

Азми. Эбет!

Борис. Айса мен айтайым. Бу эфендининъ джебинден чыкъкъан экинджи паспорт Шаиrownынъ паспорты эди.

Азми. Лондонда китап бастыргъан адам, паспортыны дегиль, джаныны да сата билир.

Борис. Я сен отургъан эвдеки сылангъан тапшан астындаки шейтан машинасы къайдан кельди? Оны шейтанлар кетирип къойдылармы? Бу «сырнынъ» озю патлап, сени эльге берди. (Тыныкъ бир давушнен). Яхшы ки, эв кой четинде, анай да хастаханеде эди. Сонъ, бу акъта не айта билирсинъ?

Азми. Бир шей де...

Борис. Шу миналардан даа бири сен чалышкъан клуб бипасынынъ астындан тапылды. Оны мына бу «эфенди» косътерди. Я бу акъта не айтырсынъ? (Азми тикилип Исмаилгъа бакъар, лякин индемез).

Исмаил. Меним козьлериме де мына бойле тикилип бакътылар да, таныдылар... Он секиз йылдан сонъ... Бильсе эдим, танымасынлар деп, озъ эллеримнен озъ козьлеримни чѣкчилеп чыкъарыр эдим. Эллерим дегиль, козьлерим къабаатлы. Мени эльге бердилер.

Азми. Тыфу санъа, къоркъакъ бешарет!

Борис. Не исе, тюркюрюкнен олса да, танышлыгъынъ-

ны бильдирдинъ. Шимдилик етти. (Невбетчиге). Буны алынъыз. (Азмини чыкъарырлар. Исмаилъга). Девам этемиз: кечкен сефер акъ бандитлернен къачкъанынъызны ве шу койге япкъан сонъки уджюминъизни айткъан эдинъ.

Исмаил. Эбет, 1920 сенеси ноябрь айынынъ он экинсинде эди. Бутюн вакъыт шеэрде осип-буюгенимден, сонъкиликке анда анамнен корюшмек ве сагълыкълашмакъ истедим.

Борис. Зан этсем, ананъызнен сагълыкълашмакъ ичюн бир отряд чапкъыннынъ кереклиги ёкъ эди.

Исмаил. Олар чапкъын дегиль, падиша ордусундан къалгъан батыр офицерлер эдилер.

Борис. Девам этинъиз.

Исмаил. Эбет, мерамым тек сагълыкълашмакъ дегиль эди. О вакъыт партизанларнынъ башы шу койден эди. Бизге аз зиянлар кетирмеди. Озюни тутмасакъ да, къоранталарынен эсаплашмакъ истедим. Бахтыма ёлда озю де расткельди. Шимди къабири олгъан ерде расткельди... Эвлеринде ич бир кимсе ёкъ эди.

Борис (озь башына, тюшюнджеде). Я анайнынъ кичкене къызы? (Исмаилъга). Эвде ич бир кимсе ёкъ эди, дейсинъми?

Исмаил. Ёкъ эди.

Борис. Гизлемел!

Исмаил. Меним шахсий омюриме аит сырнынъ артыкъ ич бир тюрю эмиети олмагъанындан, гизлемеге де аджет къалмады.

Борис. Я шу къартийнинъ кучючик къызына не олды?

Исмаил. А-а!. Эр шей акъылда къаламы я, шакъа дегиль, арадан он секиз йыл кечти. О баланы яныма алгъан эдим. Эвлеринде санчып ташласам тесири аз олур, белледим. Ачувым буюк эди, япкъаныма къаныкъмадым: негизлерини къурутмакъ истедим. Шу къыз баланы яныма алып, посылка этип ёллайджакъ олдым.

Борис. Насыл посылка?

Исмаил. Богъуп, чувалгъа толдырып, атлы аскернен койлерине ёллайджакъ эдим. Анасы корип, яныгъындан ольсин, дедим.

Борис. Сонъ?

Исмаил. Етиштирамадым. Къайыкъкъа минип къачмакъ керек олды.

Борис. Я бала?

И с м а и л. Къуюгъа ташладым.

Б о р и с (артыкъ чыдап оламагъанындан, Исмаилнинъ устюне атылыр). Догърусыны айт: баланы не яптынъ?

И с м а и л. Мусафирханеге къайтып етиштиремедим, анда агълап къалгъан эди.

Б о р и с. Демек, сагъ къалды, ойлеми?

И с м а и л. Сагъ... О вакъытлары бильмей эдим, шу әвде бир пич даа бар экен. Башыма етти...

Б о р и с. Даа айтаджагъынъ бармы?

И с м а и л. Риджам бар.

Б о р и с. Сейле.

И с м а и л. Риджа әтем, сонъкиликке анамнынъ къа-
бирини косътеринъиз.

Б о р и с. Ялан айтасынъ, сенинъ къальбинъде энди
ананъа да севги къалмагъандыр. Әм, къоркъам, сени кой
ялларында коръселер, о ернинъ татарларыны баш әтмек
зор олур, сени парча-кесек әтерлер. Ачып ташлагъан
яраларынъ етмеди, мында кене хынзырлыкъ ичюн кель-
динъми?

И с м а и л. Не япмалы, сонъки чаре...

Б о р и с. Чаре олур беллединъми? Эпинъизнинъ къа-
фа тасы совет къалесине урунып, парча-кесек олур, ми-
йинъиз дагъылыр. Биз исе, куню келир, бутюн дюнья-
нынъ төпесине ал байракъ асармыз! Сизнинъ киби арам-
заделер ичюн исе аджера башлы әйкель тиклермиз, шу
ерден келип кечкен балалар, барсын, чырай сытып,
әйкелинъизге тюкюрсинлер.

ПЕРДЕ ӘНЕР

Учюнджи лева

Сана: денъиз ялысы. Арды кесильмеген толкъунлар ялы чакъылла-
рына яйылып, ич чекип кери тартылмакъталар. Атмакъта олгъан
танъ къызарынтысы денъиз устюндеки гедже къаранлыгъыны ярып,
къан ёлагъынен саяльге узанмакъта.

Ичериде Н и я р в е Б о р и с.

Б о р и с. Энди тезден... Тезден энди кунеш догъар.

Н и я р. Тапъ елининъ толкъунлары джанланмакъта.
Тезден энди бутюн ватан уяныр.

Б о р и с. Кунеш насыл бир гъурурнен котериле! Йыбышымдай сачлары энди бутюн уфукъны кульдирди. Коресинъми, денъизнинъ озю де денъишти: далгъаларнынъ сытыкъ юзю аллы-гуллу бояларнен охшалды.

Н и я р (тыныкъ бир давушнен). Эбет, аятнен далгъалар да кульдилер... (йырлап).

Денъиз далгъасыз олмаз!.. (текрарлап алып)
Денъиз далгъасыз олмаз!..

Б о р и с. Гузель сёзлер: денъиз далгъасыз олмаз! Юреклер де эр даим далгъалар киби котериле, къабара, къайдадыр ынтыла, яна, кедерлене, шадлана, агълай, кене де олса эп огге ынтыла, талмакъ-армакъ бильмей, тынчлыкъ, сакинлик, раатлыкъ арзламай. Инсан ольгендже эп алдгъа джылыша.

Н и я р. Денъиз далгъасыз олмаз!..

Денъиз далгъасыз олмаз!..

Б о р и с (кулип). Бу йырнынъ экинджи сатыры да бар.

Н и я р (девам этип). Къызлар къайгъысыз олмаз...

Б о р и с. Шаймы экен? Мында, ялы боюнда, «къызлар севдасыз олмаз» деп йырлай тургъанлар. (Нияр башыны тёбен алып). Нияр, багъышла джаным, мугъаясынъ, бельки сёзюм терс кельди. Бана эвленейик дедим, бельки...

Н и я р. Аксине, шу сёзюнден юрегим къозгъалды, лякин, не ичюндир бильмем агъламакъ, окюрип-багъырып агъламакъ истейим. Анъла, Борис, мен омюр къуванчыны халкъ киби толусынен ичип оламайым, къуванч богъазымда козьяшына къарыша.

Б о р и с. Анълап оламайым, себеп недир... Къальбинъде бельки бир башкъасы бардыр.

Н и я р. Ёкъ, Борис, тек бир сенсинъ.

Б о р и с. Ойле олгъанда ялынъыз къуванмакъ керек. Ярын бизим койге, анамаларгъа кетермиз. Анам озь эвинде, огълу янында сендай бир келинни коръсе къуванчындап акъылыны алдырыр. Сонъ, келин-киев сизге барырмыз, янъы анамнен, янъы бабамнен таныш олурым. Нияр, насыл дейсинъ, олар да къуванырлармы?

Н и я р (козьлери яшланыр). Бильмейим... Бельки къуваныр эдилер...

Б о р и с. Нияр, сен агълайсынъмы?

Н и я р (козьяш тѣкип агълар). Меним анам, меним бабам къайда? Меним тувгъан къардашчыкъларым къайда?..

Б о р и с. Нияр, Нияр, агълама джаным...

Н и я р. Омюр мени айбетлеп осьтирди, мен гуль олып ачтым... Ачтым амма... Агъыр, агъыр келе манъа, Борис, оларны анъгъанда гонъяюм козьяшкъа тола. Анам, тувгъан аначыгъым къайда?..

Б о р и с. Нияр, багъышла мени джаным, бу акъта сенден чокъ сорасам да, ич бир шей айтмадынъ. Сѣйле, тувгъанларынъ сагълармы?

Н и я р. Сорама, Борис, юрегим сызлай. Мен озюм де ич бир шейчик бильмейим. Бельгисизликте яшайым. Хатириде анамнынъ ялынъыз кольгеси къалды. Бу фаджиа сабийлигимде олса керек...

Б о р и с. Оськен еринъни хатырлап оламайсынъмы?

Н и я р. Ич бир шей бильмейим. «Ана», «ана» деп юрген адамым сонъундан бирден джойылып кетти. Сонъ не олды-не олмады, хатырлап оламайым. Эль къолуна тюшсем керек. Тек етимлер эви эсимде. Анда осьтим.

Б о р и с. Я бундан сонъ тувгъанларынъны араштырмадынъмы?

Н и я р. Араштырдым. Аля бугунъ араштырам... Агъыр ве къарышыкъ йыллар эди. Сонъундан, бираз оськен сонъ, мени насылдыр бир адам ёлдан тапып етимлер эвине бергенини айттылар. О вакъыт пек яш экеним.

Б о р и с. Не вакъыт тапкъанлар?

Н и я р. Бездзар къачкъанда.

Б о р и с (терен бир эеджаннен). Нияр?!.. Нияр, джанчыгъым!

Н и я р. Борис, тувгъаным, санъа не олды? Неге тап о къадар телашландынъ?

Б о р и с. Шай... Башымда бош хаяллар къозгъалды... Сен даа ич бир шей хатырлап оламайсынъмы?

Н и я р. Ич бир шей... Кимдир бири чеккелегенини, агълагъанымны... Эписи тюш киби...

Б о р и с. (Пск эеджанланып) А-а?!.. Айт, Нияр, бу къайда олгъан эди?

Н и я р. Бильмейим...

Б о р и с. Языкъ... чокъ языкъ...

Н и я р. Борис, бу суаллеринънинъ манасыны анълап оламайым.

Б о р и с. Я етимлер эви кьайда эди?

Н и я р. Шеэрде.

Б о р и с. А-а?!.. Шеэрде дединьми?..

Н и я р. Борис, тувгъаным, мен озь икьяемнен сени де мугъайыттым гъалиба. Айды, тынчлан, мен кене шень олурым. (Йырлар).

Денъиз далгъасыз олмаз!

Денъиз далгъасыз олмаз!

Эй-эй, яреме де машалла,

Къавушырмыз иншалла...

Б о р и с (озь башына). Мен энди озь тюшюнджелеримден кьоркьуп башладым. Ёкъ, ёкъ, асла оладжакъ шейми я...

Н и я р. Борис, санъа не ола шу?

Б о р и с. Нияр... Ёкъ, айтып оламайджам. Кьоркьам, барыр да тюшюнджелерим бош чыкьар...

Н и я р. Юзюнь куле, козьлеринъе исе яш тюшкен.

Б о р и с. Эгер шимди...

Н и я р. Чекиштирме, Борис, сёйле!

Б о р и с. Сёйлерим, джаным, бираз фикирлеримни топлайым... Сёйлейджеклеримнинъ асыллы олгъанына озюм де шубеленем. Севинир де, сонъундан окюнирсинъ, деп кьоркьам... Айды, юр, бу меселени чезеджек бир адамгъа барайыкъ.

Н и я р. Кимге? Валлай, башым айлана, сенинъ лафларындан ич бир шей анълап оламайым.

Чыкьарлар. Мейданлыкъта бирер-экишер халкъ топланыр. Р а к ъ а м о в келип кирер.

Р а к ъ а м о в (китаптан окъуп). Икс... игрек... минус... квадратта исе... (Тена бир кошеге чекилir. Къойнундан экинджи бир китап чыкьарыр ве окъур).

Мына артыкъ сокъагъымыз

Къыргъа таба айланды.

Ким айырыр? Эки юрек

Бир-бирине багъланды...

Эй-эй, не де багъланды я! (Отурыр). Лякин бу эйликке экенми? Кьоркьам, юректе алевленген бу атешни сонъундан пожарниклер де сёндиремез.

Къаври, Гульнар ве Айше келип кирерлер.

Айше (Ракъамовны эслемез. Шикъетнен). Бе-
ля о, Къаври агъачыгъым. Опи де косътердим, кене кяр
этмеди. Бакъсанъ тап о къадар анъкъав да дегиль.

Къаври. Сен, Айше, атешке агъач ата бер. Атешнен
онынъ юрегини дегиль, челик биле иритмек мумкюн.

Айше. Онынъкине бензин биле файда бермез.
(Ракъамовны эслеп, онъа догъру адымлар).

Къаври. Сонъ, Гульнар, тюшюнеджек эдинъ, дже-
вабынъ азырмы?

Гульнар (башыны тёбен алып). Мен... мен... (Къав-
рининъ къолуна кягъыт туттырып, къачып кетер).

Къаври (кягъытны окъуп). «Омюримнинъ сонъу-
надже бир топ гулюнъ олайым». (Озъ башында, мектюп-
ни текрарлап). Омюримнинъ сонъунадже бир топ гулюнъ
олайым! Гульнар, нидже йыллар хош хаялым эдинъ, эн-
ди... (Онынъ пешинден чапып кетер).

Айше (бир аз вакъыт сес-солукъсыз тургъан сонъ).
Не окъуйсынъ?

Ракъамов (Айшени даа шимди эслеп). Логариф-
ма...

Айше («ах» чекер). Денъиз исе къабара да, къабара...
Толкъунлары юректе бинъ бир тюрлю эзгилер къозгъай.

Ракъамов (денъишкен бир сеснен). Эшитесинъми,
бульбуллер де йырлай...

Айше (тааджипнен). Не?!.. Оларны сен де эшите-
синъми?

Ракъамов. Мени ёкъса сагъыр сандынъмы? Буль-
буллерге бакъып озюмнинъ де йырлайджагъым келе. Эх,
шаир олсанъ да...

Айше. Итимал, денъиз янар дегенлер амма... Ахтем,
я бу бульбуллернинъ йырыны ракъамгъа чевирип бакъ-
майсынъмы?

Ракъамов. Ириди, Айше, бутюн ракъамлар ири-
ди... Сен ириттинъ. Къырны хатырлайсынъмы?

Мына артыкъ сокъагъымыз
Къыргъа таба айланды.
Ким айырыр? Эки юрек
Бир-бирине багъланды...

Иште шу кунъден сонъ, кимдир бильмем, юрегим ичине
бир курек атеш ташлады. Буны дуйдурмайджакъ олып

юрдим. Бугушь исе джайдым. Айше, бизге чокътан сѣй-
лешмек керек эди.

Айше. Насыл лаф?

Ракъамов. Насыл лаф олсун: севгимизни къоша-
йыкъ да, бир эвге кочейик, дейджек эдим.

Айше (къуванып). Къоркъам, бир эвде яшамагъа
ракъамлар кедер этер.

Ракъамов. Имтиапларгъа азырландым. Энди ич
бир шей кедер этмез. (Эгилеп, бирден Айшени опер).

Айше. Ахтем, валлай-биллай, сен керчектен акъай
олгъансынъ!

Ракъамов. Энди, юр. Аблязны тапайыкъ да, он-
дан клубны алайыкъ. Бугуьден кечи ёкъ, акъшам устю
вечеринка!

Чыкъарлар. Сана тышындан чалгъан давушлары яньгъырап, ичери
колхоз оркестри кирер. Бир къач къадын столларны аш ве емишнен
дснатырлар. Бираз кейфли Билял къартнен, Лятиф ве бир
къач сынъыр бекчилери келип кирерлер.

Билял къарт (шарап стаканыны башы устюнс
котерип). Яшлар! Бугуь берекет байрамы. Онъ берекет
эшкъына долу чалынъ!

Музыка. Кийинип-къушангъан койлюлер яваш-яваш ичери топла-
нырлар.

I бекчи (элиндеки къадеге бакъып). Мускат олса
керек.

II бекчи. Бер бакъайым. (Къокълап, къадени тюп-
лер). Эбет, мускат!

I бекчи. О, богъазынъ ичине къалгъайды.

II бекчи. Языкъ, тап къурсагъыма тюшти.

Къаври (къыдырыкъланып. ичери келип кирер).
Джойылды! Къачтымы, гизлендими, шакъа этеми... (Аб-
лязны корип). Абляз, достым, бу гедже клуб бошмы?

Абляз (ийлекарлыкънен кулюмсиреп). Вечеринка-
мы? Ур-ра!

Къаври. Яваш ол шуны. Келинни джойдым.

Абляз. Келинними? Мен оны даа деми багъчада
коръдим. Юр, берабер араштырайыкъ (чыкъарлар).

Лятиф. Билял агъа, бу йыл берекет онъ олды гъа-
либа?

Билял къарт. Зиянсыз. Эр биримизнинъ алад-

жакъ келири Аджамет байнынъкинден эсик оладжакъкъа ошамай. Багъышла, къардашым, мен бир данечик даа... О арам эриф, шарап арамдыр деп, омюрбилля дадыны бакътырмады. Мына, тут, сен де ич, къардашым. Бойле шарапны Аджамет байнынъ озю де ичмегендир.

Б о р и с ь е Н и я р пейда олулар.

Б о р и с. Анай къайда кетти экен?..

Н и я р. Борис, дживаным, айткъанларынъдан элим-аягъым къалтырады.

Б о р и с. Мына, Къаври келе, ондан сорармыз.

К ъ а в р и (*кирип, озь башына*). Тапамадым, дерсинъ ер ярылды да, ерге батты. Халкъкъа корюнмеге утанадыр...

Н и я р (*Къавриге бакъып, озь-озюне*). Къардашым, тувгъан къардашчыгъым...

Б о р и с. Къаври, сен анайны корьмединъми?

К ъ а в р и. Саба эвде эди. Къомшулардан бирине мусафирликке киргендир. Я сиз Гульнарны корьмединъизми? Клубдан барып бакъайым... (*Тышкъа ынтылыр*).

Н и я р. Къаври, токътал..

К ъ а в р и. Багъышланъыз, бугунъ текмиль башым айланды, къолунъызны да тутмадым. Къысмет олса, бугунъ акъшам...

Б о р и с. Ниярнен бир даа таныш ол. Бу кересинде аптенъ оларакъ.

К ъ а в р и (*кулер*). Енгенъ десе.

Б о р и с. Ёкъ, тувгъан аптенънен таныш ол!

(Къаври шашкъынлыкъта)

Н и я р. Къаври, тувгъанчыгъым! (*Башыны онынъ кокюсине даяп, агълар*).

Б и л я л к ъ а р т (*якъын келип*). Бу да не?! Эр ким къувангъанда, сен неге агълайсынъ? Ёкъ, къардашым, бизим койде ойле шей кечмез. Къана, бу мусафир къызгъа шарап беринъиз, озюнинъ къайда олгъаныны билъсин.

Б о р и с. Билял агъа, кимерде къуванч да козьашы акъыза. Бираз сабыр этинъиз, эпимиз ичермиз. Эм бочкапен ичермиз! Юр, Къаври, анайны тапайкъ, бу ильмекни тек о чезе билир.

Б о р и с, Н и я р, К ъ а в р и чыкъарлар.

Б и л я л к ъ а р т. Бу байрам куню шу яшларгъа не ола шу? Шеэрден кельген бу къыз бизим Къавриге ашыкъ олды ёкъса? Я онынъ озю севген Гульнары бар да!.. Озьлери де той япаджакъ оалар. Барып анайнен озюм сёйлешейимчи (чыкъар).

І к ъ а д ы н. Вай, джаным, бу бизимки джемаатсыз, байрамгъа ошады да...

ІІ к ъ а д ы н. Худжур шей! Кимни арайлар бильмем, чапкъалаша юрелер. Сейдали, къардашым, дам устюне чыккып джемааткъа деллял олып багъырчы. Ашларымыз суваытыр, тез кельсинлер.

А б л я з Гульнарнен къайтып кирер

А б л я з. Юр, юр! Къаври молла къыдырмагъа кетти: бу гедже эм никях, эм той!

Г у л ь н а р. Яваш ол шуны, Абляз, халкъ эшитир.

А б л я з. Айса чалылар артына гизленип юрме. Къаври сени къыдырып текмиль аякъсыз къалды.

С е й д а л и (дам устюнден). Э-й, джеми-джемаат! Ашларымыз пишти, къазанларымыз ташты, тез ол, байрамгъа буюрынъыз, эй-й!..

Р а к ъ а м о в н е н Айше келип кирерлер

А й ш е. Ахтемка, анавы ерде тургъан Аблязны коресинъми? Бар да, къулагъына айт: бу гедже клубны бизге берсин.

Р а к ъ а м о в. Сен айт, Айшечка.

А й ш е. Кене башлады. Олян, акъай сенсинъ де гъа-либа?

Р а к ъ а м о в. Айшечка, сен бельки шакъа эткендай буны шиирнен айтырсынъ?

А й ш е. Ёкъ, мында шинр кечмез, ракъам керек: эки къой, элли литр шарап, беш кило пенир...

Р а к ъ а м о в. Яхшы, мен айтырым... айтырым амма...

А й ш е. Аммасы да не экен?

Р а к ъ а м о в (Аблязгъа якъынлашып). Абляз, менде бир меселе бар амма...

А б л я з. Эсап меселесими?

Р а к ъ а м о в. Ёкъ, бусы даа да зор. Той меселеси. Эгер бугунъ акъшам клуб бош олса...

А б л я з. Той? Не маразымнынъ чокъ тойыдыр. Анда

бирини башарамайым, бу да озъ тойынен сокъула. Орта ердсн бу той меселесини тюшюнде корьдинъ ёкъса. Бар, келинчекке айт, бу гедже олмайджакъ де.

Р а к ъ а м о в. Нечюн?

А б л я з. Клубнынъ анахтарыны джойдым... (*Джема-аткъа айланып*). Достлар, бакъынъыз, коюмизнинъ энъ генч адамлары келе! (*Къолтукълашкъан бир алда Анай-нен Билял къарт келип кирерлер. Абляз элиндеки къа-делерни оларгъа узатыр*). Къартларгъа урьмет ве сайгъы!

А н а й. Сагъ ол, эвлядым. Амма буны ичмекни адет этмедим... Корьмединъми, меним Къаврийим къайда?

А б л я з. Мына, олар да келелер.

А н а й. Эвлядымны корьмесем юрегим тарсыкъа.

Б о р и с, Н и я р, К ѡ а в р и ашыкъып ичери келип кирерлер.

К ѡ а в р и (*анайны эслемейип, Гульнаргъа*). Гульнар, мен догъмуш аптемни...

А н а й (*сескенип*). Не дединъ, огълум...

К ѡ а в р и. Шай, ана, шакъа этип озюм айтып таш-ладым.

Б о р и с (*Къавриге*). Шимдилик айтмайыкъ. Бирден тесирленсе, сагълыгъына ярамаз.

А н а й. Эбет, огълум, кучюк олса да, сенинъ аптенъ де бар эди...

Н и я р (*озъ башына*). Даянып олмайым, юрегим агъ-лай...

А н а й (*Нияргъа*). Сен, кызым, неге мугъайдынъ, козьлеринъден яш тамлай.

(*Нияр кери чсвирилип, козьлерини аайдан излер*)

Б о р и с. Бу кыыз меним нишанлымдыр, анай. Эвле-неджекмиз, онъа мугъайса керек.

А н а й. Ойле япма, кызым, эвленеджек адам коклер-ге уча, дейлер, къуванмакъ керек.

Б о р и с. Анай, бойле бир кызынъыз олса манъа берир эдинъизми?

А н а й. Нечюн бермейим, мытлакъа берир эдим, эв-лядым. Сен яхшы адамсынъ.

Б о р и с. Я мен русым да?

А н а й. Рус олсанъ не олгъан, инсан ол, эвлядым.

Г у л ь н а р (*Къавринсн къулакълашкъан сонъ, Нияр-нынъ бойнуна сарылып*). Нияр, джанчыгъым, козьайдын санъа!

А н а й (раатсызланып). Балалар, менден ич бир шей гизлемейсизми? Айтынъыз, алла ашкъына айтынъыз... Ёкъса... (Нияргъа тикилип бакъар).

Н и я р (анайнынъ огюне барыр, козьаш толу давушынен агълай-агълай йырлар).

Айдынъыз балалар, бир баланы
Ортамызгъа алайыкъ,
О не япса, биз де оны
Эп бирликте япайыкъ...

А н а й (Нияр йырлагъанда, буюк бир эеджаннен). Эбет, эбет... Айдынъыз балалар, бир баланы... Шай кичкене, эсмери бетли, ири, зейтюн козьлю... Сен.. Сен...

Н и я р. Анай, тувгъан анайчыгъым... Шу кичкене Ниярчыгъынъ иште мен эдим. Санъа къайтып кельдим, аначыгъым... (Анайнынъ бойнуна сарылыр).


А н а й (терен бир эеджан ичинде). Нияр... Нияр, балачыгъым, коктен эндинъми... (Эси кетер. Сув берирлер).

Н и я р. Анай, тынчлан анайчыгъым. Энди омюрбилля берабер олурмыз.

А н а й. Къаври. огълум, кель, экинъизни де багърыма алайым. Эй, джемаат, сиз де келинъиз. Маалле-маалледен юрип, бутюн койге козьайдынлар айтайыкъ!..

1940 с.

ПЕРДЕ ЭНЕР



АРЗЫ КЪЫЗ

7 левалы музыкалы драма

ИШТИРАК ЭТКЕНЛЕР

Абий къарт — 50—55 яшларында факъыр бир койлю.

Рейан апте — Онынъ къарысы.

Арзы — Оларнынъ къызы.

Асан — Арзыны севген ыргъат йигит.

Ариф — Кой яшы. Асаннынъ досты.

Айше, Зоре, Зейнеп, Лейля — Арзынынъ достлары.

Аджиамет бай — Кой байы.

Бектемир — Онынъ огълу.

Къара Амет — Аджиамет байнынъ азбар хызметчиси.

Алибаба — Денъиз айдуты.

Чобан Умер.

Къады.

Ашыкъ.

Къуддус — 10—12 яшларында бир бала.

Къаведжи.

Ыргъат.

Койлюлер — яшлар, къызлар, къайыкъчылар ве къудагъийлер.

Биринджи лева

Сана: кой мейданы. Авлакътa эвлер корюне. Вакъыт — баарь; байрам. Кийинип-кыушангъан кыызлар асма салынджакъта саллана, шакъалаша ве йырлайлар.

1- н д ж и к ы з.

Гуль багъчада яптырдым
Асма да салынджакъ.

Х о р.

Яр келип, яр кечип,
Яр салланаджакъ.

1- н д ж и к ы з.

Пуф ястыкълар кыйылды,
Памукътан йымшакъ.

Х о р.

Яр келип, яр кечип,
Яр салланаджакъ.

1- н д ж и к ы з.

Салынджакъкъа багъладым
Мас-мавы — боюнджакъ.

Х о р.

Яр келип, яр кечип,
Яр салланаджакъ.

1- н д ж и к ы з.

Азырланды салынджакъ,
Ким салланаджакъ?

Х о р.

Яр келип, яр кечип,
Яр салланаджакъ.

(Айше салынджакътан тюшип, 2-нджи къызгъа айланыр)

А й ш е.

Шай салламакъ олурмы?
Отюм патлап олеяздым!

2- н д ж и к ы з.

Бираз даа саллар эдим амма...
Оледжегинъ бильмей къалдым.

А й ш е.

Бакъчы онъа,
Даа макътана.

(Кулькю. Къызларнынъ джыйыны башлар)

К ы з л а р.

Ай варирач, варирач,
Ал явлугъынъ сантырач;
Аладжакъ олсанъ ал да къач,
Аладжакълар, козюнъ ач.

Эрзурымда багъ олмаз,
Сия юзюм акъ олмаз;
Арзы кызны севгеннинъ
Юрегинде ягъ олмаз.

Арзы кетер ишине,
Бир яр тюшер пешине;
Кери къайт яш, кери къайт,
Арзы бакъмаз юзюнъе.

1- н д ж и к ы з.

Къызлар, яшлар келе!

2- н д ж и к ы з.

Ана, Умер агъам да келе!

З о р е.

О яйлядан келедир,
Байы изин бергендир.

З е й н е п.

Вай заваллы,
Тек байрамдан байрамгъа
Койге келип халкъ коре.

Къызлар фырлантаынынен юзлерини орытип, дам тепелерине
чыкъарлар. Элинде ыргъагъы, омузларында джузданлары чобан
У м е р в е кой яшлары ичери келип кирерлер.

У м е р.

Мына селям алейкум,
Къыз-келиндчек асабам!
Байрамынъыз гурь олсун, аманым-аман,
Ляле-чечек асабам.

Х о р.

Байрамынъыз гурь олсун, аманым-аман,
Ляле-чечек асабам.

Л е й л я.

Чобан деген хиянетнинъ
Джузданы тунч асабам;
Илишмеси зор дегиль, аманым-аман,
Къуртулмакъ кучь асабам.

Х о р.

Илишмеси зор дегиль, аманым-аман,
Къуртулмакъ кучь асабам.

У м е р.

Чобан деген йигитлер
Эрлик сатар асабам;

Асла сенинъ башынъа, аманым-аман,
Биздайлар етер асабам.

Х о р.

Асла сенинъ башынъа, аманым-аман,
Биздайлар етер асабам.

Л е й л я.

Аягъынъда чарыгъынъ,
Аркъанъда тон асабам;
Мен чынъ айтсам шашмалар, аманым-аман,
Секизи-оны асабам.

Х о р.

Мен чынъ айтсам шашмалар, аманым-аман,
Секизи-оны асабам.

У м е р.

Тоным кыскъа олса да,
Джыллы тутар асабам;
Секизи дегиль, бир менден, аманым-аман,
Озюньни къртар асабам.

Х о р.

Секизи дегиль, бир менден, аманым-аман,
Озюньни къртар асабам... (Кулькю).

А л и.

Не токътадынъ, тилинъе назар тийдими?
Шашмаладынъ,
Ёкъса, сёзюнь биттими? (Кулькю).

У м е р.

Сёзю биткен — енъильгендир,
Енъильгенге «урьмет».
Юр барайыкъ салынджакъкъа,
Саллатайым сефа эт! (Кулькю).

Яшлар кѳоран теперлер. Бираздан сана артындан Кѳуддуснињ давушы эшитилир.

К ѳ у д д у с.

Балдан татлы,
Ой да дадлы,—
Шербет, шербет, шербет!

Элинде буюк бир йыбрыкѳ, кучюк мешребе, К ѳ у д д у с багъырып-йырлап, ичери кирип келир.

Ичкен безмез,
Мени сѳгмез,
Тыпкѳы бекмез,—
Шербет, шербет, шербет!

А л и.

Эй, Кѳуддус,
Шербет салкѳынмы?

К ѳ у д д у с.

Ой да салкѳын,
Ичип бакѳынѳ,—
Шербет, шербет, шербет!
Байрамлар хайырлы олсун!
Буюрынѳ агѳалар,
Сувсагѳанлар ичип тойсын.

(Кѳуддус о ердеки яшларнынѳ эллерини опип, мешребеге шербет тѳкип берир. Пара алгѳанда).

Эй агѳалар, пара аз да!

А л и.

Неси аз я?
Бѳш мешребе — бѳш ша,
Сайып бакѳ да.

К ъ у д д у с.

Ойле амма,
Эль де опытик,
Бермейсизми байрамлыкъ
Беш-он ша?

(Яшлар кулюшип, онъа пара узатырлар)

К ъ у д д у с.

Ичкен тоймаз,
Пешман олмаз,—
Шербет, шербет, шербет! (Чыкъар).

1- н д ж и к ъ ы з.

Вай,
Яшларнен мени бабам коръсе,
Манъа не дер?

2- н д ж и к ъ ы з.

Бугуньки байрам
Гъалиба
Башкъа етер.

З о р е.

Къоркъма, джаным,
Шимди яшлар кечип кетер...

Ичери А с а н келип кирер. Оны яшлар къаршылап алыр.

А р и ф.

Байрам-сейран демейсинъ,
Бир кунъ къалмай келесинъ,
Юрегинъе дерт тышtimi?..

Къуванып ичери К ъ у д д у с къайтып келир.

К ъ у д д у с.

Арзы аптем келе!
Арзы аптем келе!

К ъ ы з л а р.

Арзы келе!
Арзы келе!

А л и.

Арзы келе,
Бакъынъ яшлар!

У м е р.

Ана байрам
Энди башлар!

Арзы йырлап, ичери келип кирер.

А р з ы.

Селямым бар къабул этинъ
Мени сайып-севгенлер.
Хайырлайым мен де сизге
Бугунъ байрам шерефлер.

Х о р.

Хошкельдилер коюмизнинъ
Энъ къокъулы гулюне,
Джыйындарнынъ ярашыгъы,
Багъчалар бульбулине.

А р з ы.

Кельди бааръ, ачты гуллер,
Мор мелевше, сумбуллер;
Ах не гузель, гузель йырлай
О хош сесли бульбуллер.

Х о р.

Кель эй гузель, къошул бизге,
Байрамымыз ярашсын;

Кель эль-эльден тутушайыкъ,
Джыйынымыз башласын.

Къызлар Арзыны сарып алырлар. Асан Арзыдан козюни алмаз.

А р и ф.

Къальбинъ эсир тюшти ёкъса
Бакъып къалдынъ къарарсыз?

А с а н.

Эбет,
Коктен учкъан бир къуш эдим,
Шимди къалдым къанатсыз...

А р и ф.

Арзымы?..

Узакътан чубыкълы давул сеси эшитилир. Бираздан, давул чалды-
рып, ичерн Бектемирнен Алибаба келип кирерлер.

Бектемир.

Э-эй,
Къызлар да мында!
Мен де кельдим,
Мына!

Кулер. Арзыны косътерип, Алибабанынъ къулагъына бир шейлер
айтыр.

А л и б а б а.

Ой-ой-ой...
Танъры бебегі,
Чекиси алтын!

Бектемир.

Кою толрагъымыз,
Халкъы ыргъатымыз.
Къызы агленджемиз.

(Арзыгъа тараф юрип)

Арзы кызы,
Фактыр кызы,
Кель сарайым
Мисхор кызы.

Бектемир кызыларгъа догъру адымлагъанда къаршысына Асан чыкъар. Онынъ якъасына япышып, итеп йиберир. Буны корьген кызылар багъырышып, къачып кетерлер. Бектемир Асангъа ачувланып.

Бектемир.

А-а,
Сен де мындасынъмы,
Гаспралы ыргъат огълу?

Асан.

Эбет,
Мен де мындам,
Бай огълу.

Алибаба.

Копек явру
Бектемире токъунма!
Екъса джанынъ алырым.

Умер.

Эй, денъиз айдуты,
Асангъа токъунма,
Екъса, бир даа
Тюркиени коралмазсынъ.

Яшларнынъ эписи Асаннынъ янына топланырлар.

Ариф.

Биз мында бир дегильмиз,
Дава чокъкъа бармасын,
Башынъызгъа етермиз.

А л и б а б а.

(Этрафына бакъып, къоркъуп, Бектемирге).

Айди, йигит,
Гиделим...

Б е к т е м и р.

(А с а н ı ъ а).

Мен сени...
Ери дегиль,
Таныр эдинъ сен мени!

Алибабанен берабер къоркъа-пыса чыкъып кетерлер.

У м е р.

Языкъ,
Сен манъа
Яйля сырымында
Расткельмединъ,
Езит огълу езит!

(Асаннынъ омузыны таптап).

Макътавгъа лаяыкъсынъ,
Яш йигит!
Айды, яшлар,
Кеттик!

Ичеридекилер чыкъарлар. Тек Асаннен Ариф къалыр.

А р и ф.

Асан,
Бакъчы мында!
Ишлер ёлунда.
Сувгъа келеджеклер
Кунъ къонгъанда.

А с а н.

(эджанланып).

Догърумы?
Ильк корюшнов!..
Аджеп Таир
Шай къуванчнен
Беклегенми Зоресини?
Ай, йылларнен умют беслеп
Сонъ тапкъанмы севгисини?
Чокъ вакъытлар оны коръмек,
Сейлешмек,
Козюне бакъып
Къуванч сезмек
Хаял олып корюльди.
Бу хаялнынъ бир кунъ ола
Акъикъаткъа чевирильмеси
Бош тюшюндже,
Татлы тюш,
Адеттен тыш корюльди.

(Йырлап)

Серт еллер уфюрип
Орманлар янгъанда,
Озен, голь сувлары
Онъа кяр этерми?
Яш юрек тарсыкъып
Сание сайгъанда,
Акъшамны беклевге
Сабырлар етерми?

ПЕРДЕ ЭНЕР

Экинджи лева

Сана: чешме башы. Вакъыт — акъшам кунеш къонгъан мааллерин.
Къолтукъларына гюгюмлерини къыстыргъан къызлар чобан Умерини
озгъарып пейда олурлар.

З о р е.

Тез кетесинъ Умер агъа,
Къалгъай эдинъ бир кунъ даа.

У м е р.

«Ятсыгъадже кьошта ол»
Деди шорбаджы манъа.
Не япмалы...
Сагълыкънен къалынъ,
Корюширмиз биз даа...

Л е й л я.

Сагълыкънен бар,
Яйялар йырджысы!

З е й н е п.

Огъурлар олсун,
Къобалар сырджысы!

З о р е.

Агъама селям айт,
Геджелер ёлджысы!

У м е р.

(сув алып чыккъан къызларнынъ пешинден бакъып)

Яшсынъ, севмек, севильмек
Истейсинъ.
Чобансынъ, ыргъатсынъ
Шорбаджы сёзюни
Тутмагъа меджбурсынъ...

(Йырлап)

Шу кеткен учъ къызгъа гонъюль тюшюрдим,
Сагълыкълашып кеттилер, мен окюндим.
Артларындан севги къушы учурдым,
Мен де бильмем ангисини яр идеяим...

Бири узун бойлу, индже беллидир,
Бири орта бойлу, татлы тиллидир.
Бири алма янакъ, чебер эллидир,
Мен де бильмем ангисини яр идеяим...

Гъамлы бир алда чешме башындан узакълашыр. Бираздан Асан
пейда олур.

Асан.

Келирми экен?..
Я кельмесе...

(Йырлап)

Серт еллер уфюрип
Орманлар янгъанда,
Озен, голь сувлары
Онъа кяр этерми?
Яш юрек тарсыкъып
Сание сайгъанда,
Акъшамны беклевге
Сабырлар етерми?..
Келирми экен?..

Бошалгъан сув йыбрыгъыны тасырдатып Къуддус ёлдан йырлап
кечер. Асан гизленир.

Къуддус.

Къурсакъ онда балабан,
Аякълары тюз табан.
Башы исе акъ къабакъ,
Акъыллыдыр тавукътан.
Айтайыммы о кимдир?
Аджы огълу Бектемир!

Ракъы корьсе, сув ичмез,
Ракъы ичсе, козь корьмез.
Чыкъса эгер сокъакъкъа,
Мышыкъ-тавукъ кунь корьмез.
Айтайыммы о кимдир?
Аджы огълу Бектемир!

(Элиндеки параларны сайып).

Учъ, эки даа — беш.
Бешке он — он беш.

Акъялда да йигирми беш...
Оппа манъа,
Эписи этти элли беш!

Къуддус чыкъар. Сув савутларыны салындырып, ичери А р з ы н е н
А й ш е кирерлер. А й ш е терек артындаки Асанны эслеп, кулюмси-
реп алып.

А й ш е.

Вай,
Кумесимиз ачыкъ къалды
Арзычыгъым!

А р з ы.

Айше, кетме,
Токътасана достчыгъым.

А й ш е кетер. А р з ы чешмеге догъру адымлар. Онынъ огюне
Асан чыкъар.

А с а н.

Гузеллер гузели
Мени багъышланъыз.
Гузеллик эсирине
Бир козь ташланъыз.

А р з ы.

Динълейим, сёйле яш,
Мерамынъ билейим.

А с а н.

(йырлап).

Сабаларнынъ эскен серин шень ели
Манъа сенинъ татлы сесинъ кетирди.
Кедайларнынъ гонъюль охшар йырлары
Манъа сенинъ дюльберлигинъ бильдирди.

Атеш яна кокюсимде, чаре ёкъ,
Инанмасанъ бакъ гузелим козюме.

Сенсиз манъа бу дюнъяда къуванч ёкъ,
Севсенъ сёйле, инан ашыкъ сёзюме.

А р з ы.

Сербест учкъан бир къуш эдим,
Къафес недир бильмедим.
Чокълар юрек бильдирсе де,
Севги недир сезмедим.

Чокъ кечмеди, сербест къушнынъ
Къанатлары къырылды.
Ильк корьгенде атеш юрек
Барып санъа урулды.

А с а н.

Догърумы?
Юректенми сёзлеринъ?
Эбет,
Севгимизни айтып тура козьлеринъ.
Бу не бахт!
Бу не къуванч!
Юрегимде гурьделенди
Татлы севги ташкъыны.

Кель, дживаным,
Кель джигерим,
Ал къальбимнинъ
Атешленген ашкъыны.
Арзы!
Севгимизнинъ шаады бу ай,
Исбаты да къальбимиз олсун!

А р з ы.

Мен кечиктим,
Кеч къалмайым.
Айды, мен кеттим...

А с а н (онынъ пешинден чыкъып). Арзы!..

Ичери Айше къайтып кирер. Этрафкъа бакъыныр.

А й ш е.

Арзы! Арзы!

А р и ф.

(ичери кирип).

Айше, токътачы!

А й ш е.

Сонъ не бар,
Айтчы!

А р и ф.

(йырлап).

Башынъ асып юресинъ,
Кунълеринъ тармы, Айшечик?
Айырайым Арифтен
Дегенлер бармы, Айшечик?

А й ш е.

Тамшангъанлар онларнен,
Чыкъмайлар эвден, Арифчик.
Козюнъни ач йигитим,
Кетерим эльден, Арифчик.

А р и ф.

Къуда ёллап, бабанъдан
Истейим бугунъ, Айшечик.
Айше деген къызчыкъкъа
Чалынсын дюгюн, Айшечик.

А й ш е.

Бабам санъа къыз бермез,
Анам да ссвмез, Арифчик.
Меним киби гузель къыз
Санъа да тиймез, Арифчик.

А р и ф.

Чаталлашса меселе
Иш корьмем сёзнен, Айшечик.
Бунъа дерлер йигитлик
Алырым зорнен, Айшечик.

(Ариф Айшеге якъынлашыр)

А й ш е.

Вай, я Арзы?
Бир озю кьоркъмазмы?
Арзы! Арзы!..

Арзы кеткен тарафкъа чапып чыкъар

А р и ф.

Ой къызлар-къызлар,
Тиллери «севмем» дер,
Озьлери северлер.

(Тыштан сеслер эшитилир)

Ана, келелер.

А р з ы в е А й ш е с у в с а в у т л а р ы н е н к ѡ й т ы п к и р е р л е р . О л а р н ы њ а р т ы н д а н А с а н п е й д а о л у р .

А р и ф.

Сонъ; къызлар?

А й ш е.

Сонъ, не бар?

А р и ф.

Ярын сувгъа келирсизми?

А й ш е.

Сонъ?..

А р и ф.

Биз де чыкъсакъ сѣгмезсизми?

(Арзы ве Айше кулюширлер)

Шай, демек сѣзлештик?

А й ш е.

Кеч олды,
Айды биз кеттик.

А р з ы ве А й ш е кетерлер.

А с а н.

Дост!
Ондай дюльбер,
Ондай гузель
Бармы экен дюньяда?

А р и ф.

Лякин давран,
Оны излер
Къузгъунлар бар къаяда.

Бектемир чешме артындан гизленип кирер. Оларнынъ пешинден
бакъып, бираз тюшюнген сонъ.

Б е к т е м и р.

Я бу да не экен?..

А-а,
Давранмакъ,
Давранмакъ керек!

ПЕРДЕ ЭНЕР

Учюнджи асва

Сана. Абий къартнынъ эви. Миндер ве дивар ястыкъларынен донатылгъан бир ода. Оданынъ бир къапысы янаша одагъа, экинджиси азбаргъа ачыла. Пенджеренден эв алдындаки акъ чечекке бурюнген вишнелик корюле. Вакъыт саба. Багъчадан къушларнынъ, кой ичинден хоразларнынъ сеслери эшитильмекте. Музыка «Бааръ сабасы»ны чала. Элинде чарыкълары Абий къарт ода ичинде нелердир къыдыра.

А б и й.

Къайда къалды бильмем...
Акъыз, Рейан!

Бир элинде фильджанлы табакъ, экинджисинде джезбеси олгъан
Рейан азбар къапыдан келип кирер. Тыныкъ бир давушпен.

Рейан.

Эв, багъырмасал!
Арзы юкълай,
Яваш олса.

А б и й.

Рейан,
Чулгъавларым къайдалар я?

Рейан.

Къайда олсун,
Бири текмилъ ипранды,
Экинджиси дель-делик,
Сагълам ери къалмады.
Айды, отур,
Ич къавенъни,
Ич олмадым
Джумалары раат отур.

*(Абий къарт миндерге чёкип къаве ичер, Рейан апте
чувал парчаларыны онынъ огюне ташлар)*

Ма, буларны сарып тур.

А б и й.

Не япмалы,
Факъыргъа раатлыкъ мезарда.
— Ярын
Аджамет байгъа
Ер къазмагъа.

Бу -
 Кечкен йылки бордж ичюн.
 Келеджек базар ве салы —
 Имамгъа пичен чалмагъа.
 Бу — беш-он табан вакъыф ичюн.
 Афтаньнъ сонъки куню —
 Байгъа бостан сачмагъа.
 Бу —
 Алла берген сув ичюн.
 Ана бизге джума къала,
 Акъ бергенин къул ала.
 Бу мубарек кунъде де
 Бель котермей
 Чалышмакъ керек ола.
 Не япмалы,
 Язымыз къара чекильген.
 Бу дюньянынъ бар белясы
 Биз факътыргъа юкленген. (*Турып*)
 Айды, Рейан,
 Сен урлукъны ал да чыкъ,
 Баре бугунъ
 Бакъла, согъан сачайыкъ.

Рейан апте рафтаки бардакънынъ ичинден бир къач тююмчик алып, азбаргъа чыкъаралар. Ода бош къалыр. Музыка текрар «Бааръ сабасы»ны чалар. Бираздан, сачлары омузлары устюне джайрагъан, янъы юкъудан тургъан Арзы янаша одадан келип кирер. Пенджереге якъышлашыр. Чечск ачкъан тереклерге бакъып йырлар.

А р з ы.

Ах не гузель къокъусы бар,
 Гонъюль охшар, рух ачар,
 Вишнеликтен эскен еллер
 Яздан селям кетирер.
 Бульбуллернинъ татлы сеси
 Та юректен алдыра,
 Шырын сесли эзилери
 Назлы сазны анъдыра.
 Къокъу сачынъ, эй чечсклер,
 Йырланъыз сиз бульбуллер.
 Лятиф къокъу, татлы йырлар
 Манъа къуванч берелер.
 Пенджеремиз багъчалыкътан,

Акъ чечеклер орътюси,
Эссе эгер серин еллер
Келир ярем къокъусы.
Ах не ичюн шимди кене
Ярем кельди эсима,
Нечюн бильмем анъылгъанда
Атеш тюше ичима...

Кузьгю къаршысына кечип, сачларыны орер. Пенджере алдында
Къуддус пейда олур.

Къуддус.

Арзы апте!
Гаспралы Асан агъам
Менден сени сорады.

Арзы

Сонъ, Къуддус?

Къуддус.

Эм де санъа
Мына мектюп ёллады.
Ич кимсеге косътерме деп,
Тенбий этип чокъ айтты.
Манъа исе Асан агъам
Къамыштан бир къавал япты.

(Чала-чала кетер. Арзы мектюпни ачар)

Арзы.

Асандан!
«Арзыгъа мектюп.
Селямым бар, къабул эйле
Юрегимнинъ кошеси,
Эр кунъ манъа сени айта
Бульбуллернинъ хош сеси.
Ильк корюштен бугунъгедже
Ашым-сувым эп сенсинъ,
Агъыр кунълер ярасыны

Савулткъан бир мельэмсинъ.
Узун кунълер янъгъызлыкънен
Яш юрегим тёнюле,
Къавушмамыз Арзычыгъым
Хаял олып корюле.
Юрекке ял кимерде бир
Токътап сени тюшюнмек,
Манъа бир бахт къозучыгъым
Сенинъ иле корюшмек».
Ах, джанчыгъым!..
Козюмнинъ нуры,
Къальбимнинъ сыры...
Дюн акъшам акъчилъ ай
Пенджеренден къарагъанда
Кокке бакътым.
Ай янында бир йылдыз
Козюни къымып-къымып алды.
Мен онъа бакътым,
О йылдызда Асаннынъ
Козъ нурын коръдим.
Козълерими кокке тиктим,
Къанатланмагъа,
О йылдызгъа учмагъа,
Бахтымы сорамагъа истедим.
Къанатсыз эдим,
Учалмадым,
Сусып къалдым...
Йылдызымнен мен
Ерден сёйлендим.
«Сёйле, Асан, сёйле» дедим,
«Кок юзюнинъ бошлукълары
Недай сырлар бизден сакълай?
Кимге къуванч,
Кимге къайгъы
О азырлай?
Кель, дживаным,
Сёйле, дедим,
Къальбим раат юкъласын,
Джан тарсыкъкъан
Бу янъгъызлыкъ геджелерде
Кель,
Бизлерни севги ашкъы охшасын».
Йылдыз индемени,

Бакъты да, сѣйленмеди.
Санки мени охшар киби,
Сырытты да,
Тынч геджелер янъгъызына
Сессиз селям бильдирди.

(Мектүпни котерип)

Бу да сессиз селям,
Лякин о ярдан кельди,
Къуванч кетирди,
Севинч кетирди.

(Тыштан тасырдылар эшитилир)

Кселелер,
Кимлер экен?..

Арзы янаша одагъа чыкъар. Ичери Абий къарт, Рейан апте
ве эки къудагъый кирерлер.

Къудагъыйлер.

Селям алейкум
Рейан апте!

Рейан.

Алейкум селям,
Хош кельдинъиз.

Къудагъыйлер.

Селям алейкум,
Абий эмдже!

Абий.

Алейкум селям,
Хош кельдинъиз.

1-нджи къудагъый.

Сонъра насыл,
Недай ишлер?

А б и й.

Недай олсун:
Баарь кѳургѳакъ,
Кѳатты топракъ,
Янар бостан
Сувсызлыкѳтан.

Р е й а н.

Буюр, отур,
Тѳрге кечинѳ.

А б и й.

Не бар сонѳ шу,
Тез сѳйлечинѳ.

1-н д ж и к ѳ у д а г ѳ и й.

Абий кѳарткѳа
Аджиамет байнынѳ селямы бар.
Селямнен эм де сизге
Келямы бар.

2-н д ж и к ѳ у д а г ѳ и й.

Огѳулчыгѳы Бектемирчюн
Арзы кѳызгѳа кѳудасы бар.

1-н д ж и к ѳ у д а г ѳ и й.

Кѳана бизге Абий кѳарт не айтыр?

А б и й.

Эвлениджек кѳызымдыр,
Ондан соранѳ!

2-н д ж и к ѳ у д а г ѳ и й.

Кѳызчюн сѳзни кѳыз дегиль,
Баба айтыр.

1-н д ж и к ъ у д а г ъ и й.

Мал сенинъ — къыз сенинъ.

А б и й.

Къыз меним, сёз онынъ.

1-н д ж и к ъ у д а г ъ и й.

(янаша оданынъ къапысына барып).

Арзы, къана чыкъчы,
Бизге сырынъ айтчы!

(Арзы чыкъар. Къудагъийлер йырлап).

К ъ у д а г ъ и й л е р.

Эй гузель къыз, динъле бизни.
Бугунъ коктен бахтынъ энди.
Алтын киби бир йигиттен
Санъа къызым селям кельди.

1-н д ж и к ъ у д а г ъ и й.

Айтувлы эр!

2-н д ж и к ъ у д а г ъ и й.

Къадын север.

1-н д ж и к ъ у д а г ъ и й.

Къара къашлы,

2-н д ж и к ъ у д а г ъ и й.

Балабан башлы.

1-н д ж и к ъ у д а г ъ и й.

Мыйыгъы бурма,

2- н д ж и к ъ у д а г њ и й.

Ашы хурма.

1- н д ж и к ъ у д а г њ и й.

Орта бойлу,

2- н д ж и к ъ у д а г њ и й.

Намлы сойлу.

1- н д ж и к ъ у д а г њ и й.

Зенгинликте кѡарары ёкъ.

2- н д ж и к ъ у д а г њ и й.

Бираз делилигин зарары ёкъ...

1- н д ж и к ъ у д а г њ и й.

Санѡа берген бахшышларын
Пара иле кѡыймети ёкъ:

2- н д ж и к ъ у д а г њ и й.

Кѡыркѡ нусфие, юз дирекли санѡа мелек,
Бабанѡа да кѡудасындан бир кок эшек.

1- н д ж и к ъ у д а г њ и й.

Зумрут ташлы билезлик, алтын юзюк,
Бабанѡа да кѡыр багѡындан докъсан кутюк.

2- н д ж и к ъ у д а г њ и й.

Эки сыгѡыр, бир багѡча, эм де бостан,
Бабанѡ да шай кѡуртулыр байгѡа борджтан.

1- н д ж и к ъ у д а г њ и й.

Бир кѡуланлы, бир де йипиш эм сом кѡушакѡ,
Ана, бала, бабасы... ой да япшакѡ.

2- н д ж и к ъ у д а г ъ и й.

О дев киби пек мазаллы,
Демир сыкъса йымшата.

1- н д ж и к ъ у д а г ъ и й.

Бир яшында къозуны
Нефес алмай шай юта.

2- н д ж и к ъ у д а г ъ и й.

Дагъгъа чыкъса авланмагъа
Йч бир вакъыт бош къайтмаз.

1- н д ж и к ъ у д а г ъ и й.

Э, ойле я, паранъ олса
Авны санъа ким сатмаз?..

2- н д ж и к ъ у д а г ъ и й.

Онынъ джаным къусуры ёкъ.

1- н д ж и к ъ у д а г ъ и й.

Акълы дегиль, малы чокъ.

2- н д ж и к ъ у д а г ъ и й.

Сонъ къызчыгъым, сен не дейсинъ?

А р з ы.

Опынъ ичюн севгим ёкъ.

1- н д ж и к ъ у д а г ъ и й.

О къызчыгъым алса сени
Беслер алтын къафесте.

А р з ы.

Къафес дегиль, истейим мен
Учмагъа кенъ коклерде.

2- н д ж и к ъ у д а г њ и й.

Йымшакъ тѣшек, татлы ашлар,
Омюр анда сефадыр!

А р з ы.

Бабам берген къатты миндер
Бай эвинден яхшыдыр.

К ъ у д а г њ и й л е р.

(теляшнен).

Бабанъ берген къатты миндер
Бай эвинден яхшымы?..

А б и й — Р е й а н.

Эбет, баба берген къатты миндер
Бай эвинден чокъ яхшыдыр!

П Е Р Д Е Э Н Е Р

Дёртюнджи лева

Сана: кой къавеси. Вакъыт — ятсы мааллери. Перде ачылгъанда стол башында Алибаба, Бектемир ве бир къач къайыкъчы-тюрк багъырышып шамата котерип, къавиль этелер. Къавенинъ экинджи столы башында отургъан койлюлер озъ аралары лаф этелер.

Б е к т е м и р.

Ким ичемез?
Ичерим!

1- н д ж и т ю р к.

Ёкъ,
Бектемир бей ичемез!

2- н д ж и т ю р к.

Ичер о, беяу, ичер,
Фекъат къурсагъы шишер.

1- н д ж и т ю р к.

Беяу,
Къурсагъы патласа не эйлер?

(Кулькю)

Бектемир.

Ичерим, дедим, ичерим,
Баш къойып къавиль этерим!

1- н д ж и т ю р к.

Башынъ бизе махбул дейиль,
Баш ерине ракъы къой.

Бектемир.

Айды, барсын шай олсун!
Эй, къаведжи,
Купны кетирчи!

Къаведжи купны зорнен котерип стол устюне къояр. Тюрклер ве
койлюлерден бир къачы Бектемирнинъ атрафында топланырлар.
Тюрклерден бири купнынъ къапагъыны ачып бакъар.

1- н д ж и т ю р к.

Куп яры.
Эй, къаведжи,
Бир челек сув!

Бектемир мешребени кубгъа далдыра-далдыра сув ичмеге башлар.

1- н д ж и к о й л ю.

Бу анкъавнынъ яныгъы да
Не экен?

2- н д ж и к о й л ю.

Не оладжакъ,
Абий къарт онъа
Къызыны бермеген.

3- н д ж и к о й л ю.

Не де яхшы япкъан я!
Амма гъариб къартайды,
Къартайгъанда эм белягъа огърады.

1- н д ж и к о й л ю.

О да не я?

3- н д ж и к о й л ю.

Къан-тер тѣкип асрагъан
Джап устюне багъына
Сенети ёкъ экен.
Аджиамет бай:
«О менимдир», дей экен.
Ишлери къадыгъа тюшкен.
«Бер Арзыны огълума,
Акълашайыкъ», дей экен.
Агъыр кунълер...

2- н д ж и к о й л ю.

О джайль къарт къадыгъа барса
Не ишлер?

1- н д ж и т ю р к.

Бектемир бей,
Учкъурны чез.

2- н д ж и т ю р к.

О артыкъ ичемез.

1- н д ж и т ю р к.

Коресизми, ушаклар,
Ичмеден къурсагъы
Даблая чевирильмиш.

2-н д ж и т ю р к.

Онынъ эджели сувдан әмиш.

Бектемир бир къач мешребе даа ичер. Сонъкисини яры къалдырып, стол устуне ташлар. Экинджи тюрк онынъ кърсагъын тугъып бакъар.

2-н д ж и т ю р к.

Олды ушаклар,
Фучи толмыш,
Вазгечелим.

1-н д ж и т ю р к.

Ракъыйы ал, Бектемир бей,
Энди бизлер ичелим.

Б е к т е м и р.

Ичер эдим амма,
Сувсамадым...
Эй, къаведжи,
Бир ракъы кетирчи.

(Олар ракъы ичип, озъ аралары лакъырды этерлер).

2-н д ж и к о й л ю.

Арзы къызны нишанлайджакъ экенлер.

1-н д ж и к о й л ю.

Кимге дейлер?

2-н д ж и к о й л ю.

Гаспралы бир яш экен,
Ыргъат дейлер.

3- н д ж и к о й л ю.

Зенгинден къачты да,
Ыргъаткъа тюшtimi?

2- н д ж и к о й л ю.

Ыргъат отьмеги къаргъышсыз олур.
Арамнен кечинген Аджиамет байгъа
Бизлердай факъырнен не достлыкъ олур?

1- н д ж и т ю р к.

Алибаба!
Сагълыгъынъчюн ичиёрым.
Къаве, йипек, лимонлардан,
Зейтюн, фыстыкъ, хурмалардан
Сизге бен кяр дилиёрым.

А л и б а б а.

Хайыр, хайыр ушаклар,
Бен Бектемир бейнинъ яныгъы ичюн
Ичиёрым.

Б е к т е м и р.

Юрегим алев,
Ракъы сѣндиремез.

А л и б а б а.

Сѣйле, Бектемир бей,
Оны сѣндиреджек недир?

Б е к т е м и р.

Оны сѣндиреджек
Акъ герданлы,
Ал янакълы Арзыдыр.

А л и б а б а.

А-а...

Бектемир бей

Яныкъ нее лязим?

Вер элини,

Айды,

Ярын акъшам ал Арзыны!

1- н д ж и к о й л ю.

Кой байы етмеди,

Аркъамызгъа бу да минди.

Бешке ала, онгъа сата,

О да бизни алдата.

Тыштан саз ве йыр сеси эшитилир. Койлюлер дикъкъатнен динъ-
лерлер.

Мен ашыкъым, дердим чокътыр, тюкенмез,

Мен гъарибим, мухтаджлыгъым ич битмез.

Саз чалгъач Ашыкъ ичери келип кирер.

А ш ы к ъ.

Келем ачлыкъ, ёкъсузлыкъ эм хорлукътан,

Кечмишим бу, келеджегим билинмез.

1- н д ж и к о й л ю.

Алла мусафири, ким оласыз?

2- н д ж и к о й л ю.

Къайдан келесиз, ёлунъыз къайда?

А ш ы к ъ.

(сёйлен).

Кунъдогъуштан башлады меним ёлум,

Дагъ-дегъиз, таш-къая сагъым ве солум.

Ёлум узакъ, корюнмез онынъ сонъу,
Кунъдюз урба, гедже ёргъан гъарибнинъ тонъ

(Чалып йырлар)

Мен ашыкъым, дердим чокътыр, тюкенмез,
Мен гъарибим, мухтаджлыгъым ич битмез.
Келем ачлыкъ, ёкъсузлыкъ эм хорлукътан,
Кечмишим бу, келеджегим билинмез.

(Сёйлен)

Та яшлыкътан севда олдым мен бир гульге,
Он докъузда ашыкъ олдыкъ бир-биримизге.
Лякин...
Зенгин кызы факъыр ичюн дегиль экен,
Факъыр зенгин арасында
Кечильмез дагъ,
Дерья-денъиз бар экен.

(Чалып йырлар).

Эр кес киби ашыкъ олдым бир гульге,
Гуль ачмаздан къопарылды теректен.
Мегер гульнинъ сербестлиги аз экен,
Бу дюньяда бизчюн севги ёкъ экен.

(Сёйлен).

О кунъ, бу кунъ мен доланып юрем,
Чаларды сакъалым, башымда сачым.
Энди арзум бир къапым отъмек,
Энъ эйиси менчюн къабирге кирмек.

(Чалып йырлар).

Ёкъ менимчюн бу дюньяда бахтлы кунъ,
Талийи къара чекильгендир гъарибнинъ.
Ольсем де ёкъ менимчюн агълайджакъ,
Бир чалыдыр мезар ташы гъарибнинъ..

Бектемир.

Хор экен,
Гъариб экен!

Ергъанынъа коре
Аягъынъны узаткъай эдинъ.
Эм де асла
Факъыргъа севги не керек экен?

А ш ы к ъ.

Севгисиз аят бош ола.

Б е к т е м и р.

Бош ола экен...
Севмек ичюн
Токълукъ керек,
Мал керек, мулък керек.

А ш ы к ъ.

Факъырнынъ севгиси юректен ола,
Яры онынъ малыны дегиль, озюни севе.
Зенгиннинъ севгиси япма ола,
Яры онынъ озюни дегиль, малыны севе.

Б е к т е м и р.

*(Къызышып Ашыкънынъ устюне атылыр, курсюни онынъ
башы устюне котерир).*

Не!..
Не дединъ?
Бир даа айтчы!

Асаннен Ариф ичери келип кирерлер. Асан Бектемирнинъ
элиндеки курсюни чекип алыр.

А с а н.

Эй, копек огълу копек,
Кучюнъ бу къарткъа етими?
Чекиль четке,
Я да чыкъ ортагъа,

Косьтер кучюнь бакъайым
Бенъзейсинъми акъайгъа?

А л и б а б а.

Бу ушак ене кельди..
Калкын,
Бурадан зувалым.

Б е к т е м и р.

(Тюрклернинъ чыкъмагъа тедарикленгенлерини корип).

Мен сени..
Ери дегиль,
Таныр эдинъ сен мени..

(Къапыдан чыкъаяткъанда).

Эй, арслан,
Бир кунъ даа токъта,
Сонъра хоразланып дегиль де,
Агълап,
Шу Ашыкъ киби серсерийлеп юерсинъ.
Догърумы, Алибаба?

А л и б а б а.

Догъру,
Догъру сёйлиёрсынъ Бектемир бей.
Тез ол,
Бурадан гиделим.

Бектемир ве тюрклер кулюшип чыкъарлар. Асан оларнынъ не демек истегенлерини анъламайып, артларындан бакъып-шашып кыалыр.

ИЕРДЕ ЭНЕР.

Бешинджи лева

Сана. Аджиамет байнынъ азбары. Эв алдында чильтер орьнеклери-
нен безетилген. юзюм асмаларынен сарылган софа. Софанынъ
асты магъаз. Онынъ тарачыкъ пенджерелеринден анда кетен то-

къумакъта олгъан ыргъат къызларнынъ юзлери ве аркетлери сечил-
лир. Олар чалыша ве агъырдан йырмамакъталар.

Тюшмей эльден сайтамыз,
Баарь ве кузь ах-ах...
Бизлер кетен токъуймыз,
Гедже-кунъдюз ах-ах...

Пенджеремиз тарачыкъ,
Кунеш кирмей ах-ах...
Эм чалардыкъ, эм солдыкъ,
Къыркъкъа кельмей ах-ах...

Софада Аджиамет байнен Алибаба пейда олурлар. Йыр кет-
тикче тынып, байнен Алибабанынъ лакъырдылары юкселир.

А л и б а б а.

(байны кулип йырлар)

Кунеш гулип гизленмиш
Къыр артына эй-ей-ей,
Бай баласы ирмемиш
Мурадына эй-ей-ей...

Б а й.

Алибаба,
Ичмек сизге ярашмай,
Мыскъыл десенъ
Ич де сизге якъышмай.
Сёз къуш дегиль,
Учар, къайтарамъзсынъ.
Эгер буны халкъ эшитсе,
Башынъны къуртарамъзсынъ.

А л и б а б а.

Хайыр, хайыр Аджиамет бай,
Бу къурунтыйы
Менден гъайры кимсе бильмез.

(Озь башына).

Бу иштен
Огъул, баба
Ич биринъиз хайыр корьмез.

Б а й.

Нечюн бильмем
Шу тиленджи Абий къарт
Инатлана,
Бай огълунынъ къудасыны къайтара.
Бу корюльген шеймидир?
Алтмышыны яшады,
Лякин кене мен байнынъ
Ким экенин анъламады.
Бала ёллап чагъырттым,
Бакъайыкъ, не айтаджакъ.
Эгер бу да олмаса,
Ишлер санъа къаладжакъ.

А л и б а б а.

Эмин ол ки сен байым,
Бу иште бен устайым.

Б а й.

Бакъ,
Эр шей гизли тутулсын.
Бизим огълан дуймасын.
Келинини огъул сонъ корер,
Бир къач кунъден сонъ къавушыр.

А л и б а б а.

О вакъыткъадже
Байнынъ озю сефа сюрер,
Ха-ха-ха!..

Б а й.

Сус, келелер!

Ичери А д ж и а м е т байнынъ ыргъаты келип *ичеро.*

Кене кельдинъми?
Сёйле дердинъни!

Ы р г ъ а т.

Кельдим байым,
Не япайым. Риджа этем,
Эсабымны кесинъиз.
Бала-чагъам бир афтадыр
Отъмек-шорба коръмейлер.
Риджа этем
Къазанчымны беринъиз.

Б а й.

Эй юзсиз,
Безмединъми «къазанчым» деп юрмектен?
Не битмеген къазанчтыр,
Эр кунъ шуны
Вазгечмейсинъ тилемектен.

Ы р г ъ а т.

Нечюн байым вазгечейим,
Сизге ишлеп кимден тилейим?

Б а й.

Алла-алла, не анкъавсынъ,
Санки яш бир баласынъ.
Эсап этип бакъайыкъ,
Тийгенини алырсынъ.
Элли беш кунъ джума эди,
Йылда-учъ кунъ байрам.
Урбанъ, ашынъ эм де сувынъ
Менден эди,
Азмы этер эсапласанъ?

Ы р г ъ а т.

Этме байым,
Бошлукъ недир мен бильмедим.
Джумалары агъач кестим, сув кетирдим,
Байрамлары
Мен балларым коръмедим.
Ашым эди къаткъан локъма,

Урбам эди эски сокъма.
Бутюн йылчюн
Чарыкъ ичюн дегди манъа
Ольген атнынъ эки парча териси.
Ичмек ичюн берген сувынъ,
Эй байым,
Одыр алла бергиси.
Сонъ, байым, сёйле,
Аладжагъым не әте?

Б а й.

Аш-сувуны эсап әтмей,
Эки чувал чавдар берсем оламы?

Ы р г ь а т.

Шакъамы бу не байым?

Б а й.

Чокъ биле.

Ы р г ь а т.

Мен бир шей анъламайым...

Б а й.

Айды бар ал, боша мени!

Ы р г ь а т.

Байым, аджы мени,
Бала-чагъам бунъа бакъа.
Гедже-кунъдюз ич токътамай
Бир сенедир чалыштым,
Дегиль шакъа.

Б а й.

Эм аш бер,
Эм сёз эшит.
Деф ол сасыкъ тиленджи!

(сабыры тюкенин).

Акъкымы бер
Къан ичиджи!

Б а й.

Бу да не?..
Сёз къайтарасынъмы?
Эй, Къарали,
Сен мындасынъмы?

К ъ а р а л и к е л и п к и р е р .

К ъ а р а л и.

Буюр байым,
Не япайым?

Б а й.

Бу тиленджи копекке
Пайыны бер.

К ъ а р а л и.

Элли къамчы етерми?

Б а й.

Етер...

Бектемир келип кирер.

Бектемир.

А-а,
Мында кене байрам бармы?
Эллер бошкѳа кѳашынмагѳан.
Кѳарали,
Чум чубугѳы бармы?

Эллерини тиреп, Къаралинен ыргъатнынъ пешинден чыкъар.

Б а й.

(Иддетленип).

Бакъ сен онъа,
Сёз къайтарал
Айды, алырсынъ акъкъынъы;
Къарали урса тери сыдыра.
Буларны баштан чыкъаргъан,
Биз мусульманларны
Ачлар-токълар деп айыргъан,
Байгъа къаршы айкъыргъан,
Эбет, эбет,
Ыргъат Асан.
Чареси ёкъмы Алибаба
Сен оны да
Орталыкътан джыйыштырсанъ?

А л и б а б а.

Бейнинъ сёзю —
Эмирдир.
Бу иш беним ичюн
Зор дейильдир.

Азбарда къады пейда олур. Аджиамет байнен Алибаба
софадан чыкъып, оны къаршылап алырлар.

К ъ а д ы.

Селяму алейкум,
Мусульманлар!

А л и б а б а.

Алейкум селям!

Б а й.

Хош кельдинъиз,
Сагъ-селяметсизми?

К ъ а д ы.

Сагъ олунъыз.
Озюнъиз амансызмы?

Б а й.

Алланынъ ирадесинен,
Сизнинъ дуанъызнен
Сагъ-селямет яшаймыз.
Бизге байлыкъ берген танърыгъа
Саба-акъшам дуаджымыз.

К ъ а д ы.

Дуа этмек мусульманнынъ борджыдыр,
Фаний дюнья омюри
Онъа хызмет этмектир.

Б а й.

Мен де севап къазанмакъчюн
Ята-къалкъа, дуа эгем.

(Магъазны косътерип).

Иште, он беш оксюз къызны
Севип-сайып осьтюрем.

(Софагъа догърулыр).

Буюр, буюр, къады эфенди,
Эвим сизге мухтаждыр.
Къаве ичип, ашым ашап,
Бугунъ мени къувандыр.

А л и б а б а чыкъып кетер. Аджнамет байнен къады софада ерле-
шип, озъ башларында лаф этерлер. Бу арада магъазнынъ къапысы
ачылып, ондан акъ чырайлы, солгъун юзлю бир къыз чыкъар.
О къуюгъа барып, сув чекер ве тельмирип ичер. Элинде къамчысы
Бектемир оннынъ япында пейда олур.

Б е к т е м и р.

Дакъкъа сайын
Не маразнынъ сувудыр?

Ёкъса ичинъ къурудымы?
Тенбелликке урдынъмы?
Хатиринъ къалмасын,
Ма, санъа да бир къамчы!

(Урар, итеп мағъазыға кирсетир).

Къ а д ы.

Йигит яш,
Бабасы ерине
Олур о да бир баш.

Б а й.

Демек оламы, эльбет де олур.
Алтынъға бермем огълумы.
Сонъ, къады эфенди,
Сенет азырмы?

Къ а д ы.

Азырдыр, азырдыр.
Мен беллесем Аджиамет бай
Эйлик төлевде
Джумерттир.

Б а й.

Эйлигинъиз ичюн
Төлевиме эмин олунъ.

Къ а д ы.

Айтынъ, сенети джойылгъаны
Беллими?

Б а й.

Эбет, джойылгъан,
Абий къарт оны
Къазанен якъкъан.

К ъ а д ы.

Бойле олгъаны даа яхшы.

Б а й.

Ана келе
Къарт тиленджи.

А б и й къарт кирер. Эллерини къавуштырып, софа алдында токъталыр.

А б и й.

Селям алейкум!
Сизлер мени чагъырткъансыз.

Б а й.

Эбет, чагъырттым.
Санъа хабер айтайым:
Ярын багъдан чыкъ!

А б и й.

Нечюн байым?

Б а й.

Нечюн экен!
Бу да насыл суаль?
Къанунсыз багъ — мулък сайылмаз.
Сенети олмагъан
Эбет де онъа
Саиб оламаз.

А б и й.

Этме байым, ялварам,
Бу акъ иши дегильдир.
Шу багъчыкънынъ
Таш-тамырлы къыртышы
Бу къолларнен ишленгендир.

Этме байым, эйлеме,
Онынъ эр бир кутюгини
Козъ яшымнен осьтюрдим,
Тырнакъларнен къазып-асрап
Махсулыны энди корьдим.

К ъ а д ы.

(Ялма сенетни косътерип).

Иште, ресмий шеадет,
Этмелимиз онъа урьмет.
Ярын къартым багъдан чыкъ,
Чюнки о багъ акъ ёлунен
Олды байгъа эманет.

А б и й.

(Тааджип ве теляшта къалгъан бир алда тиз чёкип).

Эй танърым, сёйле,
Бу не хорлукътыр?
Сёйле,
Бу не зулумдыр?
Сёйле,
Бунъа сабырлар етерми?
Сёйле,
Бу акъсызлыкъ,
Бу яманлыкъ
Даа чокъ девам этерми?...

Б а й.

Эй, къарт тиленджи,
Аджиамет байгъа
Къаршы чыкътынъмы?
Къуда къайтардынъмы?
Айды, бар чекиш,
Чыкъсын джаньшъ.

А б и й.

Бу кьолларнен кьазылгъан
О топракълар
Козюнъе толсун!
Эр буртюги устюнъе
Савулмаз кьотур олып тѣкюльсин...

Ерге йыкълып окюрип агълар. Магъаздаки ыргъат кьызларнынъ
йырлары эп юкселир.

Кетенимиз агъарыр
Ювгъан сайын ах-ах..
Бель агъыра отурып-
Тургъан сайын ах-ах...

Кетенимиз узана
Бойдан-бойгъа ах-ах..
Шеньленмедик бир кунъчюк
Барып тойгъа ах-ах...

ПЕРДЕ ЭНЕР

Алтынджы лева

Сана: чешме башы. Вакъыт — акъшам кунеш кьонгъаң сонъ. Этраф-
ны къаравлап, ичери А л и б а б а кирер.

А л и б а б а.

Мал сатылды,
Пул алынды,
Энди бир иш кълды.
Не де иш я!
Бу иштен сонъ
Къайыкъ бурулыр Къаршуя.

Сызгъырыр. Къайыкъчы тюрклер чапып кирерлер.

Куреклер чивлере гечтими?
Къайыкъ денъизе азирми?

1-н д ж и т ю р к.

Азирдир, азир, Алибаба,
Тез олунъ дёнелим Къаршуя!

А л и б а б а.

Елькени рузгяра чевиринъ,
Ленгери къайыгъа чекинь!

2-н д ж и т ю р к.

Чекериз, чекер, Алибаба,
Тез олунъ дёнелим Къаршуя!

А л и б а б а.

Ушаклар,
Тюркиеде шу къызнынъ
Чекиси алтын!
Бакъ, эльден къачмасын,
Сизе эдие ададым.
Айды, азир турынь,
Ич кимсе дуймасын.

Т ю р к л е р.

Джан къурбан санъа,
Алибаба!

Тюрклер чыкъарлар. Чокъ кечмеден Бектемир келип кирер.

А л и б а б а.

Гельдинъми, Бектемир бей..
Черенъ сарармыш,
Къашларынь тююльмиш,
Козылеринъ агъармыш,
Санъа не олды?

Б е к т е м и р.

Алибаба, кечкен кунъ
Сен манъа гонъюль берген эдинъ,

Арзы кызыны
Сенинъ ичюн хырсызларым, деген эдинъ.
Беклей-беклей джаным чыкъты.
Сонъра насыл, умют бармы?

А л и б а б а.

Сейле ушак,
Джепте пулынъ вармы?
Б е к т е м и р.
Арзыны кетирген параны алыр.

А л и б а б а.

Хайр, ушак,
Пешин верен
Дюдюги чалыр.

Б е к т е м и р.

(озъ башына).

Парадан не сыкълет?
Сагъ олсун бабам.
Бабам койнинъ байы экеч.
Ич битмез парам.

(Алибабагъа).

Иште бир кисе алтын,
Ишимизге огъурлыкъ истейим.
Бугунъ гедже Арзыны
Мен тешекте беклейим.

А л и б а б а.

(кисени алып).

Кет, ушак, беклеп тур,
Къыз сенинъкидир.

(Бектемир чыкѣар).
Ха-ха-ха!..
Сен бебейи беклеп тур..
Ха-ха-ха!..
Денъизден сонъ Тюркиедир.

Омузларында чапа ве куреклери иштен къайтаткъан дёрт-беш яш
чешме башында пейда олурлар.

А л и.

Койимизнинъ шербет киби сувлары бар!

В е л и.

Койимизде макъталаджакъ тек бир сувмы?

А л и.

Эбет, койимизнинъ макъталаджакъ
Сурет киби къызлары бар.

(Кулерлер).

В е л и.

Билесизми, йигитлер,
Аджиамет бай Абий къартны
Къадыгъа чеккен.

Я ш л а р.

Сонъ, сонъ...

В е л и.

Къабар бери,
Къадыны ишке еккен.
«Арзы къызы
Огълума бермединъ», деп,
Абий къартнынъ къыр багъыны
Кендисине мал эткен...

(Тышган къызларнынъ йыр сеслери эшитилир).

А л и.

Къызлар келе, йигитлер!
Келинъ,
Шакъа этип гизленейик,
Корьмесинлер.

Гизленирлер. Эллеринде сув савутлары учъ къыз йырлап ичери кирерлер.

Къ ы з л а р.

Эки дюльбер сувгъа кетер,
Сувны ташлап сейран этер.
Экиси бир къавиль этер,
Менми гузель, сенми гузель.

Л е й л я.

(Оиден кеткен къызларгъа ишарет этип).

Ёлджы агъам ёлунъ айыр,
Атынъ башын бизге къайыр.
Экимизден бирин айыр:
Къызмы гузель, келинми гузель?

З е й н е п.

Мен ёлджыйым, ёлдан дёнмем,
Ашыкъым, къоркъмам олюмден;
Экинъизни сарайым бирден,
Къыз да гузель, келин де гузель.

Йыр битер-битмез яшлар гизленген ерлеринден чыкъарлар. Къызлар деръал юзлерини ортерлер.

А л и.

Ай къызлар,
Йырынъыз гузель,
Озюнъиз даа да гузельсинъиз!

В е л и.

Акъикъатен,
«Къыз да гузель, келин де гузель».

А л и.

Ёкъ,
Келинчекнинъ ёсмасыны
Бермем къызгъа.

Л е й л я.

Ой да берир эдинъ амма,
Бакъкъан ёкъ да санъа...

В е л и.

Бакъ оларгъа,
Агъыз биле ачырмайлар,
Ине киби санчыйлар.

А с а н н е н А р и ф п е й д а о л у р л а р .

А р и ф .

А, къызлар,
Достларыньыз къайдалар?

Л е й л я.

Келелер.

(Кулип).

Айшенъ де келе.
Арзы да келе...

А р и ф .

Гуллер гузель ола амма,
Тикени бар.
Сен де гузельсинъ амма,
Зеэрли тильчигинъ бар.

(Умумий кулькю).

А р з ы, А й ш е в е даа бир къач къыз келип кирерлер. Ичеридеки
къызларгъа къошулып, озъ аралары пышылдашырлар.

А л и.

Къызлар!

З е й н е п.

Сонъ, не бар?

А л и.

Бу дюнъяда биз де бармыз.

З е й н е п.

Сонъ, не олгъан?

А л и.

Сёзюнъиз недир,
Бизге де айтынъыз.

З е й н е п.

Бельки сырдыр,
О айтылмаз.

А л и.

Ах сени ярамаз.

А й ш е.

Етер энди,
Шакъанъызны ташланъыз.

А р и ф.

Айды, къызлар,
Бир йырчыкъ багъышланъыз.
Риджамыз бар, анъланъыз.

Э п и с и.

Айдынъыз, башладыкъ!
Бир корюльсе къалыр изи,

Сувдан келир Арзы кызы.
Ой-ой-ой, Мисхор кызы,
Янаклары кып-кырмызы.

Сув ичинде бар ялдызы,
Сандым оны танъ йылдызы.
Ой-ой-ой, Мисхор кызы,
Янаклары кып-кырмызы.

Багъчаларда нар будагъы,
Арзы кызынынъ бал дудагъы.
Ой-ой-ой, Мисхор кызы,
Янаклары кып-кырмызы.

Авасы эп сиярыр. Узакълардан кок гурюльтилери эшитилер, яшы
яшнар.

А р з ы.

Кок гудюрдей,
Ягъмур ягъаджакъ.
Айдынъыз, кызлар,
Кечикмейик.

З е й н е п.

Догъру, кызлар,
Кетейик!

А р и ф.

Бизим Арзы
Кунъ кьондымы эвге кирер.

Кулькю. Бирден яшын яшнап, башлары устюнде шатырдынен кок
гудюрдер. Ягъмур сепелемеге башлар.

А й ш е.

Кетмек керек,
Сыланырмыз.

З е й н е п.

Дере тюссе
Кечалмамыз.

Къызлар ве яшлар чыкъарлар. Энъ сонъунда Арзы къалыр. Гугю-
мини толдырмакъ ичюн чешмеге эгилер.

А с а н.

Арзы!
Чокъ вакъытлар
Арзум олып яшасанъ да,
«Севем» сёзюн айталмадым.
Сени джаным, мелек санып,
Къавушмакъны
Акългъа да алмадым.
Лякин, джаным,
Козълеринъде
Корьдим умют нурлары,
Онынъ ичюн догъды менде
Севги, къуванч
Эм де ишанч дуйгъулары.
Арзы!
Янъылсам, багъышла,
Ишанч олса ал гонълюми:
Сейле, ярын къуда ёлласам
Бош чыкъмазмы умютим?

А р з ы.

(утана-утана).

Ёлла, Асан...

А с а н.

(Арзынынъ пармагъына юзюк кечирип).

Юзюк алдым, ал гузелим,
Элинъе ярашыкъ.
Узеринде яздырдым
«Мен санъа ашыкъ».
Мен янынъда олмагъанда
Олсун санъа эглендже.

А р з ы.

Кет, дживаным, корьмесинлер
Бизге нишан бергендже.

А с а н.

Арзу гулюм, савлыкънен къал,
Сени янъгъыз къалдырам,
Бизге бакъып сейир эткен
Булутларгъа ишанам.

Асан Арзыгъа бакъа-бакъа чыкъып кетер. Арзы гугюмини толдырмакъ ичюн текрар эгилир. Бу вакъыт чешме устюндеки къаялар арасындан Алибаба башыны котерип, ашагъы бакъар. Сонъ, сызгъырыр. Дёрт-беш къайыкъчы Арзыны къапышлап алып агъызыны къанатып, денъиз бетке алып кетерлер. Яшын, кок гюдюрдиси эп артар. Рузгярнен бирге кучлю ягъмур ягъмагъа башлар.

К ъ у д д у с.

(Теляшнен багъырып, чешме янында пейда олур).

Арзы аптемни чалдылар!
Арзы аптемни чалдылар!..

А с а н.

(Къайтып келир).

Не бар? Не олды?
Къыяметми къопты?..

К ъ у д д у с.

Арзы аптемни чалдылар...

А с а н.

Кимлер?

К ъ у д д у с.

Алибаба... къайыкъчылар...

А с а н.

Ах айдутлар, джанаварлар!..
Къуддус,

Тез койге чап,
Ярдымгъа кельсинлер.

А с а н денъиз бетке чапып кетер. К ъ у д д у с кычырып-багъырып
кой тарафкъа бурулып.

К ъ у д д у с.

Къуртарынъыз. Арзы аптемни чалдылар!..
Имдат, имдат, Арзы аптемни чалдылар!..

Эки тарафтан эки яш чапып кирер ве къаршылашырлар.

1- н д ж и я ш.

Эшиттинъми.
Арзы чалынгъан?..

2- н д ж и я ш.

Арзы?..
Эй, мында келинъиз!
Ялыгъа,
Ярдымгъа етип келинъиз!..

Чыкъарлар. Бираздан Абий къарт ве Рейан апте чешме огюнден
кечерлер.

А б и й.

Къызым, къызчыгъым...
Арзым, балачыгъым...

Р е й а н.

Къызым, къызчыгъым,
Бир данем, эвлятчыгъым...

ПЕРДЕ ЭНЕР

Единджи лева

Сапа: биринджи левада олгъаны киби. Вакъыт — танъ мааллери.
Кок юзю ачылгъан. Догъаяткъан кунешнинъ ильк нурлары денъиз
устюнде узанмакъта. Шашкъын ве кедерли бир алда ичери Б е к т е -
м и р келип кирер.

Бектемир.

Пара да кетти, кыыз да кетти.

(Кулюмсирен).

Паранъ олсун,
Бу дюньяда кызымы аз?

(Келеяткѣан койлюерни корип).

Чалт кѣачмалы,
Мында кѣалсам ярамаз...

Чыкѣар. Эллеринде кѣязыкъ ве сопалары, чапа ве лескерлери олгѣан койлюер озѣ аралары ачувлы-ачувлы лаф этерек ве кяде бир денъизге айланып бакѣаракъ, ичери келип кирерлер. Мейдан-лыкѣта токѣталырлар. Бираздан, юзю ве урбалары кѣангѣа былангѣан Асан, эссиз Арзыны кѣучагѣына алгѣаны алда, мейдангѣа келип кирер. Онынъ артындан Абий кѣарт, Рейан апте ве яшлар пейда олурлар.

Рейан апте.

(такѣмакѣлап).

Ах кѣызым, кѣызчыгѣым,
Арзычыгѣым, джанчыгѣым...
Сенинъ кольгенъ — меним рухум,
Сенинъ озюнъ — меним омрюм...
Сен тенимнинъ бир парчасы,
Бар дюньяда бир кѣуванчым.
Сенсиз манѣа кунеш кульмей,
Сенсиз дюнья кѣаранлыкѣ.
Сенсиз бир ан яшав биле
Меним ичюн мезарлыкѣ...

Абий.

Ах кѣызым, кѣызчыгѣым,
Арзычыгѣым, кѣуванчым...
Санѣа токѣуугѣан душман кѣолу
Кѣурып таш олып тюшсин...
Сагѣсынѣмы, кѣызым?

Ач козюнъни,
Биз къартларнынъ ал гонълюни.

А р з ы.

(Яваштан кзыбырданып, козълерини ачар).

Асан сагъмы?..
О мындамы?..

Асан Арзынынъ манълайындан опер. Абий къарт Рейан аптеге бир кзызыл явлыкъ узатыр. Рейан апте Асаннынъ дагъылгъан сачларыны топлап, онынъ къанлы башына явлыкъ багълар.

1- н д ж и к ъ а д ы н.

Бу не джеза,
Бу не зулум...

2- н д ж и к ъ а д ы н.

Факъыр ичюн омюр дегиль
Къара олюм...

1- н д ж и к о й л ю.

Кой байы,
Молласы
Хорлай бизни.

2- н д ж и к о й л ю.

Бу дюньяда кхайгъыргъан ёкъ
Факъыр-фукъарени.

3- н д ж и к о й л ю.

Сонъки къапым отъмегинъни
Агъызындан алалар,
Козьбебеги эвлядынъы
Эвинъден чалалар.

А с а н.

Топракъ чокъ —
Халкъ «топракъ!» деп джан бере;
Сув чокъ,—
Халкъ «сув. сув!» деп чекише;
Отъмеги ёкъ,
Баласы «отъмек» деп яш тёке;
Ёкълукъ. ёкъсузлыкъ саргъан,
Факъыр-ыргъат
Къан-теринен джан чекише.
Лякин, достлар,
Келир куню
Акъикъат енъер.
Келир куню
Факъыргъа да кунеш кулер!


Х о р.

Тёпемизде ал кунеш,
Нуры бизни иситмей.
Биз чалыша-асраймыз,
Сефа сюре мырза-бей.
Келир куню
Ер титретип гурьлер атеш,
Келир куню
Факъыргъа да кулер кунеш.

Озен толу сув келе,
Сувы бизден алынган,
«Топракъ» деп халкъ джан бере,
Топракъ байнынъ танылган.
Келир куню
Ер титретип гурьлер атеш,
Келир куню
Факъыргъа да кулер кунеш.

ПЕРДЕ ЭНЕР

1938 с.



ДУБАРАЛЫ ТОЙ

Учъ пердели музыкалы комедия

ИШТИРАК ЭТКЕНЛЕР

А д ж и а м е т б а й — Къарт бир адам.

Н и я р — Онынъ кызы.

Ф е р и ш т е — Эсли бир къадын. Аджининъ хызметчиси.

Х а с а п А с а н — Къарт бир адам. Кой байы.

Ч о м е з — Яш бала. Хасап Асаннынъ азбар хызметчиси.

Къ а р а с а н — Эсли бир адам. Дайфа башы.

А б и ж — Онынъ огълу.

А й г у л ь — Онынъ кызы.

К о й м о л л а с ы .

Я р д ы м д ж ы р о л л е р д е : м у с а ф и р л е р в е ч а л г ы д ж ы л а р

БИРИНДЖИ ПЕРДЕ

К о р ю н и ш: къаршыда эки къатлы эв. Эвнинъ этрафы багъчалыкъ.
Баарь. Танъ маали.

Узакътан эшитилген йыр давушы эп санагъа якъынлашыр.

Сув акъар тыныкъ-тыныкъ,
Банъа тюшти бир яныкъ.
Эр кес татлы юкъуда,
Бен кезерим уяныкъ...

Санада А б и ж пейда олып, экинджи къаттаки пенджеренинъ огюнде
токъталыр. О гъаает гъамлы.

А б и ж. (*музыка фонында*),

Танъ атты, танъ мелеги,
Уян энди, уян!
Асрет олдым, инан,—
Къальбим атеш, янам,
Корьмей кетип олмам,—
Уян энди, уян!..

(*Беклер. Сонъ, девам этип*).

Пенджеренъден бакъ, ярем,
Яныгъымы ал, ярем,
Танъ нурунен алланып,
Такъдиримни айт, ярем.

Пенджеренинъ нагъышлы орътюси чекилип, анда Н и я р корюлир.

Нияр! Сени телюкеде къалдырсам да, бу мукъаддес пенджереге кельмей оламадым. Танъ аткъандже шу ерде сени беклеп турдым. Бу эвде, бу ханеде сен барсынъ деп, теселли алдым. Багъышла мени, гузелим, акъылым барма десе де, юрегим сёз динълемеди.

Н и я р. Сабыр эт, азизим, куню келир... Бабамнынъ аякъларына тюшип ялвармакъ истейим. Бу куньгедже ич бир арзумны ред этмеди. Бельки... Тузуны-отъмегини ашадым, босагъамыздан атлагъанда бабамнынъ лянетини эшитмек истемейим.

А б и ж. Нияр! Мераметсиз юрек дертли юреки анълармы? Сен севги дердинен козьаш тѣккенде, онынъ юреги буз кесилир. Чингенедир, къара суектир деп, мени ашалар...

Н и я р. Тѣметленме, азизим, бельки бахтымыз юер... Иш зоргъа къалса мени бу диварлар да, авам халкънынъ эмиш-демишлери де тутamaz. Эмин ол, азизим, эр кимнинъ кок юзюнде бир йылдызы олгъаны киби, меним де ер юзюнде бир севимлим бар, о да сенсинъ!

(Бу сѣзлерден эджанлангъан Абиж тургъан еринден секирип, пенджереге атылып чыкъар, Ниярнынъ пармагъына юзюк кечирир).

А б и ж. Ал, гузелим, юрегинъде севги нуры олдыкъча бу юзюк севгимизге шаатлыкъ этип, пармагъынъда йылтырап турсын.

Н и я р в е А б и ж (йырлап).

Кокте йылдыз, ерде биз,
Севдалыкътыр дердимиз.
Аизарлар чекемиз,
Ёкътыр башкъа чаремиз.
Ачыл дерья, кечейик,
Акъ ялыгъа етейик.
Севгимизни айбетлеп,
Бахт шербетин ичейик...

Аятта А д ж и а м е т бай пейда олур.

Н и я р. Бир сеслер эшитиле, бабам олмасын... (Абижге явлыкъ узатып). Ал, азизим, мен янынъда олмагъанда бу явлыкъ санъа мени анъдырсын. (Козьден чекилир).

А д ж и. Танъ маалинде бу насыл бир мыш-мыштыр? Хырсыз олмасын. (Азбаргъа чыкъар. Пенджерсден секирип тюшкен Абижни эслер. Озь-озюне). Бакъ сен, бу къара шейтан кене кельген. Яхшылыкънен аягъыны кесмейджек гъалиба. (Багъырып). Эй, джемаат! Эвиме хырсыз тюшти, ярдымгъа этип келинъиз!

А б и ж. Шамата къопарма, Аджи баба, мен хырсыз дегилим.

А д ж и. Хырсыз олмасанъ бу эвде не ишинъ бар? Явлыкъны къайдан алдынъ?

А б и ж. Явлыкъны манъа бахшыш бердилер.

А д ж и. (багъырып). Эй, джемаат!..

А б и ж. (элинен онынъ агъызыны къапатып). Ялварам, ботен ерде шамата къопарманъыз. Мен Ниярнен корюшмеге кельдим, чюнки мен оны, о да мени севе. Бу явлыкъ онынъ бахшышыдыр.

А д ж и. (озъ башына). Тёметлерим догъру чыкъты.. (Абижге). Чингене огълу бай къызына севда олгъан! Ха-ха-ха!.. Меним къызым Чолпан йылдызыдыр, узат эли-нъи, онъа етерми?

А б и ж. Элим етмесе, юрегим етти.

А д ж и. Юрек экен! Чингенеден юрек къайдан кельсин? Бакъ онынъ лафына... Сен не, Аджиамет бай къара суюкке къыз берир беллединъми?

А б и ж. Бермесенъ, алып къачарым.

А д ж и. (абдырар. Озъ башына). Япар, не десенъ япар. (Абижге). Йигит экенсинъ, къардашым, эшиттим, эльнен борю тута экенсинъ. Машалланъ бар. Амма тап бу къадар ахмакъ олгъанынъы бильмей эдим.

А б и ж. Не демек истейсинъ, Аджи баба?

А д ж и. Не дейим санъа, меним эрке къызым сени де «севем» деп къутурткъан. Былтыр бир бай огълу онынъ пенджереси тюбюнде беш ай кукареклеп юрди.

А б и ж. Сонъ?

А д ж и. Сонъу не олсун, куле-куле тойгъан сонъ, бай огълуны къувып йиберди. Оюнджакъ этип энди сени, чингене огълуны тапкъан. Аферин къызыма! Ха-ха-ха!

А б и ж. Кульме байым, чингене де инсандыр.

А д ж и. Айткъаныма инанмайсынъмы? Олмаса, бир къач кунъден никях дуасына буюр. Анда киев баланы да корерсинъ.

А б и ж. Киев?!..

А д ж и. Ёкъса сен озюнъни киев сандынъмы? Ха-ха-ха!.. Эм ойле-бойле киев дегиль, эльнен арслан туткъан бир йигит.

А б и ж. Алла ашкъына, ялварам санъа Аджи баба, керчегини сёйле: бу айткъанларынъ догърумы?

А д ж и. Алла-алла, чингенеден де гъурур ола экен де! Бабанънынъ демир тезьясыны, тери корюгини, ананънынъ фал ташларыны берип, Аджиамет байнынъ къызыны аладжакъ олдынъмы? Эль-алем масхарасы олмаздан эвель бу азбардан аякъларынъны авуштыр. Бир даа кольгенъни биле коръмейим.

А б и ж (озь башында). Меним эшиткенлерим не-
дир?. Десене... (Аджиге). Сен ялан айтасынъ, Аджиамет
бай!

А д ж и. Не, ялан айтасынъ дединъми?..

А б и ж. Эбет, ялан айтасынъ дедим! Нияр гуль киби
тазе, къар киби темиз, меляике киби гуняхсыз бир ин-
сандыр.

А д ж и. Онда сенинъ ишинъ олмасын. Къыз меним —
мал меним, кимге истесем, онъа сатарым. Джойыл мын-
дан!

А б и ж (башыны салындырып, йырлап, азбардан
чыкъар).

Атам манъа бир ал олды,
Янды юрек, кебап олды.
Оны анъып ах дедикче,
Акъ джигерим ал къан олды...

Айтынъ манъа тувгъанларым,
Айтынъ манъа мен нейлейим.
Юрегими от къаплады,
Янды, янды, куль олды...

А д ж и (бир озю). Асрадым-осътирдим дегенде чин-
генеден муштериси тапылды. Джаным-джаным бай огъул-
лары тургъанда, гонълюни бу арамзадеге берген. Алып да
къачар. Дуракъсыз бу мельунларны къайдан барып та-
парсынъ? Пишкен армут теректен озю тюше экен. Энди
не япмалы? Бу армутны кимге сатмалы?

Ойнап-йырлап ичери Айгуль келип кирер.

А й г у л ь.

Къалайлы къазан ичинде къаз баласы,
Къызыны баштан чыкъаргъан озь бабасы.

Белинъе къушакъ яптырдым, чевресн сырма,
Анавгъа-мыनावгъа козь этип, бойнумы урма...

А д ж и. Иште, бу етмеген эди.

А й г у л ь Аджи баба, яныгъынъыз бар гъалиба, бир
фал бакъайымчы. (Фалташларынсн ойнап). Бир аттым —

нал чыкъты, бир аттым — тай чыкъты, бир даа аттым — чатал къашлы, къара мыйыкълы киев чыкъты. Къызынъызгъа олса керек. Къуда бекленъиз, Аджи баба.

А д ж и (ачувисн). Къуданы агъанъ йибереджекми?

А й г у л ь. Агъам олса — не олгъан?

А д ж и. Мына не олгъан... (Ураджакъ олып чапкылыр).

А й г у л ь. (къачып). Аджи баба, унутманъыз, мен фалда янъылмайым, айткъаным оладжакъ! (Чыкъар).

А д ж и. Не десенъ олур.. Давранмакъ керек. (Къычырып). Эй-й, Чомез, мында кельчи?

Чомез всней-эсней ичери келип кирер.

Чомез. Айтынъ, байым, не буюрасынъыз?

А д ж и. Але даа юкълай эдинъми?

Чомез. Ёкъ, байым, юкълamay эдим... Тюш коре эдим.

А д ж и. Я тюшюнъде не корьдинъ?

Чомез. Юкълaгъанымны корьдим. (Экиси де кулер).

А д ж и. Байынъ эвдеми?

Чомез. Эвдедир.

А д ж и. Не япа?

Чомез. Не япсын, чекише заваллы.

А д ж и. Хасталандымы ёкъса?

Чомез. Хасталыкъ чарпсын оны. Ашнен чекише. Сабадан уйлегедже отъмекнен эт ашай, уйледен акъшамгъадже этнен отъмек ашай, акъшамлары да этнен отъмекни къарыштырып ашай. Кене де олса шишман къурсагъыны толдырамай.

А д ж и (сертийип). Сус, джинасир бала, онынъ къурсагъында сенинъ ишинъ олмасын. Бай олгъан сонъ ашайджакъ эбет. Бар айт, бизге джума къавесине буюрсын.

Чомез (чыкып). Къаведен онъа не файда...

А д ж и (бир озю). Бу шишман эриф эвге кельгенде Нияр онынънен шакълалаша тургъан, Бельки... Тъфу! Башы — ат башына, къурсагъы да ичли сыгъыргъа ошай. Тёвбе, мен не айттым шу!.. Онынъ кимге ошагъаны меним не ишим? (Аяткъа кирер, къычырып). Нияр, къызым, мында кель... Я раббим, ишими онъ кетир, къызымы озюм киби бай адамнынъ эвинде корейим.

Н и я р (кѡркѡа-пыса ичери кирер). Саба шерифлер хайырлы олсун, баба!

А д ж и. Айтчы, бугунь саба башта кимнен хайырлаштынъ? Сустынъмы? Айды, яшлыкъта олуджы шейдир. Амма бу сонъкиси олсун. Корюле, кѡфестен учурылмагъа вакъытынъ кельди. Лякин барып да бу кѡфеснинъ кѡпысыны озъ элинънен ачаджакъ олма, элинъни кѡыра-рым. Анавыны... Хасап Асанны чагъырттым. Келип кѡал-са, онъа хошкельди айт, ал-хатирини сора. Айды, бар, озъ ишинъни бакъ. (Нияр кери чыкъар). Лякин бу кѡарт пе-зевенк кѡызымнынъ кѡадрини билер экенми? Маймунгъа гуль такъаджакъ олам... Э-э, Аджиамет бай, кевшеме, «ма» деменгендже, «ал» деген де тапылмай. Онда исе сюрю-сюрю кѡойлар, сыгъырлар, джылкѡылар... Денъизде кѡум, онда мал. Кѡызымны эвлендирген сонъ буларнынъ эписи яваш-яваш меним олур. (Копек урер). Келе гѡалиба. Эй, Фериште!

Ф е р и ш т е (кирип). Не айтасынъ, байым?

А д ж и. Копек урей, эшитмединъми?

Ф е р и ш т е. Эшиткенде не олгъан?

А д ж и. Я бизим копенкинъ ялынъыз Хасап Асангъа ургенини бильмейсинъми? Оджакътаки кѡазанны эвге кирсет, ондан башкѡа озюмиз ач кѡалырмыз.

Ф е р и ш т е (джильвеленип). Байым, анавы лафны Асангъа айгырсынъмы?

А д ж и. О да насыл лафтыр?

Ф е р и ш т е. Сени Хасап Асангъа кѡоджагъа бе-ририм, деген эдинъ.

А д ж и. Туллыкътан бездинъми?

Ф е р и ш т е. Бездим, бездим, Аджи баба, кѡуртар мени бу белядан.

А д ж и. Хасап Асан тул кѡадынларны бегенмей. Кѡыз аладжакъ экен.

Ф е р и ш т е. Алла алсын оны... (Агъламсырап). Ке-не туллыкъ, кене бекярлыкъ... Анам мени кѡысметсиз догъургъан...

Ф е р и ш т е чыкъар. Азбарда Хасап Асаннен Чомез пейда олур-лар. Чомезнинъ элинде зембиль.

А с а н. Чомез!

Ч о м е з. Айт, байым.

Асан. Бурнунъа эт кьокъусы урмадымы?

Чомез. Урмады, байым.

Асан. Бурнунъ кьурусун. Кьокъу алмагъан бурунны ташып юрмектен не файда? Менимки эки верстлик ерден кьокъу ала. (*Бурнуны чекип*). Бу эвде кьуйрукъ майына кьозу эти къавургъанлар. (*Бир даа чекип*). Ичине арпачыкъ согъан догърагъанлар... Къазанлары къайда экен?.. Чомез, ач олдым, зембильден бир парча кьуйрукъ бер.

Чомез. Байым, ёл бою ашап кельгенинъ олмадымы?

Асан. Тойгъа барсапъ — тойып бар, дегенлер. Бу ачкозъ Аджи ашыны дегиль, бир ютум сувыны да бермез. (*Азбарда Фериштени корип къалыр. Шакъалашып*).

Геми келир учъ дане,
Устю толу кестане.
Дюнъя толу дюльбер олса,
Аладжакъым бир дане.

Фериште (*сертейип*).

Кет башымдан, окъталма,
Куле берип, токъталма.
Къыз аладжакъ олгъансынъ,
Не баш куттинъ, керата?..

Асан (*тааджипленип*). Э-э, шакъама да сюртмеди. Бу майда бир къыл бар амма, сонъу хайыр... (*Элиндеки кьуйрукъ парчасыны чайнай-чайнай аяткъа кирер*). Селям алейкум, кьомшу достым!

Аджи. Алейкум селям, хош кельдинъ. Тёрге буюр. Саглыкъ-селяметлик ериндеми, Асан бай?

Асан. Э-эй, Аджи, сен сорма да, мен айтмайым.

Аджи. Хайыр ола?

Асан. Хайыргъа дегиль гъалиба. Геджелери кьоркъунч тюшлер корип башладым.

Аджи. О да насыл тюштир?

Асан. Мисаль ичюн айткъанда, тюневин гедже тюшюмде кене ачыкъкъанымны корьдим. Согъумлыкъ бир кьой сойдым. Оны кьулагъындан кьуйругъынадже ашадым. Тоймадым. Бирини даа сойдым — кене олмады.

Сюрю-сюрю кьойларымы, сыгъырларымы сойып ашадым — бу да етмеди, кене ач кьалдым... Аджи, бойле тюшлерден кьуртулмакьнынъ чареси ёкьмы?

А д ж и. Бар! Эвленмек керек санъа. Чареси одырынынъ. Эвленсенъ, геджелери шерфенънен эгленирсинъ, тюш корьмеге вакъытынъ кьалмаз.

А с а н. Акъыллы адам экенсинъ, Аджи. Мен де ойле тюшюнем. Лякин, догърусыны айтсам, шу кьыскъа аякълылардан отюм патлайджакъ. Нечюн десенъиз, оларнынъ чокъусы обур ве джады экен. Алла косътермесин, барып да...

А д ж и. Я Нияр? Сенинъдже о да джадымы?

А с а н (аякълъа атылып турар). Тёвбе де, Аджи! Ондаи джады олурмы? Ондаки культе сачлар, эля козьлер, гуль янакълар, кьабарыкъ кокреклер, семиз балдырлар...

А д ж и. Олды, олды, кьарт зампара. Тап агъызынъ копюрди. Ниярны бегенесинъми ёкъса?

А с а н. Алла, алла, Аджи, ойле яш бир кьыз меним тишсиз агъызымнынъ къашыгъыдыр я! Отуз эки тишимден йигирми экисини арыкълъа ташладым. Тезден быламыкълъа кечеджем.

А д ж и. Быламыгъынъны ташла сен, Ниярны айт: бегенесинъми?

А с а н. Худжур лафлар этесинъ, Аджи, тезеликни ким бегенмез? Мисаль ичюн айткъанда, баарь кельдими, мен кьой этинден кьозу этине кечем, чюнки кьозу эти...

А д ж и. Бургъалама, мен Ниярны сораыйм.

А с а н (озъ башына). Не дейим экен? Бегенем десем мени сопалап айдамазмы? (Аджиге). Аджи, дердима согъан догърама. Онынъ адыны эшитсем юрегим чатыр-чутур алевлсене. (Багъырып). Олян, Чомез, тез ол, анавы кьопкъанынъ сувыны бер де, юрегимдеки алевни сёндирейим. (Ичер). Ой аңасыны, юрегимнинъ ягъы да ирип кетти. Чомез, зембильден аз бучукъ кьуйрукъ бер. (Къапынъыр).

А д ж и. Бакъ онъа, текмиль кьутурды. Я бойле бир кьызынъ сатып алмагъа акъчанъ етерми? Бильмиш ол, теразенинъ бир къапагъына Ниярны кьойсам, экинджисине алтын кьояджакъсынъ. Къапакълар бир кельсе, кьыз сенинъ, алтын меним. Насыл, бу алыш-веришке разысынъмы?

А с а н (текран аякълъа атылып турар). Аджи, керчегини айттынъмы? Алдамайсынъмы? Бельки шакъадыр?.. Ал, ал, малым да сенинъ олсун, мулькюм де манъа Нияр-

ны бер. (Чомез Хасап Асаннынъ кѳулагъына бир шейлер фысылдар). Не, паалы дейсинъми?.. Еке?.. Неге еке?..

А д ж и (Чомезге). Къана, къардашым, буюклернинъ лафына кѳошулма. Бойле шейге Асан байнынъ озъ акъылы да етер.

А с а н. Кет, къабакъбаш! Борджкъа акъыл алгъан адам дегилим. (Чомез азбаргъа чыкъар. Хасап Асан девам этип). Бер элинъни, Аджи, бугунъден сонъ сен манъа баба, мен де санъа огъул олайым.

А д ж и. Гевезеленме, Асан бай, манъа баба демессенъ де олур. Менден чокъ яш дегильсинъ. Озюнъни манъа дегиль, Нияргъа бегендир.

А с а н. Мен базардан мал сатып алгъанда, сыгъыр-дан: мени бегенесинъми, деп сорамайым. Мал сенинъки — пул менимки, амин! Анълаштыкъ гъалиба. Ойле олса, тур еринъден, бир яшлыкъта, бир къартлыкъта!

(Ойнап йырларлар).

Он секизге кельди яшым,
Севдагъа огърады башым.
О сенинъ мамур бакъышынъ,
Джианда булунмаз эшинъ.

Алтын фесинъ ян киерсинъ,
Севдалыгъым сен чекерсинъ.
Ай дюльбер къыз, вай дюльбер къыз,
Башыма да сен етерсинъ...

А д ж и. Алды, олды шуны, Асан бай. Ойнамагъа биле экенсинъ. Бельки йырламагъа да биледирсинъ? Дейджегим, бу къартлыгъынъа. санъа мытлакъа бираз яшармакъ керек. Сабалары къызнынъ пенджересине кель, чынъ айг, бейит ташла, озюнъни бегендир. Анавы чингенѳ огълу танъ атмаздан эвель кукареклеп башлай.

А с а н (теляш ичинде). Анавы эльнен борю туткъан йигитни айтасынъмы? Ниярны о да севеми?

А д ж и. Севмек дегиль. Нияргъа дели-диване олды. Къутурып юре.

А с а н (абдырап). А-а, ойлеми? Мени онъа пычакъсыз сойдырып, малларыма шорбаджы олмакъ истейсинъми? Ягъма ѳк! Къызынъ да, эвинъ де башынъдан артта

кѡалсын. (*Ерге чѣкип*). Оф, джаным кетти, тек бир те-
ним кѡалды. (*Багъырып*). Эй, Чомез, олеятырым, бир
парча кѡуйрукъ кетир!

А д ж и (*шашмалап*). Кѡыз севген адам чатал юрек
олур.

А с а н. Энди чаталы да сынды, тереги де. Манѡа
токѡунма. Аджи, хасапкѡа азырланѡан мал дегилим.
Кѡызынѡ да керекмей, озюнѡ де. (*Турып кетеджек олур*).

А д ж и. Токѡта шуны, башынѡы джойма. Бирер кѡаве
ичермиз, джума ашы ашармыз.

А с а н (*токѡталып*). Аш дейсинѡми, Аджи? Онѡа
кѡаршы дегилим. Тек кѡыз лафы олмасын.

А д ж и. Ниярнынѡ хошкельдисини эшитмей кѡайда
кетеджек оласынѡ? Джаны агъырыр.

А с а н. Мени корьмесе джаны агъырыр дейсинѡми,
Аджи? Яхшыгѡа бакѡмакъ козьге кѡарув, дегенлер. Ой
анасыны не япайым экен! Юрегим корьмеге истей, лякин
аякѡларым кѡач, деп зорлай. (*Багъырып*). Чомез, кѡапы-
да козь-кѡулакъ олып тур. Анавы чингене огѡлу кельсе,
«кѡаравул» кѡычырысынѡ. Пенджерен чыкѡып кѡача-
рым.

А д ж и (*кѡапыны аралыкъ этип*). Нияр, кѡызым,
мында кельчи! (*Асангѡа*). Агъызынѡны юм, тишлеринѡ-
ни корьмесин.

А с а н. Корьсе не олѡан? Ат алѡанда мен башта
тишлерини бакѡам.

Н и я р (*кирер*). Кельдим, баба, буюрынѡыз! (*Хасип*
Асаннынѡ диванелер киби бакѡкѡаныны корип, озюни
туталмаз ве кѡакѡылдап кулер).

А д ж и (*Асаннынѡ кѡулагѡына*). Дувадакъ киби су-
сып отурма, айт бир шейлер.

А с а н (*Нияргѡа*). Сен папийчигим, зурна чалмагѡа
билесинѡми?

Н и я р. Ёкъ, бильмейим.

А с а н. Вай-вай-вай, зурна чалмагѡа бильмеген адам
олурмы? Зурна дегенлери пек яхшы бир чалгъыдыр. Илле
десенѡ чобан авасына. (*Йырлап ойнар*).

Дириль-дириль кѡавалым,
Фетта меним чобаным.
Фетта кѡойгѡа не бармай,
Мачиклерни не бакѡмай...

Сонѡ, насыл, яхшымы?

Н и я р. Чокъ яхшы.

А с а н. Истесенъ, зурна чалмакъны санъа да огрете-йим.

Н и я р. Я озюнъиз билесизми?

А с а н. Зурна чарпсын мени. Даа элиме де алмадым. Лаф олсун деп айтам. Шакъа! Ха-ха-ха!..

А д ж и. Джошты пезевенк. (Нияргъа). Къызым, бизге бирер фильджан къаве кетир. (Нияр чыкъар. Асан козьлерини патлатып, онынъ артындан бакъып къалыр). Санъа не олды, акъылынъны Нияр алып кеттими?

А с а н (джесаретленип). Олды оладжакъ, къырылды баджакъ: бер элинъни алайым, бабачыгъым! Кель бетинъден опейим, бабачыгъым! (Четке). Амма да бабагъа раст-кельдим, эй! Денъизде къум, онда мал! Тезден бу Аджи де аякъларыны кокке тиклер, бутюн маллары манъа къалыр. (Аджиге). Кель козюнъден опейим, бабачыгъым!

А д ж и. Олды, олды шуны. Сипирке сакъалынънен бетими текмиль яра эттинъ. Я чингене огълундан къоркъ-майсынъмы?

А с а н. Мен... мен оны пычакъсыз соярым, парчала-рым, борю олып ашарым. Аджи, мендай арслан тургъанда, сен шейтандан да къоркъма.

Нияр къызынъ, мен огълунъ,
Кеч кошеге, кий тонунъ.
Ярын дегиль, мына бугунъ
Чалдыр бизге той-дюгюн!..

Азбарда шенъ-шерамет умумий оюн.

• ПВРДЕ ЭНЕР.

ЭКИНДЖИ ПЕРДЕ

Айны шу лева. Танъ маали.

А б и ж (терекке яслангъаны алда гъам-кедернен йыр-ламакъта).

Атам манъа бир ал олды,
Янды юрек, кебап олды.
Оны анъып ах дедикче,
Акъ джигерим ал къан олды.

Айтынъ манъа тувгъанларым,
Айтынъ манъа мен нейлейим.
Юрегими от къаплады,
Янды, янды, куль олды.

Олер эдим, эллер алыр,
Козюм кене онда къалыр.
Къалыр эдим, къавушалмам,
Дюнъя манъа арам олур.

Айтынъ манъа тувгъанларым,
Айтынъ манъа мен нейлейим.
Юрегими от къаплады,
Янды, янды, куль олды...

Азизим, пенджерен ден айырыламайым, янынъа да ба-
рамайым... Сенинъ байлыгъынъ, меним факъырлыгъым
арамызда юдже дагълар олып юксельди... Айт, гузелим,
бабанънынъ манъа дегенлери керчекми? Мени алдадынъ-
мы?..

Юрегими от къаплады,
Янды, янды, куль олды...

Айгуль (ичери чапып кирер). Акам, тез чалашкъа
барып етейик.

Абиж. Не иш?

Айгуль. Къудалыкъ.

Абиж. О да насыл къудалыкътыр?.. (Чыкъарлир.
Ичери Чомез келип кирер).

Чомез (артына айланып). Юр, байым, юр, къор-
къма.

Асан (кийинип-къушангъан бир алда ичери кирер).
Огден юр, Чомез.

Чомез. Огден нишанлы яшлар юрер.

Асан. О да акъыл! Сен аркъа тарафтан козь-къулакъ
ол, анавы къара шейтан келип къалмасын, экимизни де
пычакъсыз сояр.

Чомез. Байым, оны пычакъсыз сояджакъ сен дегиль
эдинъми?

Асан. О лаф эди, Чомез. Шимди исе юрегим думп-
думп, думп-думп ура. Бер бир парча къуйрукъ, озюме ке-
лейим. (Ашанып, Ниярнынъ пенджереси огюне келип
токъталыр. Чомезге). Айды, йырла!

Чомез. Йырны нишанлы яшлар айтыр.

Асан. О да акъыл! Неден башлайым экен? «Домпылдай»ны айтайыммы?

Чомез. О да насыл шейдир?

Асан. Бильмейсинъми? Олмаса, огренип къал (йырлар).

Къарасувнынъ дёрт кошеси,
Май бардагъы домпылдай.
Озю де адам бегенмей,
Чанакъ-чельмек домпылдай...

Насыл, бегендинъми?

Чомез. Кечмез, байым.

Асан. Кечмез дейсинъми? Я «Къара тавукъ» кечерми? Оны да бильмейсинъми? Сапсем джайль экенсинъ де. Динъле!

Къара тавукъ къакъ-къакъ этер,
Къанатлары шакъ-шакъ этер...

Чомез (оны болип). Етти, етти, байым. Мында май бардагъы да, къара тавукъ да кечмез. Севги йыры йырламакъ керек.

Асан. Севги йыры дейсинъми? Ойлесини бильмейим. Озюнъ йырла. Бугунъ сесим де яхшы чыкъмай, богъазымы май басты гъалиба. Чомез, билесинъми не япайыкъ? Кель, севги йырыны ортакълашып айтайыкъ. Сен мынавы мети ичине кир де, бар сесинънен багъырып йырла, мен де пенджереге бакъып дудакъларымы ойнатайым. Насыл, бу акъыл ишими?

Чомез. Акъыл иши, байым. Бойле йыр айтмакъ даа ич бир ахмакънынъ акъылына кельмегендир.

Асан. Кельмез эбет, оны мен озюм тюшюнип таптым. Э-эй, Чомез, меним башым акъыл хазинесидир амма, анахтарыны джойгъаным, тапамайым. Айды, кир метиге.

Чомез (мети ичинден йырлап).

Азбарында акъ тана да, вай-вай-вай!
Къызым бар деп макътана да, вай-вай-вай!
Макътанса да ери бар да, вай-вай-вай!
Янагъында бенъи бар да, вай-вай-вай!..

Н и я р (пенджеренден башыны чыкъарып). Багъчада
бульбуль оте гъалиба.

А с а н. Бульбуль дегенинъ меним о, папийчигим.
(Тиз чёкип).

Сен меним султанымсынъ, джанымсынъ,
Шекеримсинъ, балымсынъ...

Н и я р (кулип). Сен де меним султанымсынъ...

А с а н. Оф, оф!

Н и я р. Шекеримсинъ, балымсынъ!

А с а н. Оф, оф, оф! Ириди юрегимнинъ ягъы. (Мс-
тини таякълап). Олян, Чомез, тез ол, бир парча къуйрукъ
бер!

Ч о м е з. Адымны айтма, мен мында ёкъым.

А с а н. Эбет, эбет, Чомез, сен метиде ёкъсынъ.

Н и я р. Мени ташлап кимнен лаф этесинъ, Асан эм-
дже?

А с а н (озъ башына). Пахыллады. Кунъджи экен.
(Нияргъа). Сен меним султанымсынъ, джанымсынъ...

Н и я р (оны болип). Асан эмдже, оны эшиттим, энди
янъы бир шей айт.

А с а н (озъ башына). Даа не айтайым экен? (Метиге
этилип). Сен не дейсинъ, Чомез?.. Къычырып айт, джина-
сир, эшитмейим. Олды, олды, анъладым. (Нияргъа).
Баарь! Тереклерде къашкъырлар йырлай, ахырларда...
бульбуллер айкъыра! Ох, бу не аджайип гузелликтир!

Н и я р (озюни кульгиден зорнен тыйып). Асан эм-
дже, бир йырчыкъ даа айтчы!

А с а н. Манъа коре не, истесенъ акъшамгъадже йыр-
лайым. (Метиге бакъып). Чомез, башла! (Озю дудакъ-
ларыны ойнатыр, тамагъыны къырар, оксюрир, лякин ме-
тиден сес эшитильмез. Озъ башына). Джинасир бала мети
ичинде богъулып къалды не мараз...

Н и я р. Сизге не олды: тилинъиз тутулдымы, богъа-
зынъыз къурудымы?

А с а н. Ай гузель къыз, санъа бакъкъан адамнынъ
тили тутулмазмы, богъазы къурумазмы? Ягъламагъа аз
бучукъ къуйрукъ олса экен...

Ч о м е з (метиден башыны чыкъарып, Ниярнен козь
этишкен сонъ, апансыздан йырламагъа башлар. Йыргъа
джошкъан Хасап Асан оюн тёшер).

Пенджеренден акъ кыыз къарай, вай-вай-вай!
Акъ кыыз къара сачын тарай, вай-вай-вай!
Шу акъ кызыны алып эдим, вай-вай-вай!
Эвге алып барыр эдим, вай-вай-вай!..

А д ж и (софада пейда олур. Динъленип тургъан сонъ). Анавы чингене огълу кене кельди гъалиба. Баре онъа ойле бир сопа чекейим ки, мени омюрбилля унутмасын. (Яваштан якълашып, таягъыны Хасап Асаннынъ омузына яндырыр). Мына санъа кыыз ичюн! Мына санъа севгенинъ ичюн! Мына санъа...

А с а н. Имдат, имдат, ольдюрелер!.. (Аджини эслеп). Аджи баба, мени нечюн котеклейсинъ?

А д ж и. Асан бай, сенсинъми шу? Тьфу! Мен сени анавы чингене огълу белледим.

А с а н. Омузыма таякъ тюшкенде мен де сени одыр белледим.

А д ж и. Айды, бугуннинъ къазасы бунынънен кечсин.

А с а н. Кечсе яхшы амма, омуз кемигим чиль-парча олды гъалиба. Сесимни бегендинъми, Аджи баба?

Ч о м е з (метиден чыкъып, джылмайып). Байым, даа йырлайджаммы?

А с а н. Бакъ сен масхарагъа, «даа йырлайджаммы» экен! Йырласам — мен йырладым, я сен не форса сата-сынъ? Мен йырлагъанда дудакъ ойнатып тургъан байгъуш сен дегиль эдинъми? Деф ол башымдан, артыкъ керек-мейсинъ.

Ч о м е з чыкъар. Терек артында Айгуль пейда олур. Динъленир. Сонъ, о да чыкъар.

А д ж и. Лаф этмеге тиль таптынъмы?

А с а н. Я меним тилиме не олгъан? Кызыны корьгенде беш суем даа узанды.

А д ж и. Аранъызда не лаф олды?

А с а н. Эки севда арасында не лаф ола билир? Севги лафы эбет. «Сени эр гедже тюшюмде корем», дей. «Юрегимнинъ анахтарыны тек санъа ишанам, ач да, онынъ ичине кир», дей. Сапсем къара севда олгъан.

Аджи. Тилинъ беш суем дегиль, он суем узангъан.

А с а н. Узаныр я! Севдалыкъ къолай шейми? «Тез-

ден той япып, мени озь эвинъе тюшир, сенсиз яшамагъа сабыр-меджалым къалмады», дей.

А д ж и (джылмайып). Къандырдынъ гъалиба...

А с а н. Къыз къандырмасы манъа коре не? Истессм, хан къызы да аякъларымда тиз чёкер.

А д ж и. Къой, къой шуны, Асан бай, текмилъ дадыны къачырдынъ. Юр эвге кирейик де, нишан тою меселесини анълашайыкъ.

Эвге кирерлер. Ичериде Чомез ве элинде таягъы, аркъасында торбасы олгъан, эски бир джуббе япынгъан, шал орътюнген Айгуль пейда олурлар.

Айгуль. Эшиттим, Чомез, даа шимди эр шейни озь къулакъларымнен эшиттим. Агъамнынъ иши олмайджакъ гъалиба.

Чомез. Айгуль апте, ялварам сизге, дсгенимни япынъыз. Бундан сонъ Хасап Асан Нияр аптемнинъ адыны тилине биле алмаз. Джады олмагъа билесизми?

Айгуль. Джады? Билем эбет.

Джады, джады, джап-джады,
Къайда онынъ эджады?
Бири обюр, бири къотур,
Бири окъур, бири сокъур,
Бешинджиси кетен токъур.
Бабалары Канджалос,
Давулджыдыр, давулджы.
Аналары Панджалос,
Оюнджыдыр, оюнджы...

(«Давул оюны». Айгуль ве Чомез ойнарлар).

Чомез. Чокъ яхшы, Айгуль апте! Энди Асан байнынъ эвден чыкъмасыны беклейик.

Азбарнынъ экинджи тарафына кечерлер. Эвден Нияр чыкъар. Пармагъындаки юзюкке бакъып, терен хаялларгъа далар.

Нияр. Азизим, къайда кеттинъ, кельмез олдынъ... (йырлар).

Коктен учкъан бир къуш эдим,
Агъ иле туттынъ мени.

Юрегинъе къонгъан эдим,
Не ушкюттинъ яр мени.

Сен кеткен сонъ къанат сынды,
Зиндан чёкти, учалмайым.
Санъа гонъюль берген эдим,
Дердинъден вазгечалмайым.

Кель ал мени, ал дживаным,
Эллер алыр, хор олмайым.
Санъа бакъып къуванч ичкен
Омюрлик ярень мен олайым...

Гъамлы бир алда терекке ясланыр. Ичери Айгуль къайтып кирер.

Айгуль (башлыгъыны котерип). Гузель къыз, санъа не олды, неге мугъайдынъ?

Нияр (онынъ дюльберлигинден айретте къалып). Ай къыз, сен инмисинъ-джынмысынъ, ёкъса коктен энген йылдызмысынъ?

Айгуль. Ин дегилим, джын дегилим, чёльде оськсен бир къызым.

Нияр. Чёльде?

Айгуль. Айса сен не беллединъ? Гузель гуллер тек бай азбарларында дегиль, къулан чёллерде де оселер. Бизлер сербест учкъан къушлармыз.

Нияр. Ай къыз, сен не айтмакъ истединъ?

Айгуль. Сени аджыйым, гузель къыз, сен бай адамнынъ бульбулисинъ.

Нияр. Байлыкъ — хорлыкъмы?

Айгуль. Алтын къафестеки бульбульге бакъ: о хор дегильми? Ашы да бар, сувы да бар, амма сербестлиги ёкъ... Не ойландынъ, гузель къыз?

Нияр. Сен догърусыны айттынъ: къафестеки къушларнынъ юреги дертлидир.

Айгуль. Дердинънинъ дерманы даа деми пенджерень огюнде эди.

Нияр. Ай къыз, мени кулесинъми?

Айгуль. Ёкъ, керчегини айтам. Сёз кесильди, энди никях дуанъыз окъуладжакъ.

Нияр (шакъылдап кулер). Ай къыз, бунъа инандынъмы? Эписи бабамнынъ шакъасы. Мени эглендирмек

ичюн япа. Бугунъ тап пенджеререгѣ йиберди. Сонъ онъа ой-
ле бир сопа чекти ки, коръмелисинъ.

Айгуль. Кульме къыз, бабанъ сени шу шишмангъа
сатаджакъ. Даа шимди эвге кирдилер, два кунюни анъ-
лашаджакълар.

Нияр (*айретте къалып*). Деме?!.. Десене бабам мс-
ни шу бешаретнинъ къучагъына ташлар... Асла инанаджа-
гъым кельмей.

Айгуль. Мени динъле, гузель къыз, никяхтан сонъ
къаравул къычырсанъ да файда бермез.

Нияр. Ай къыз, сен не ишнен кельдинъ?

Айгуль. Санъа ярдымгъа кельдим.

Нияр. Сен кимсинъ?

Айгуль. Мен Абижнинъ къардашы олам.

Нияр (*джошып*). Абижнинъ?!.. О къайдадыр, нечюн
кельмей? Екъса бир шей олдымы?.. Ай къыз, неге сус-
тынъ? Сени о ёлладымы?

Айгуль. Екъ, озюм кельдим. Санъа сёзюм бар.

Нияр. Айт, джаным, къулагъым сендедир.

Аятта Аджиамет байнен Хасап Асан пейда олулар.

Айгуль. Аनावы шишман шимди бу ерге келир.
Шакъалашып, онъа козь юмдыр. (*Айгуль терек артынди
гузленир*).

Аджи. Демек, келиштик: огюмиздеки джума куню
нишан тою.

Асан. Бер элинъи Аджи баба: мал сени — къыз мени!
(*Аджи эвине къайтып кирер. Хасап Асан Нияргъа догъ-
рулыр*). Папийчигим мени беклей. Сагъынса керек. Севги
чокъ лезетли бир шей экен. (*Нияргъа*). Айт, папийчигим,
дюньяда энъ лезетли шей недир?

Нияр (*гонъюльсизликнен*). Бильмейим.

Асан. Бильмесенъ, огренип къал: дюньяда энъ ле-
зетли шей къозу къуйругъыдыр. Амма мен сени къуйрукъ-
тан да зияде севем. Эгильт башынъы, къулагъынъа къу-
ванчлы бир шей даа айтайым: джума куню нишан тоюмыз
оладжакъ!

Нияр (*айретленип*). Нишан?!..

Асан (*озь башына*). Къуванчындан тап козьлери
яшланды. (*Нияргъа*). Эбет, нишан! Тезден эки башны
бир ястыкъкъа къояр да, хур-хур юкълармыз. (*Шакъала-
шып*).

Чонтукъ тонынъ чырмачы, кадай,
Бойнунъы бурып турмачы, кадай,
Бойнунъы бурып яр севсенъ, кадай,
Олмаз онынъ къуванчы, кадай.

¹ Н и я р (сѣнюк бир давушнен). Сизге сѣзюм бар, ко-
зюнъизни юмунъыз.

А с а н (озъ башына). Севем, дейджектир, айтмагъа
утана... Оф, меним де юрек ягъларым ирип кетти. (*Дже-
бинден бир шейлер чыкъарып къапыныр*). Мен озюмнинъ
тап бу къадар дюльбер олгъанымны бильмей эдим. (*Ни-
яргъа*). Айт, Лейлям, Меджнунынъ сенинъ огюнъде тиз
чѣкмеге де азырдыр! (*Тиз чѣкер*).

Н и я р. Козюнъизни юмунъыз, къулагъынъызгъа
айтаджам.

А с а н. Мына, юмдым, энди оны кельпеденнен де ача-
мазлар. (Нияр терек артына чекилir. Онынъ ерине
Айгуль кечер).

А й г у л ь. Мени севесинъми?

А с а н. Ниярымсынъ — джанымсынъ,
Шекеримсинъ — балымсынъ...

А й г у л ь. Я меним джын къызы олгъанымдан ха-
беринъ бармы?

А с а н (*абдырап козьлерини ачар*). Джын?!..

А й г у л ь. Папийчигинъни танымдынъмы?

А с а н. Я Нияр къайда?.. Сен Ниярсынъмы?.. Бакъ
онъа, козь юмып-ачкъандже озю де денъишкен, урбасы
да...

А й г у л ь. Истесенъ, мына шимди йылангъа чевири-
лип, бойнунъа сарылайым.

А с а н. Ёкъ, ёкъ, керекмей, алла разы олсун... Манъа
не ола шу? (*Козьлерини окъалап, Айгульге бакъар*).
Джын! Валлай, бу къыз джындыр!.. (*Ерге юварланып*).
Имдат, имдат! Къуртарынъыз!..

А й г у л ь. Яваш ол, акъайчыгъым, ёкъса этне этер
де, сени уфачыкъ бир сычангъа чевиририм.

А с а н. Ойле адетинъ де бармы? Ой, ольдим, сап-
сем ольдим.

А й г у л ь. Ольмей тур, акъайчыгъым, джума куню
никяхымыз къыйыладжакъ.

А с а н (*агъламсырап*). Эй я-раббим, элли йыл бой-
дакъ юрдим, ашым-сувым майнен бал эди. Элли йыл даа
бекяр къалсам олмайдими? (*Айгульге*). Нияр, къардаш-

чыгъым, сен яш бир кыызсынъ, ялварам санъа боша якъамны. Башында сач, агъызында тиш къалмагъан бир къарттан санъа акъай олурмы? Бар, кыысметинъни башкъасындан ара.

Айгуль (*энкъастан агъламсырап*). Мени, джын кыызыны, сен алмасанъ даа ким алыр? Сен киби мен де бойдакъ къалайыммы? Ягъма ёкъ, кыысметим сен экенсинъ, мени сен аладжакъсынъ! (*Онынъ бойнуна сарылыр*).

Асан. Эллеринъи чек, джинасир! Керекмейсинъ. Эвленмезден эвель айырылам. Санъа учъ талакъ олсун!

Айгуль (*таягъыны котерип*). Талакъмы — таякъмы? Ёкъ, менден ойле къолай къуртуламазсынъ. Мени я озюнь ал, я да чингене огълуна эвлendir.

Асан. Чокъ яхшы, чокъ яхшы, башынъ-аягъынънен чингененъки ол. Алла хайырлы этсин. Тоюнъызгъа бир къочкъар алып барырым. Пек мунасиписинъиз: къуту юварланды — къапагъыны булды.

Айгуль. Ёкъ, бабам джиезсиз киевге кыыз бермез. Мен кене сенинъ башынъда къалырым.

Асан (*озъ башына*). Эй аллайым, не эттим де, мени бу джын-шейтан белясына огъраттынъ!.. (*Айгульгс*). Нияр, кызым, къулынъ-къурбанынъ олайым, айт, сенден насыл къуртулайым?

Айгуль. Менден къуртулмакъ истесенъ, джиезсиз киевинъ джиезини сен берирсинъ.

Асан. Беририм, беририм, тек джаныма токъунма. Беш-он йылчыкъ даа аман-эсен яшамакъ истейим.

Айгуль. Бир шартым даа бар: мени ташлап, Аджи бабанынъ хызметчиси Фериште алагъа эвленирсинъ.

Асан. Ёкъ, ёкъ, осы да керекмей, бусы да. Къадынлардан икра кельдим. Омюрбилля эвленмейджем.

Айгуль. Инатланма, Хасап Асан. Оны къадын этип алмасанъ, йылан олып эвинъе кирер де, джанынъы алырым.

Асан. Коръдинъми беляны, биринден къуртулдым дегенде, экинджисине тутулдым. Айтчы, о да джады дегилим?

Айгуль. Джады чарпсын оны. Ахмакълардан джады олмай. Бугунъ акъшам онен корюш де, той акъкъында лаф этишъиз. Анъладынъмы?

Асан. Анъладым амма, аз-чокъ ондан да къоркъам. Бельжи...

Айгуль. Анълагъан олсанъ, бугунъден сонъ бу азбардан аягъынъы кес. Сени мында Абиж коръмесин, джанынъы богъазынъдан тартып алыр.

Асан. Алыр, мытлакъа алыр. Пычакъсыз сояр...

Айгуль. Ана, озю де келе.

Айгуль чыкъар. Хасап Асан теляш ичинде къалыр.

Асан. Келе? Мында келеми? Энди мен не япайым?.. Ольдим, сапсем ольдим де анайчыгъым!.. (Чекменинен башыны орьтип, ерге чёкер. Тыштан чалгъы давушлары эшитилр. Чекменини аралыкъ этип). Ай-ойым кетип, тек бир вай-вайым къалды. Штаным да дымланды гъалиба... Джаным, манъа не ола шу? Бельки бутюн бу шейлер тюшюмдедир. (Элини тишлеп бакъар). Ой! Тюшюмде дегиль, эсимде экен.

Ичери Чомез келип къалыр.

Чомез. Байым, не къычырдынъ, балкъурт тишледими?

Асан (тааджипнен Чомезге бакъып). Олян, сенсиинъми? Агъызынъ чарыкъ къадар ачылгъан да? Я буруны? Дерсинъ арман къазыгъы... Джынлар чарпты ёкъса?.. Чалгъы чала гъалиба... Орта ерден бу насыл бир шейдир? Ахыр заманда эджуз-меджузлер чалгъы чалдырып келеджек, дей эдилер. Энди келелер ёкъса... Бу азбардан зувмалы!

Къачып кетер.

Чомез. Заваллы байым! Аз бучукъ акъылынъ бар эди, энди ондан да къуру къалдынъ. Сонъу хайыр!

Куле-куле Ниярнен Айгуль келип кирерлер.

Нияр. Ай къыз, сенинъ айнеджилигинъден айретте къалдым.

Айгуль. Я бизим элимизде даа не бар? Мал берип джан алмакъ истегенлернинъ акъкъындан мына бойле келемиз.

Чомез. Асан бай хасталанып къалмаса экен. Онсыз

бутюн ишимиз бозулыр. Айгуль апте, юрюнъ, къудаларны кършылап алайыкъ.

Айгуль. Гузель кыыз, сен Фериште енгени манъа косътерирсинъ. Онынънен мен озюм лаф этерим.

Нияр ве Айгульнен Чомез тараф-тараф олып чыкъарлар. Чапмакътан нефеси тыйылгъан ве усть-башы тобангъа боналгъан Хасап Асан керн кърыйтып келир.

Асан. Келелер, къуйрукълы, бойнузлы эджуз-меджузлер келелер. Эвиме барып етмедим, огюме чыкътылар. Тобан черенине сокъуладжакъ олдым, аякъларым тышта къалды. Коръдилер гъалиба. Келип тутсалар кърыйтыкълап ольдюрирлер. Энди кърыйда сакъланайым?.. (Копек ювасына догърулып). Бу копекнинъ эви бош дегильми экен. Фишт-фишт! Пошол, пошол ондан! Шукюрлер олсун, копек мусафирликке кеткен. (Ювагъа сокъулыр). Ярынгъа-дже бир хайыр...

Чалгъы чалдырып, ичери Къарасан, Абиж, Айгуль, Чомез ве башкъалары келип кирерлер.

Хор.

Ай ярыкъ геджеси байрамдыр бизге, асабам,
Башкъа зийнет керекмей омрюмизге, асабам.
Салтанатсыз, талийсиз, темельсиз чалаш, асабам.,
Беш кунъ ялан дюньяда не керек талаш, асабам.
Бизге ёлны косътерген Джетемен йылдыз, асабам,
Шерьят-закон бильмеймиз, шам ёлу тюм-тюз, асабам.

Аджи (аяткъа атылып чыкъар). Бакъ сен, бу къара шейтанлар дайфаларынен джыйылып кельгенлер. Эй, чингенелер, эль азбарында не ишинъиз бар?

Къарасан. Чалгъы чалдырып, къудалыкъкъа кельдик, Аджи баба. Адетимиз ойле.

Аджи. О да насыл къудалыкъкытыр?

Къарасан. Къызынъызны огълума истемеге кельдим, Аджи баба.

Аджи, Алла-алла, чингене, огълунъ киби озюнъ де пек ахмакъ экенсинъ. Байнен чингененинъ къуда олмасы кърыйда корюльген бир шейдир?

Къарасан. Чингене олса — не олгъан? Меним огълумнынъ кимден эскиклиги бар? Сыкъса — таштан сув

чыкъарыр, окъ атса — учкъан къушны урып тюшюрир, авгъа чыкъса — эльнен борю тутар.

А д ж и. Ёкъ, чингене, баба-эджадымнынъ коръмеген шейини айтып баш кутъме. Мал — меним, кыыз — меним, кимге истесем онъа сатарым.

(Айгуль бабасынен къулакълашыр).

Къ а р а с а н. Сатаджакъ олсанъ, фиятыны айт.

А д ж и. Бир чёкючнен бир корюк! Ха-ха-ха!.. Айды, олды энди, бойле шейининъ лафы арам. Чингенеге кызыны бай адам дегиль, джарты татар да бермез. Тез азбарымдан джоюлынъыз. Меним кызым пейлидир. Джума купю коймизининъ энъ бай йигитине нишанладжакъ.

А б и ж. Я о йигит кимдир?

А д ж и. Ким олсун, йигитлер йигити — Хасап Асан!

А с а н (башыны ювадан чыкъарып). Аджи, ялан айт-ма, гуняхтыр. Мен эвленмейджем. Вазгечтим. Бойдакъ къаладжам.

А д ж и (шашып-шашмалап). Асан киев, сен ювада не япасынъ? Чыкъ ондан. Сёз кесильген сонъ ойле шей айтылырмы?

А с а н. Сёз дегиль, башымны кессенъ де кызынъны алмайджам. Бугунъден сонъ огълунъ да дегилим, киевинъ де, vessелям!

А д ж и (ачувланып). А-а, ойле дейсинъми? Къана, бир даа сыфатынъы корейимчи! (Оны ювадан тартып чыкъарып). Сабалары кызымнынъ пенджереси огюнде кукареклеген чал хораз сен дегиль эдинъми? Акъ сакъалынънен аягъыма тюшип, кызынъны бер бабачыгъым, деп ялваргъанынъны унуттынъмы?

А с а н. Унуттым, сапсем унуттым. Эвленмезден эвель кызынъа учъ талакъ айттым.

А д ж и. Тез ол, тевбе-истагъфирулла окъу, талагъынъны кери ал, керата!

А с а н. Алмайым, учъ талакъкъа экисини даа къошам. Ётерми? Сен, Аджи, башкъа адам тапмасанъ, кызынъны эйиси мынавы йигитке бер. (А б и ж г е). Къардашым, бу тильки сакъал Аджининъ айткъанларына инанма, яланджынынъ биридир, арамызда кыыз лафы олмады. Ялварам санъа, о кызыны сен ал. Джынлыдыр, деп къоркъма. Аджи эвинде джынлы кыыз къайдан кельсин.

А д ж и (озь башына). Не айта шу тентек? О да на-
сыл джындыр?..

А с а н (Абижге). Ал, къардашым, мыглакъа ал. Ой-
ле дюльберни дюнья кыдырсанъ да тапамазсынъ. Джие-
зини де, тойлугъыны да мен тёлерим.

Къ а р а с а н (Аджиге). Эшиттинъми, байым, огълум-
нынъ джиезлиги де, тойлугъы да бар. Энди айт, сонъки
сёзюнъ не оладжакъ?

А д ж и. Азбарыма арабанен алтын тёлтирсенъ де
чингенеге кыыз бермем.

А с а н. Аджиге, эсинъи башынъа топла, муштери тап-
къанда сат йибер. Валлай, сонъундан пешман этерсинъ.

Къ а р а с а н (Абижге). Янма, къаарленме, огълум.
Яхшылыкънен олмады, яманлыкънен олур. Эй, Борахай!
Чокъмарынъны салмакълап, давулгъа яндыр! Эй, Чора-
хай! Боразанны кычырт, къайткъанымызны тап чалашта
эшитсинлер!

«Къалайлы къазан». Хор ве оюн Чингенелер ойнап ве йырлап сана-
дан чыкъарлар. Хасап Асан да оларгъа къошуладжакъ олур.

А д ж и онынъ якъасындан къапышлап). Токъта,
киев, санъа лафым бар. Юр, эвге кирейик.

А с а н (озь башына). Кызы киби, бу да джынлы гъа-
либа. Эвге кирсетсе я богъар, я да куйругъыма джынлы
кызыны такъар. (Аджиге). Этме, эйлеме Аджиге, бу дар
дюньяда бир джаным бар, оны озюме къалдыр.

А д ж и. Манъа сенинъ сасыкъ джанынъ дегиль, озюнъ
керексинъ.

А с а н. Я раббим, сен къртуртар мени бу джын-шейтан
алеминден.

А д ж и. Юр, юр, шимди санъа джыныны да, шей-
таныны да косьтерим.

А с а н. Керекмей, Аджиге, энди эписини озь козьлерим-
нен корьдим.

А д ж и Хасап Асанынъ эвге чеккелеп кирсетир. Сукюнет. Эв
ичинден шатырды-гудюрдилер эшитилир. Аяткъа Фериште аты-
лып чыкъар.

Ф е р и ш т е (яшлы козьлерини силип). Аджиге, баба
текмиль къртурды. Асанчыгъымы котеклеп ольдюрмесе

экен. Ойледир о... Талий сени! Йигирми йыл кѳоджасыз кѳалып, ляйыгъымы бекледим. Ляйыгъымы таптым дегенде, Аджи баба ёлумы кести. Лячаре, бу дюнъядан кѳоджасыз кетеджем...

Айгульнен Нияр келип кирерлер.

Нияр (*Айгульге*). Фериште алам мына бу кѳадындыр.

Айгуль. Фериште енге, якъын келинъ.

Фериште. Ёкъ, кѳызым, мен энди фалджыларгѳа инанмайым. Омюрбилля тул кѳаладжагъымны озюм де билем.

Айгуль. Башкѳа лаф бар.

Фериште (*якъын келип*). Айт корейим, насыл лафтыр.

Айгуль. Енге, Хасап Асангѳа акъайгѳа чыкъмагѳа разысынъмы?

Фериште. Акъыз, сен де меним юрегиме бибер сепмечи! Олды энди. Бир адамым бар эди, оны да элимден тутып алдылар.

Айгуль. Енге, Нияр Хасап Асандан вазгечти.

Фериште. Догърумы, кѳызым?

Нияр. Догъру, ала, оны сизге ляйыкъ коръдим.

Фериште. Ах, кѳызчыгъым, сен вазгечтинъ амма, Аджи баба вазгечмеди. Анда Асанчыгъымнынъ джаныны алаятыр.

Айгуль. Биз онынъ да чаресини таптыкъ. Юринъ, айтыр-анълатырмыз.

Козьден чекилрлер. Эвден Хасап Асан чыкѳар.

Асан. Аджетим бар, тышкѳа чыкѳып келейим, деп, зорнен кѳуртулдым. Энди мени тапса алсын! Кѳуюгѳа тюшип гизленеджем. Чомез ашны кѳуюгѳа кѳопкъанен тюшюр. Кѳуюдан шу джынлы кѳыз эрге тийген сонъ чыкѳарым. (*Теляшланып*). Биревлер келе амма... Анавы Абиж дегенлери олмасын... Кечип кетсин хайырсыз. (*Терек янында чѳекип, башыны чекменинен орътер*).

Чомез. (*кирип*). Байым, сагѳа не олды? Кулюк тавукълар киби йымыртагѳа отурдынъмы?

Асан. Мен — мен дегилим.

Чомез. Ана санъа бир шей даа! Байым, отъмек опе-
йим, сен — сенсинъ, мен де — меним!

Асан. Масал окъума, джинасир бала, мен — мен де-
гилим.

Чомез. Коръдинъми беляны ,энди озюни де таны-
май. Токъта сен, байым, санъа ким олгъанынъны шимди
хатырлатырым. (Асангъа). Байым, ачыкъмадынъмы, бир
парча къуйрукъ къапасынъмы?

Асан (чекмен къыйыгъындан бакъып). Чомез, сен-
синъми? Озюнге чокъ ошамайсынъ амма... Яхшы бакъ,
къуйрукъ деп башкъа бир шей къаптырма. (Ашан). Не
исе, ичиме джаным кельди. Энди бу эвден зувайыкъ, Чо-
мез. Мени йипнен къуюгъа эндирирсинъ. Анда гизлене-
джем.

Чомез. Байым, къуюгъа тюшмезден эвель бир иш
даа бар.

Асан. О да насыл иштир?

Чомез. Сени Фериште енге сорады.

Асан. Ана, о етмеген эди. Таз чыбан устюнде тазе
къотур. Чомез, къана, табанларынъы майла, зувамыз!
(Онъ тарафкъа чапкъылыр. Къаршысына башлыгъыны
орытунген Айгуль чыкъар).

Айгуль. Сёзюнге турмайсынъмы, Хасап Асан?

(Сол тарафкъа бурулыр. Къаршысына Фериште чыкъар).

Фериште. Менден къачасынъмы, Хасап Асан?

Асан (озь башына). Мени кене плен алдылар. Бу
кересинде эки тарафтан. Бу джынлы Нияр мени эвлендир-
мей башымы бошамайджакъ. Айды, турупкъа коре, хыяр-
гъа шукюр. Фериштени ёкълайым. (Фериштеге). Ой, ха-
ным джан! Джаным джан! Фериште джан!..

Фериште (опькенен). Джанынъ чыкъкъбай эди. Бир
джан экиге болюнirmi?

Асан. Зору билир, Фериште джан. Экиге дегиль,
алып да къачарлар.

(Йыр ве оюн. Фериште ве Хасап Асан, Айгуль ве Чо-
мез чифте-чифте олып, ойнар ве йырларлар).

Асан. Сен сорадынъ, мен кельдим,
Джаным-козюм Фериште.

Х о р

Сенинъ союнъ-сопунъа
Мен олайым энъиште.

Ф е р и ш т е

Алам дединъ, ёкъ дединъ,
Чокъ баш куттинъ, Асаным.

Х о р

Акъай олсанъ, ал да къач,
Кечикирсинъ, Асаным

А с а н

Кель алайым, сарайым,
Аткъа къойып къачайым.

Х о р

Бай артымдан къычырса,
Башын-козюн парлайым.

Чалгъы ве йыр давушлары янъгырыр экен яваштан перде энер.

УЧЮНДЖИ ПЕРДЕ

Айны шу лева. Азбарда чёюн къазанларда аш пише. Адамлар
о якъ-бу якъ къатнаша ве йырлайлар.

Й ы р д ж ы

Эвлери бар сув башында,
Бенълери бар сол къашында.

Х о р

Айгиди аллы гузель,
Дудагъы баллы гузель,
Янагъы гуллю гузель.
Айгиди опла да кель,
Фистанынъ топла да кель,
Бир гедже ёкъла да кель.

Йырджы

Эвлерин огю мерса,
Мерсада гемилер турса.

Хор

Айгиди аллы гузель,
Дудагъы баллы гузель,
Янагъы гуллю гузель.
Айгиди опла да кель,
Фистанынъ топла да кель,
Бир гедже ёкъла да кель.

Йыр тынар. Аятта Аджиамет бай, Нияр ве Фериште
пейда олурлар.

Аджи. Къызым, нишан дуасына азырлан. Къомшу
койден Зиядин молла кельди. Анавыны... киевни беклей-
миз. Бугунъ гедже сёзюмден чыкъмадынъ, къызым, зан эт-
сем бугунъ де мени джемаат огюнде масхара этмезсинъ.
Чингенеге барып джефа чеккендже, Хасап Асанда кейф-
сефа сюр. Анъладынымъ, къызым?

Нияр. Анъладым, баба.

Аджи. Тилинъден айланайым, къызчыгъым. Мол-
лакъай сенден шу шишманны... тевбе истагъфирулла...
киев баланы севесинъми, деп сорагъанда, агъызынъы ачып
къалма, «сеем, онъа озъ разылыгъымнен барам», дерсинъ.
Ойле айтмакъ керек.

Нияр. Яхшы, баба, ойле айтырым.

Аджи. Бир даа тилинъден айланайым, къызчыгъым.
Фериште, энди сен динъле. Ниярны ойле бир кийиндир
ки, корьгенлернинъ козьлери къамашсын. Алтын фесини,
атлас къафтаныны кийсин, кумюш къушагъыны багъла-
сын, алтын юзюклерини, сыргъаларыны, билезликлерини
такъсын. Бугунъ онынъ къуганаджакъ кунюдир.

Фериште. Яхшы, байым, Ниярны ойле бир кийин-
дирейим ки, итимал оны озюнъ де танымазсынъ.

Аджи. Айды, барынъ! (Олар кетяйткъанда). Фе-
риште, токътап тур.

Фериште. Айт, байым, къулагъым сендедир.

Аджи. Дуа вакъытында козьлеринъи Асан байгъа
патлатып, ах-вах чекейим деде. Сонъу яман олур. Дуадан
сонъ санъа да бир къарт тапармыз. Хасап Асан Нияргъа
къысмет экен.

Фериште. Ойледир о, байым: баш язысыны козь корер.

Аджи. Машалла санъа, аферин, Фериште. Айды, бар, ишинъи бакъ. (*Аятта бир озю къалыр*). Хайырлы кунъ экен, эр шей дегеним киби оаятыр. Лякин анавы тентек корюльмей. Къайда къалды бильмем. Келир, кельмесе, чекип кетиририм. (*Кулип*). Къутбеден сонъ чингене огълунынъ алы не олур экен? Барсын, башыны таштан ташкъа урсын.

Эвге кирер. Азбарда Айгуль пейда олур.

Айгуль. Къуйпа киев кельмейджекке ошай. Аджи бабанынъ сёзю онъа кечмеди. Озюм чагъыртмасам олмайджакъ (*Ишмарнен Чомезни чагъырыр*).

Чомез. Не хабер, Айгуль апте?

Айгуль. Эр шей ёлунда. Лякин киев ёкъ.

Чомез. Киев кене къуюгъа тюшти. Нияр аптеге эвлендирирлер, деп къоркъа.

Айгуль. Я онъа эр шейни айтып анълаттыкъ да! Киевсиз нишан олурмы буны? Бар, бир даа айт, бир нефесте мында олсун. Кельмесе, озюм барып чыкъарырым. (*Чомез кетер, Айгуль кулип*). Къутбеден сонъ Аджи бабанынъ алы не олур экен? Башыны таштан ташкъа урмазмы?

Эвден молла чыкъар

Молла. Олян тап бу къадар саранлыкъ оладыр даа?! Эки сааттен берли бир фильджан къавенен тута. Ичеклерим бель кемигиме япыштылар, гъыр-гъыр, гъыр-гъыр этип агълайлар. Баре анавы ашларнынъ тузуны бакъайымчы. (*Къазанлар янына келир. Чёмючни далдырып*). Бисмилля! Тузу да еринде, майы да. Илле десенъ этлери. Памукъ киби йымшагъанлар. Асла чайнамакъ керекмей, ют-ют йибер. Бойле ашкъа беш-он ютум земзем сувы да зарар этмез. (*Джюббесининъ джебиден уфакъ бир шише чыкъарып, агъызына кетирир. Шу арада Айгульни эслеп къалыр*). Илядждыр, илядж. Тиш иляджы. Башкъа бир шей беллеме.

Айгуль. Алла сакъласын, моллакъам агъызына башкъа бир шей алырмы?

Молла (*Айгульге тараф юрип*). Акъыз, аджем гузели, сен коктен энген бир мелек дегильсинъми? Насыл олды да бу кунъгедже козюме илишмединъ?

Айгуль. Бабам мени эвимизде кѡпалы тута.

Молла. Бакъ сен о пезевенкке, бойле бир мал кѡпалы тутулырмы! Мында кѡачып кельдинъми?

Айгуль. Эбет, кѡачып кельдим. Кѡмшу койден фаэтоннен моллакѡай келеджек, дедилер. О моллакѡайнынъ бурма мыйыкѡлары, чот сакѡалы бар, озю де пек дюльбер бир адамдыр, дедилер.

Молла. Демек, эсает мени корьмеге кельдинъ, ойлеми?

Айгуль. Айса!

Молла. Сонъ, насыл, бегендинъми?

(Йыр-оюн).

Айгуль.

Мыйыкѡларынъ бурма-бурма,
Козьлеринъ кѡара хурма.
Севда олдым, бакъ алыма,
Бакѡышынъ атешмидир?

Молла. Дудагѡынъдан шербет акѡар,
Агѡызынъ чокѡракѡмыдыр?
Нефесинъ ал гуль кѡокѡур,
Юрегинъ багѡчамыдыр?..

Молла (Айгульге якѡынлашып). Менден кѡоркѡма, кѡызым... Моллакѡанъдан яман шей беклеме, кѡызым... Ал янагѡынъдан пост эйлесем де етер. Сакѡалым акъ, башым чал олгѡанына кѡулакъ асма, кѡызым, юрегимде арслан ята.

Айгуль. Акѡылынъызыны джойманъыз, моллакѡам, чыкѡар — корерлер.

Молла. Насыл джоймайым, кѡызым, башымдан акѡылымны алдынъ да.

Айгуль. Тена бир ерге чыкѡып эгленейик.

Молла. Дуам бар да, кѡызчыгѡым, кѡутбени ким окѡур?

Айгуль. Дуадан сонъ. Арабаджынъызгѡа айтынъыз, фаэтонны екип манѡа берсин. Озю керекмей. Мен сизни чокѡракъ башында беклерим.

Молла. Ялан айтмайсынъмы, аджем гузели?

Айгуль. Ялан айтмагѡа кѡоркѡам, моллакѡам. Ялан айткѡан адамларны обир дюнѡяда дженнетке алмай экенлер.

Молла. Алмагѡанлары бир тарафта турсын, дженнемге ташлап, кѡатран кѡазанларында кѡайнаталар.

Айгуль. Ой-ой-ой! Не кьадар кьоркьунч экен. Къана моллакьам, арабаджынъызгъа айтынъ. Мен сизни анда дёрт козьнен беклерим.

Молла. Дуадан сонъ джюббемнинъ къанатларыны ачып, янчыгъынъа кьуш олып барып кьонарым.

Айгуль ве молла тараф-тараф олып чыкьарлар. Ичериде лакъырдылар.

— Киев кьайда?

— Кьайда киев?

— Киевсиз той олурмы? (*Бир-биринен кьулакълашып*).

— Киев емледи, дейлер.

— Ха-ха-ха!

— Кьуюгъа тюшип гизленди, дейлер.

— Ха-ха-ха! Ха-ха-ха!..

Хор. Кельсин, кельсин, киев бала кельсин!

Кельмейджек олса хаберин берсин!

Ана-мына, ана-мына келеятыр,

Аягъында кьырмызы кьатыр...

Асан (*кирер*). Алла боюнларыны урсын, зорнен кьуюдан тартып чыкьардылар. Кьоркьам, йымырта кось-терип, бор туттырмаса экенлер. Бу джынлы Аджининъ эвинде эр шей ола билир. (*Ниярнынъ урбаларыны кийген, бетине фырлантысыны тюшюрген Фериште пейда олур. Хасан Асан абдырар*). Айттым да, йымырта дегиль, бор оладжакъ дедим де. (*Багъырып*). Алмам, алмам! Лаф сенчюн дегиль эди. Кет башымдан. (*Къачмагъа онъайтла-ныр*).

Фериште. Токъта, диване! (*Бетини ачып*). Мени, мелечигинъи танымадынъмы?

Асан. Вай, папийчигим, сенсинъми? Келин десенъ де ери бар. (*Къамарозланып*). Киев бала да келинден эсик дегиль. Къана, папийчигим, бир айланчы, этрафынъы корейим. Аферин, папийчигим, мен кьуту олсам, сен де онынъ къапагъы экенсинъ.

Фериште. Мени динъле, Асанчыгъым. Кьутбе вакъытында моллакъай: «Бу аялны севесинъми?» деб со-рагъанда, агъызынъы ачып кьалма. «Джан-юректен севем. Яткъанда тюшюмде, юргенде эсимдедир», дерсинъ. Сакъын унутма.

Асан. Алла сакъласын, юректеки шей унутылырмы?

Ф е р и ш т е. Къана. айт бакъайым.

Аятта Аджи ве Фериштенинъ урбаларыны кийген, фырлангы орътюнген Нияр пейда олурлар.

А с а н (лакъырдыны девам этип). Мен сени джан-юректен севем, папийчигим. Яткъанда эсимде, тургъанда тюшюмдесинъ. Сен меним дюльберимсинъ, шекеримсинъ, султанымсынъ балымсынъ... Сагъ олсун Аджи баба, сени хан къызлары киби кийиндирген.

А д ж и (къуванч козъяшларыны силип). Не исе, бу къарт бульбуль кене тилленди. (Янындаки Нияргъа). Фериште, коресинъми оларны, Ниярнен Асан киев Лейля ве Меджнунгъа ошамайлармы? (Асаннынъ янындаки Фериштеге, къычырып). Нияр, къызым, дертлешкенинъиз олды энди. Халкъ корер. Юринъ, эвге кирейик.

Эвге кирерлер.

А с а н (къапыдан ичери киреяткъанда). Бекярлыгъымнынъ сонъки куню. Амин, меним къуйрукъ ашап юрген яшлыкъ вакъытларым!

Молла къайтып келир. Элинде эки гуль.

М о л л а (ишмарнен Айгульни чагъырыр. Онъа гуль узатып). Бири санъа, бири манъа. (Гульни сарыгъына илиштирир). Севги хатиреси. Сёзюмден чыкъмасанъ, санъа къафтан да алырым, Чечекли чембер де алырым. Фавтон екильди, мин де кет. Мен къутбени кыскъартып окъурым. Ашкъа да къалмам. Ярым сааттен мени бекле.

А й г у л ь. Беклерим моллачыгъым, тез кель... Сизни Аджи баба къыдыра эди.

М о л л а. Дуасы да, къутбеси де башындан артта къалгъай эди. Тапкъан вакъыт дуа япмагъа. Ах, кене тишим агъырды. (Ичер. Айгульге элини саллап-саллап, эвге кирер).

А й г у л ь. Фитиль якъылды, энди бомбанынъ патла-масыны беклемек керек.

Молла эвге кирген арада, андан Нияр чыкъар.

Н и я р. Дуярлар, деп отюм патлайязды Тез олайыкъ, Айгуль.

А й г у л ь. Олар андан къолайлыкънен чыкъамазлар. (Айгуль къапыгъа къалын бир агъач тирер). Нияр, бош

тургъан бир фаэтон таптым. Сени чалашкъа келин оларакъ тюшюреджем.

А б и ж н е н Ч о м е з к е л и п к ѡ а л ы р л а р .

А б и ж . Нияр, азизим, азырсынъмы?

Н и я р . Сенинънен дюньянынъ сонъунадже кетмеге азырым.

А й г у л ь . Чомез, къардашым, биз ашагъы ёлдан айланып келирмиз. Сен оларгъа юкъары ёлны косътер.

Ч о м е з . Яхшы, Айгуль апте, ойле япарым.

Чыкъарлар. Ч о м е з г и з л е н и р . Экинджи къатта, пенджерере, А д ж и а м е т байнынъ башы корюлир.

А д ж и (ачуунен). Бу насыл масхаралыкътыр, къапыны ким бекледи? Эй, Фериште, къайда маразгъа кеттинъ? Шу саат къапыны ач, мусафирлерге аш кетир!

М о л л а (Аджининъ башы устюнден). Аджи, аджеле ишим бар. Экинди намазына кечикем. Ашынъ керекмей. Къапыны ачтыр!

А д ж и (багъырып). Фериште, санъа дейим, къапыны ач! Моллакъам экинди намазына кечике.

М о л л а . Къана, чекильчи андан Аджи, сенинъ Фериштенъден оладжакъ шей ёкъ. Эй, фаэтонджы, къапыны ач, моллакъанъ айта... О да юкълап къалды гъалиба.

А с а н (молланынъ башы устюнден). Чомез! Чомез! Бакъ сен быралкъыгъа, кимсин къайда копек суварып юредир.

А д ж и . Джаным, бу эвге не ола шу?.. (Пенджеренден секирип тюшер).

М о л л а . Бу Аджи мусафирлерни пек севген бир адам экен: къапыдан кирсетип, пенджеренден аткъара. Я алла, бисмилля! (Джюббесининъ этеклерини топлап секирип).

А д ж и (къапыдаки тиремени башы устуне котерип). Эй, бу масхаралыкъны ким япты? Сизден сорайым, азбарда ким бар? Фериште, къулакъларынъ къуругъайды, сен къайдасынъ?..

А с а н (пенджерере). Никях дуасы дегиль, гъалиба той да битти (Фериштеге). Папийчигим, пенджеренден сычрап тюшейим де, санъа къапыны ачайым. Я алла! (Секиргенде абынып, ерге йыкъылыр). Ой, кемиклерим чильпарча олдылар. Акъыз, къадынчыгъым, келип мени ерден турсатмайсынъмы?

Ф е р и ш т е (пенджерере). Вай, гогерджиним, учып

тюшкенде кѣанатларынъ сындымы? Мына, ярдымгѣа учам!

Фериште секиргенде бети ачылыр. Аджи онынъ бет сымасыны корип, шашып-шашмалап кѣалыр.

Аджи. Э-э-!.. Кѣаз йымыртасындан тавукъ чипчеси чыкътымы? (*Айкѣырып, элиндеки агѣачны башы устюне котерип*). Бейнаспер, сенден сорайым, бу не мерафеттир?

Фериште. Ненелеп тургѣанынъ да не я, байым, Асангѣа ѳвлендиририм, деген эдинъ. ѳвлендирдинъ иште. Бу ѳйилигинъи омюрбилля унутмам.

Аджи. Даа мыскѣыллайсынъмы? Мына бу ѳйиликни де омюрбилля унутма! (*Элини Фериштенинъ башы устюне котерип. Хасап Асан онынъ элине япышыр*).

Асан. Чек элинъи, керата! Башкѣасынынъ кѣарысыны урмагѣа сенинъ не акѣкѣынъ бар? Тойгѣа азырлагѣан кѣынанъны ѳнди сакѣалынъа силь. (*Фериштеге*). Кель яныма, папийчигим, кир кѣанатларым астына.

Аджи (*Фериштеге*). Тез ол, кѣызымнынъ урбаларыны чыкѣар!

Асан. Бакъ онъа, халкѣнынъ козю огюнде кѣадынымны чыплакѣландырмакѣ истей. Чыкѣарма, папийим, джнезлик шей кѣайтарылмаз.

Молла (*оларнынъ арасына сокѣулып*). Токѣтанъыз, котекчи хоразлар! Мында башкѣа шей бар. Мен ашыкѣам, кѣана, дуа парасыны ким тѣлейджек?

Асан. Аджининъ якѣасына япыш, моллакѣам, дуагѣа сени о чагѣырды.

Молла (*элиндеки гүльни кѣокѣлап*). Беклейдир, козѣлери ѳлда кѣалгѣандыр. Аджи, кѣана дуа парасыны сайчы!

Аджи (*сач-сакѣалыны юлкѣып*). Алдадылар, беш капикке алып саттылар, ѳль-алем масхарасы ѳттилер. Нияр, Нияр, сен кѣайдасынъ?

Чомез (*ичери чапып кирер*). Аджи баба, Нияр аптем кѣафестен кѣачты.

Хор. — Кѣачан кѣачты!

— Кимнен кѣачты?

— Кѣайда кѣачты?

Чомез. Бир элинде бир топ чичек,
Нияр аптем — яш келинчек,—
Деми кѣачты, дагѣлар ашты,
Беклеменъиз, о кельмейджек.

А д ж и. Ах, ах, ах!

Къызым къачты эвимден,
Киев кетти элимден...

А с а н. Ха-ха-ха!

Мен къуртулдым обюрден,
(Фериштеге)
Кель опейим козюнъден.

Ч о м е з. Фаэтонгъа миндилер,
Тоз чанъгъытып кеттилер.
Беклеменъиз къудалар,
Олар чокътан зувдылар.

М о л л а. Не?! Фаэтонгъа минип зувдылар дейсинъ-ми? (Агълап). Ах меним ешилъ боялы, къара язылы фаэтончыгъым!.. Ах меним дюнъяда бир дане темир кок атчыгъым!.. Ах меним...

А с а н. Ха-ха-ха! Моллакъамны да ектилер.

А д ж и (Хасап Асангъа). Эр кес агълагъанда, сен кулесинъми, тентек?

А с а н. Озюнъ тентек. Эр кеснинъ артындан агъла-санъ, онъа козь яшы етерми?

М о л л а (Аджининъ якъасына япышып). Аджи, дуа парасыны тѣлемединъ, фаэтон парасыны оде. Оны сенинъ азбарынъдан хырсызладылар. Судкъа беририм эки аягъынъны бир чызмагъа къойып, Сибирьге айдарым!

А д ж и. Асан бай, ялварам санъа, ахырынъдан эки ат бер. Артларындан барып етейик.

А с а н (озъ башына). Алмайсынъмы сен! Бойле де олардан зорнен къуртулдым, даа артларындан барып ете-джек экен. (Аджиге). Атларымны джылкъыгъа айдадым. Аранда ялынъыз мезар къачакълары къалды. Истесенъ, оларны ал.

А д ж и. О да насыл мезар къачакъларыдыр?

А с а н. Кок эшекнен чал эшек. Экинъизге бирер дане.

А д ж и (Чомезге). Олар къайсы ёлнен кеттилер?

Ч о м е з. Юкъары ёлнен, Аджи баба. Эшеклерге мин-сенъиз, ярым саатте артларындан етерсинъиз.

А д ж и. Юр, моллакъам, эрте-ярыкъ ёлгъа чы-къайыкъ.

М о л л а. Ах меним фаэтончыгъым, ах меним темир кок атчыгъым...

Экиси де чыкъар. Хасап Асан къазанларгъа бакъып, оларнынъ артындан къычырыр.

Асан. Эй, Аджи! Эй, моллакѡам! Ёлджысынѡыз, бираз кѡапынгѡай эдинѡыз!.. Кеттилер. Оларгѡа да огѡурлы ёллар олсун! Энди бу ашларны не япайыкъ? (*Фериштеге*). Кѡарычыгѡым, эвге барып, аш пиширгендже... Кель, бир чѡмючни де сен ал. Чомез, сен де кель, бу дубаралы той куню бир тойып кѡал. (*Абдырап*). Вай, анайчыгѡым, ашагѡаным богѡазымда кѡалды да...

Фериште. Кемик юттынѡмы, Асанчыгѡым?

Асан. Даа бетери олды... Джадылар келе де, корьмейсинѡми?

Ийрлап ве той чалдырып, ичери Кѡарасан, Абиж, Айгуль, Нияр ве чалгѡыджылар келип кирерлер.

Ал, кѡоян, джанай, чал кѡоян, джанай,
Ай ярыкъта ёлда ойнар, джанай.
Арув кѡызнен дост олсанѡ, джанай,
Ляле-чечек кѡолда ойнар, джанай.

Юр, базаргѡа барайыкъ, джанай,
Четлевик, кѡоз алайыкъ, джанай.
Четлевик санѡа, кѡоз манѡа, джанай,
Келинчек санѡа, кѡыз манѡа, джанай...

Асан (*Айгульге*). Эй, кѡара кѡыз, сен кене кельдинѡми? Я бугунѡден сонѡ манѡа корюльмейджек эдинѡ де?

Айгуль. Сени сонѡки кере корьмек ичюн кельдим.

Асан. Кѡой, кѡой шуны! Мен энди бекяр дегилим. Башымы кутьме.

Нияр. Бельки мени де корьмек истейдирсинѡ?

Асан (*тааджипленип, козьлерини Айгульден Нияргѡа авуштырыр*). Худжур шей! Булардан кѡайсы бири Нияр экен? Екъса бир адам экиге болюндими?

Кѡарасан. Мында болюнген шей ёкътыр. Мына бусы кѡызым, бусы да яш келинимдир.

Асан. Ай-ай-ай! Кѡурунтугѡа бакѡ сен! Фунтыма энди урды. (*Айгульге*).

Ай сени кѡара шейтан, аз кѡалды отюми патлатаяздынѡ.

Кѡарасан. Фаэтонны алып кельдик. Моллакѡай бизни хырсыз беллемесин.

Асан. Мен олсам кѡайтармаз эдим... Ёлунѡыз узакѡкѡамы?

Кѡарасан. Узакѡкѡа, еди дерѡа артында.

А с а н. Ойле олгъаны яхшы... Не исе, эр шей яхшы-лыкънен битти. Бир кунъде эки той. Озю де бедава союн-дан. Къана, джемаат, эллеринъизге къашыкъ алынъ, той энди башлайджакъ!

(Йыр ве къашыкъ оюны)

А с а н. Той агъасы мен олайым, ай джаным,
Бугунъ мен де бир тояйым, вай джаным.
Эльде къашыкъ такъыр-тукъыр, ай джаным,
Аджи баба келип къалыр, вай джаным.

Х о р. Такъыр-тукъыр, такъыр-тукъыр, ай джаным,
Аджи баба келип къалыр, вай джаным.

А б и ж. Алашалар эгерленди, ай джаным,
Тоз чанъгъытып биз кетермиз, вай джаным.
Эльде къашыкъ такъыр-тукъыр, ай джаным,
Ай ярыкъта ёл ачыкътыр, вай джаным.

Х о р. Такъыр-тукъыр, такъыр-тукъыр, ай джаным,
Ай ярыкъта ёл ачыкътыр, вай джаным.

Йыр ве оюн девам этер экен, перде энер.

1959 с.



ТОЙ ДЕВАМ ЭТЕ

ИШТИРАК ЭТКЕНЛЕР:

Зия (асыл ады Зекирья)—Тильшнаслыкъ институтынынъ хадими. 24-25 яшларында. Эр даим озюни тюшюнджели, далгъын ве джиддий тавурда тутмагъа тырышкъан бир адам.

Ибрам—Зиянынъ къардашы. Студент. Эдебият авескъары. Муляйим, агъыр табиятлы ве утанчакъ бир йигит.

Рейан апте—Зия ве Ибрамнынъ анасы. Нарын, муляйим бир къадын.

Билял къарт—Зия ве Ибрамнынъ бабасы. Кесментли, реаль тюшюнджели ве къызматабан бир адам.

Селим—Студент. Шень ве шакъаджы.

Айше—Кой къызы, Селимнинъ къардашы.

Сундюс—Селим ве Айшенинъ анасы.

Мурат—Студент.

Эльмаз—Айшенинъ досты. Шень ве енгиль табиятлы.

Сеттар өмдже—Эсли бир адам.

Къадын—Сундюс аптенинъ къомшусы.

Ярдымджы роллерде: Йигитлер, къызлар ве эсли-башлы колхозджылар.

БИРИНДЖИ ПЕРДЕ

Биринджи лева

Сана: эв алдында ачыкъ софа. Софанынъ огюнде азбар багъча.

Багъчадан къушларнынъ сеси эшитилир.

Саба маали. Перде ачылгъанда яваштан «Ешилъ япракъ арасында» музыкасы иджра олуыр. Онынъ фонунда Айшенинъ йыр сеси эшитилир.

Айше (сана артындан).

Ешилъ япракъ арасында къырмызы гуль гъонджеси,
Къайда къалдынъ, кельмез олдынъ, гонълюмнинъ эг-
ленджеси.

(Ичери киреяткъанда).

Вардым ярем багъчасына, бир нар кестим емее,
Ах дюльберим, бир сёзюм вар, утанырым демее...

Айше. (бираз динъленип тургъан сонъ). Рейан апте, эвдесизми?

Рейан апте (эвден софагъа чыкъып) Не олды я, танъ хоразы?

Айше. Рейан апте, огъуallarынъ кельмедими? Эшреф, Ибрам экисинен Селим агъам да келеджек эди. Анам айта: учю де бир кельмекчюн сёйлешкенлер. Энди учъ кунъ, аля даа корюльмейлер, дей. Анам «Хабер-тебер ёкъмы экен, бар да къызым, биль,» деди.

Рейан апте (Айшенинъ сырыны бильген бир адам киби ийлекяр бир тебессюмнен). Ёкъ, къызчыгъым, кельмедилер. Биз де беклеп-бакъып къалдыкъ. (Узакълардан чанъ сеси эшитилир). Мына, совхоз чанъы урды. Бу маллерде поезд келип-кече тургъан. Бельки олар да бу поезднен келирлер.

Айше (Рейан аптеге утана-утана бакъып, башыны тёбен алыр, йырлап, багъча теренлигинде козьден гъайып олур).

Вардым ярем багъчасына, бир нар кестим емее,
Ах дюльберим, бир сёзюм вар, утанырым демее...

Рейан апте (тюшюнджсли бир тавурда Айшенинъ пешинден бакъып-динъленип тургъан сонъ). Бу ягъда бир къыл бар амма... Келеджекмиз, деп хабер кельген сонъ, бу къыз текмиль тынчлыгъыны джойды: саба-акъшам, эвдесинъми, сувдасынъмы, иштесинъми, эп бир суаль: «Рейан апте, огъуллерынъ кельмедими? Эшреф, Ибрам акисинен Селим агъам да келеджек эди...» Юрегим бир шейлер дуя амма, баре догъру олгъайды... Йырына бакъ: «Къайда къалдынъ, кельмез олдынъ, гонълюмнинъ эгленджеси» экен! Билемиз къызларнынъ эгленджеси не олгъаныны. Бу дерт яшлыкътан эр кеснинъ башындан келип кече...

Эвге кирер. Музыка бир къач сание даа «Ешилъ япракъ арасында» макъамыны иджра эткен сонъ, давушы бирден башкъа аэнкке айла-нып тыштан кельмекте олгъан Зиянынъ аякъ тапырдыларыны такъ-лит этер.

Зия (эллеринде эки чемодан. Бирининъ устуне плащыны саркъыткъан. Тааджипнен). Ба! Шышыладжакъ шей! Не олгъан экен? Джемаат не ичюн мени къаршылап чыкъмады! Шай-шай, Наполеон сеферден магълуп олып къайткъанда оны да къаршыламагъан эдилер. Лякин менде тек бир гъалибиет! Онъгъа дёнсем — гъалибиет (дёнер), солгъа дёнсем — гъалибиет (дёнер), огге кетсем — гъалибиет... (Огге адым атаджакъта чемоданына сюрюнип йыкъылыр). Эльбет, инсан бирден козьге чарпмай. Алимлер алыми Эдисон да газета саткъан бир бала эди, лякин сонъра мешур физик олып, ады бутюн дюнъяда янгъырады. Кунъ кечер, ай кечер, йыл кечер, бир кунъ ола мени де: «Мына, коресизми, бу кельген мешур алим Зиядыр!» деп, пармакънен косътерирлер. Косътерирлер амма... Шимдилик бу мешурликке азырланмакъ керек: озюмни джиддий ве киббар тутайым, эвден чыкъмайым, элимден китаны тюшюрмейим... Мени корьгенлер «маш-шалла бу окъумыш адамгъа, не де алим адам экен!» десинлер. (Къапыгъа бакъып). Ана! А-наа!

Рейан апте (эв ичинден). Ким я о кене багъыр-гъан (Софагъа чыкъып). Огълум, Зекирья, сенсинъми балам? Я къардашынъ Ибрам къайда къалды?.. Вай балам, асла да танылмайсынъ, текмиль земземер олгъансынъ. (Зияны баштан-аякъ козьлеринен сюзип чыкъкъан сонъ). Бакъ сен онъа, башына чёюн кийген, козьлюк такъкъан, бант багълагъан... Валлай, текмиль земземер олгъан...

Зия. Ёкъ, анай, мен землемер дегиль, лексикографым!

Рейан апте (сѣзнинъ манасыны анъламаса да). Вай балам, аферин санъа... Я ойле дегенинъ де не демек?

Зия. Лексикограф сѣзю, анай, лексикография сѣзюнден алынган.

Рейан апте. Вай-вай! Машалланъ бар экен... Я ойле дегенинъ де не демек?

Зия. Лексикография, анай, лексикология илимининъ бир пытагъыдыр.

Рейан апте. А-а, мына не... Айды, не де олса, о сенинъ зенаатынъ меним анълайджакъ шейиме ошамай... Вай, балам, сизни пек яман сагъындыкъ. Сонъ кунълерде асла тилимизден тюшмединъиз. Юр, огълум, Зекирья, эвге кирейик.

Зия. Анай, янъылманъыз, меним адым Зекирья дегильдир.

Рейан апте (тааджипленип). Огълум, сен не айта-сынъ шу? Йигирми беш йыл эвельси моллакъам къойган Зекирья адынъа не олды?

Зия. Анай, алим адамларнынъ ады да аламден башкъа ола. Шимди меним адым Зекирья дегиль, чевре этрафкъа нур сачкъан, зия интишар эткен Зиядыр!

Рейан апте. Вай-вай-вай, бутюн дюнъяны зиягъа-нургъа толдыраджакъ экенсинъ де.

Зия. Толдыраджам амма, койден ич бир кимсе: не рекси, не кятиби, не де джемааты бойле бир зияны къаршылап чыкъмадылар.

Рейан апте. О ери ойле о амма, эр кеснинъ иши бар да балам. Яз куню, озюнь билесинъ, иш богъаздан. (Кулюмсиреп, мыскъылнен). Я Айше де чыкъмадымы?

Зия. Айше? О да насыл Айшедир?

Рейан апте (озъ башына). Яшырмакъ истей. (Зиягъа) Къуртийнинъ къызы, къомшу Айше... Мана этип эр кунъ келип, агъасы Селимни сорай. Билем мен о кобелекни, онъа Селим дегиль, меним огълум...

Зия (анасыны болип, далгъын бир алда). Сус, сус анай. (Къоюн джеплерини къарыштырып, джеп дефтерини чыкъарып).

Рейан апте (озъ башына). Корюле, сыр ачкъанымны истемейдир, утанадыр...

Зия (эвельки далгъынлыкънен). Къуртийнинъ тамыры «къурт» демек, къурт исе къашкъыр ве боджек демек... Анай, бу не демек олгъаныны анълайсынъмы?

Рейан апте. Къуртийнинъ тамырымы? О да насыл

тамырдыр? Сен не айтасынъ шу, огълум, къртуртийге тамыр кърайдан кельсинъ?

Зия. Мен, анай, сѣз тамыры акъкъында айтам. Эр бир сѣзнинъ талиль этильмеси биз алимлерге тарих теренликлерини ачып бере. Энди бу Къртуртийнинъ «къртур» тамырыны алайыкъ. Бу исим инсанлар озьлерине йыртыджы айванларнынъ адларыны менимсеген иптидаий дс-вирден бир къралымтыдыр. Илькиде инсанлар бир джыныс айванларгъа «къртур» дегенлер, сонъра исе бу исимни озь аралары да кърулланып башлагъанлар. Бу шекильдеки хайли теджриджи текаямульден сонъра эвельки «къртур» тамыры «ий» ялгъамасыны кърбул этерек. «Къртуртий» олгъан ве истикъбалъге догъру бу теджриджи текаямульнинъ тесири саесинде айны тамырдан бугуныкы Къртур-Асанлар, Къртур-Алилер, Къртур-Велилер, Къртур-Небийлер киби тешеккюльдже айван адларынен сойдаш бир чокъ исимлер инкишаф ве интишар эткенлер. Коресинъми, анай, сѣйледигинъ бу Къртуртий исимининъ тамыры — «къртур» сѣзю бойледже асырлар кечип, сенелер ашып, бизге келип еткен. Мына, анай, сѣз арасы «Къртуртий» деп ташлады-нъыз, мен исе шу «Къртуртий»ден къроджаман бир назарие чыкърардым. Огълунъыз мына насыл бир алим олды! Унутмайым, дефтерге кърайд этейим. (*Джеп дефтерине язар*).

Рейан апте. Аферин огълума! (*Озь башына*). Къртуртийнинъ тамыры деди, бир шейи деди, асла не деди бильмем. Кене эйиликке олсун, бираз худжурлашкъан, эм де денъишкен гъалиба...

Зия (*анасынынъ сонъки сѣзюни эшитип*). Догъру, анай, бу сонъки йыллар чокъ денъиштим. Илимде якъван мувафакъиетлериме озюм де шашам. Эр бир сѣзнинъ аркъасындан бинълердже сенелернинъ текаямуль тарихыны, инкишаф къранунларыны ве кърाइделерини корем.

Рейан апте. Тилинъе бир шейлер олгъан, огълум, айткъанларынынъ анълап оламайым.

Зия. Догъру, анай, мени анъламакъ зордыр, чюнки эр бир сѣзюмде бир кърач пудлыкъ фикир агъырлыгъы бар.

Рейан апте. Айды, не де олса... Вай, лаф эттикъ къралдыкъ. (*Оданынъ къралпысыны косътерип*). Буюр, огълум... Керчек, я Ибрам кърардашынынъ кърайда къралды?

Зия. Олар, Селим, Мурат ве бир кърач да колхозджы ёлда лаф этип къралдылар.

Рейан апте. Айса, сен де кьалып, адамларнен бираз корюшкой эдинъ. Озюнь кимсе чыкъмады, дейсинъ.

Зия. Ёкъ, анай, ойле корюшмек дегиль де, мен озюмни тантаналы суретте кьаршылап алмаларыны беклеген эдим.

Зия чемоданларыны алып, анасынынъ пешинден эвге кирер. Бир кьач сание сукюнет укюм сюрер. Музыка яваштан «Ёшилъ япракъ»ны чалып башлар. Айше, пармакъ улжларына басып, яваштан йырлап, азбаргъа кирер.

Айше. Вардым ярем багъчасына, бир нар кестим емее, ах дюльберим, бир сёзюм вар, утанырым демее... Кельгенлер... кельген! (*Къапыгъа якъынлашып*). Дерсинъ юрегим къафесинден атылып чыкъаджакъ да, кьушлар киби коклерге авеленеджек. Вай, бутюн багърым шырын сезгилернен сусленди... Не ичюн шай ола экен?.. Тюневин гедже эв алдында, ешилъ тереклерни тубюнде яттым... Кок ачыкъ, миллионларнен йылдызлар парыл-парыл парылдап, ерге бакъаракъ козь кьымыша эдилер. Мавы кокте ялдагъан тёзтёгерек ай исе башыны тёбен алып, эп кулюмсирей ве не-дир айтмакъ истей эди. (*Къуванчнен нефес алып*). Мен ятам, эм де кокни сейир этем: де йылдыз кьопып, нур сачып узанып кете, де айнынъ юзюнде йипек булутлар пейда олып, онынъ бетини опип кече. Шай да гузель, шай да арув... Мен бакъам эм де динъленем: тынчлыкъ, санки дерсинъ кок де динълене. Кимерде бир сакин ель эсип кече — япракълар тепренип сёйлене; багъчада кьуш оте — тынчлыкъ сюслене; узакъта ит уре — далгъынлыкъ, агъырлыкъ, юкъу кетире. Шуларнынъ тесиринен козь къа-пакълар агъырлаша, тюшюнджелеринъ кьарыша, токъал-лаша, козьлеринъ юмула... Сонъ, бейутликке берилесинъ. (*Давушыны алчатып*). Тюш... Кене мавы кок... Кене йылдызлар... Мен иште анда, кьыр устюнде турам. Не ичюн? Озюм де бильмейим. Башымда кьырмызы фырланти, у-стюмде колхоздан бахшыш берильген йипек антери. Ёль ойле бир савура, ойле бир савура ки, лякин ич де сувугъы ёкъ. Кимнинъдир эли омузыма тюшти. Бирден бутюн багърыма муляйимлик дагъылгъан киби олды. Джыллы, шырныкълы, охшайыджы, джоштырыджы муляйимлик... Айланып бакъсам, о! Мен ичимден: «Коресинъми, о да севе экен, севмесе кельмез эди», дейим. (*Давушыны денъиштирип*). «Ёкъ, меним севгеним узакътадыр, о аджем гу-

зелидир», дей. Мен буз-бузладым. Айны бир вакъытта эм агълайджагъым эм де дарыладжагъым кельди. «Я кой-де олгъанда не ичюн юз бердинъ, не ичюн эр вакъыт артымдан бакъып къала эдинъ?», дейим. «Сен онъа къулакъ асма, энди олгъан-кечкен шей, онынъ артындан салкъын сув ич», дей. Озю де кете. «Кетме!— деп багъырам мен,— токътал!» Лякин энди ёкъ, санарсынъ авагъа синъген ..

Тюш, эльбет де, хурафат, лякин къальбимни раатсызлады, тынчлыгъымны бозды. (*Пармакъ уджларына басып, къапынынъ оюне барып токъталыр*). Рейан апте! А Рейан апте! (*Бирден къапы ачылып, босагъада Зия пейда олур. Айше къапыгъа кельгени ичюн утангъанындан, башыны тебен алыр ве Зияны Рейан апте беллер*). Рейан апте, огъуллерынъ кельмедими? Эшреф, Ибрам экисинен Селим агъам да...

З и я (*босагъадан тышкъа атлап*). Мына, мен кельдим!
А й ш е (*абдырап*). А... Хош кельдинъиз...

З и я. Сагъ ол, калям. Селим де кельди. Ёлда лаф этип къалдылар. Сен, калям, шимди бошсынъмы?

А й ш е. Мен... эбет, бошым... Бугунъ раатлыкъ куню, агъамны къаршылап аладжакъ эдим.

З и я. Агъанъ къачмаз калям, иш къачар. (*Къойнундан къалын бир пакет чыкъарып*). Эринме, калям, чапа-чапа почтагъа бар да, мына бу мектюпни ташлап кель.

А й ш е. Мен... Билесизми, агъамны...

З и я (*онынъ сёзюни болип*). Айттым да, агъанъыз ич бир якъкъа къачмаз. Риджа этем, бу мектюпни сакът тунъыз, тюшип гъайып олмасын. Эйиси къойнунъызгъа къойынъыз. (*Пакетни къояджакъ олур. Айше утанып ксри чекилир. Бу арада къапыны аралыкъ этип, ичериден Рейан апте бакъар*).

Р е й а н а п т е. Бакъса онъа, опеджек оламы не?

З и я. Ёлда, вагон ичинде язгъан бу ильмий марузам-да мени илим алеминде беян этеджек энъ къыйметли, энъ терен фикирлерим ифада этильгендир.

Р е й а н а п т е. «Энъ къыйметли», «энъ терен» экен... Айгиди яшлыкъ, фурсат таптымы, аман «терен дуйгъулары»ндан алып коче. Айды, барсын севишсинлер. (*Ксри чекилир*).

З и я (*пакетни Айшенинъ элине туттырып*). Иш бу,— тез вадели мектюп, деп теслим этерсинъ.

Айше мектюпни алып, шашкын-шашкын Зиягъа бакъып, энди айланып кетеджекте, Селим, Ибрам ве Мурат ичери кирип келирлер.

Ибрам. Иште, эвге де келип еттик!

Мурат. Практика оджагына кельдик десел!

Селим (Айшенен Зияны эслеп). А-а, вот что? Келип етмедик, олар энди Лейлянен Меджнун олып... (Ибрамгъа). Къана, шаир аркъадаш, агъангъа багъышлап бир ашыкъ серенадасы язмайсынъмы? (Зиягъа). Бизден айырылып къачманънынъ себеби бар экен де. (Утанып къызаргъан Айшеге айланып). Айше, къардашчыгъым, бу меджнунны корип, энди медик агъанъны унуттынъмы? (Къардашыны къучакълап опер). Валлай, сенинъ еринъде мен олсам бу музей сохтасы ичюн тап мында кельмез эдим.

Айше (утана-утана). Екъ, мен ананынъ эмиринен кельдим: бар Рейан аптелерге де, сорап бакъ...

Зия (Айшенинъ къолтугына кирип, ёлгъа тараф джетер. Чыкъаяткъанда Селимге). Мында гъает джиддий иш бар, сен исе бош-богъазланып баш кутесинъ.

(Айше Ибрамгъа бакъа-бакъа ёлгъа чыкъар).

Мурат. Мында керчектен де бир шейлер бар гъалиба!

Ибрам (озъ башына). Меним хаялым оларда акъикъаткъа чевирилген...

Селим. Бакъ сен онгъа, бу музей къуртындан бойле шей ким беклеген?

Мурат. Агъыр атнынъ тепмеси къатты олур, дегенлери догъру экен.

ПЕРДЕ ЭНЕР

Экинджи лева

Сана: биринджи левада олгъаны киби. Акъшам устю. Иштен къайтмакъта олгъан Билял къарт азбаргъа кирип келир.

Билял къарт. Бугунъ ой да сыджакъ эди! Зан этерсинъ, фурун агъызындан алев уфюрте. Биз алевине де, сыджагынада бакъмадыкъ, чалыша бердик. Эй-ей, бу йыл ойле бир армутлар етиштирейик ки, корьгенлер шашып къалсынлар. (Софагъа чыккъан Зияны эслеп). Къана, огълум, кельчи мында. Сен, Зекирья, шу кягъыт-

лар, китаплар ичинде баттынъ къалдынъ. Къоркъам, санъа да сюме тюшер. Экиде бир табиятнынъ джанлы китабына бир козь ташла. Китап деген шей кимерде бир эскире тургъан, амма табият эр кунъ денъише, о эр вакъыт тазе. Окъу,яз, амма, сырасы кельгенде чыкъ, эглен, джесмааткъа къошул. Сонъ, билесинъми, яш олгъанда инсан мытлакъа севмек де керек. (*Зия къолундаки китапны окъугъандан олып, козьлерини андан алмаз. Къызып*). Олян, ич олма-дым бабанънен лаф эткенде шу китапны четке ташла.. (*Башлагъан сёзюни девам этип*). Анълайсынъмы, севиш-мек де керек, дейим. Башта гезерсинъ сонъ, эгер севишсе-нъиз, сёз бериширсинъиз, эвленирсинъиз... Сакъалынъ мына бойле менимки киби агъаргъан сонъ санъа айланып бакъкъан къыз да олмаз. Къартбаба дерлер. Къана, догъ-русыны айтчы, севген тотайынъ бармы? (*Зия эшитмемсэ-ликке урунып, далгъын далгъын элиндеки китапны яп-ракълар. Билял къарт ачувенен*). Олян, инсан огълу инсан, ташла шу китапны, сенинънен бабанъ лаф эте. Айтчы, сев-ген къызынъ бармы?

З и я. Не ичюн севмейим? Ашыкъ биле олдым.

Б и л я л к ъ а р т (*озъ башына*). Айтам да, бунъа бир шей олды дейим де, ондан гъайры бу яшлыкъта тап бу къадар далгъын олур эдими? Чыкъымсыз эриф, севги дердини ичинде сакълап юредир. (*Зиягъа*). Ай сени къур-наз тильки, буны айтып бизни де къувандырмагъанынъ не? Къоркъма, сен бегенсенъ, оны биз де бегенирмиз. Къана, айтчы, ким ола шу?

З и я (*шаирине бир тавурда*). Меним ашыкъ-севдам бу-рунгъы Юнанистаннынъ ильк шаиреси Сапфогъа аиттир.

Б и л я л к ъ а р т. Худжур ады бар экен... Э, не де ол-са, эвленеджек сенсинъ. Сонъ, насыл, келин-къыз бизим тарафларгъа келип-кетмейджекми?

З и я. Чокъ теэссюф ки, баба, бу мешур шаире бундан эки бишъ беш юз сене эвельси ольди.

Б и л я л к ъ а р т. Я сен онынъ чюрип къалгъан ке-миклерине ашыкъ олдынъмы?

З и я. Хайыр, баба, мендеки джынсий дегиль, маневий севгидир. Мени озюне эсир эткен онынъ музасы, тарихта, халкъ риваетлеринде севги ве поэзиянен ишленген онынъ эфсаневий образыдыр.

Б и л я л к ъ а р т (*озъ башына*). Бар да анъла бу эрифни. (*Зиягъа*). Ахмакъ экенсинъ, огълум. Севда ол-магъа башкъа бир шей тапмадынъмы?

Зия. Биз алимлер ялынъыз бойле севдалыкъны та-
ныймыз!

Билял къарт. Алим экен! Мен чокъ алим адамлар
коръдим амма, сенинъ киби сойына биринджи керс раст-
кедем. Не сен халкъны анълайсынъ, не де халкъ сени.
Энди эшек къадар бир эриф олдынъ...

Зия. Баба, мен эшек дегилим!

Билял къарт. Эшек демедим, эшек къадар ол-
дынъ, дедим. Балабан бир эриф олдынъ, демек истедим.

Зия (суный бир ачувнен). «Балабан»? Баба, мен аюв
дегилим!

Билял къарт. Олян, сенинъ къулакъларынъ ичин-
де шейтан отурамы не мараз? Санъа аюв деп ким айтты?

Зия. Эбет, даа шимди аюв дединъиз.

Билял къарт. Зия, масал окъума, мен ойле шей
айтмадым. балабан бир эриф олдынъ дедим.

Зия. Баба, мени азарлап турманъыз, мына кене аюв
дединъиз.

Билял къарт. Зия, шакъланы ташла. Бакъ, ачувла-
нырым, сонъ... Аюв дегиль, балабан дедим мен санъа.

Зия. Я балабан демек не демек?

Билял къарт. Энди буны балабан сёзюни де анъ-
ламайсынъмы? Айса динъле: балабан демек — буюк де-
мектир.

Зия. «Балабан» — аюв демектир.

Билял къарт. Олян, сен текмиль шашырдынъмы
не мараз? Сенджесине бельки кучюк демек де къашкъыр-
дыр?

Зия. Хайыр! «Балабан» булгъардан кельме бир сёз
олып, оларда бу сёзнинъ манасы «аюв» демектир. Буны
ниает бильмек керек эдинъиз.

Билял къарт. Бакъ, бакъ онъа, кене къайда алып
къачты. О сенинъки бильги дегиль де, сафсата!

Сананынъ артындан иштен къайтмакъта олгъан яшларнынъ йыр
сеслерин эшитилир. Давуш эп якъышлашыр. Билял къарт ме-
ракънен динълер.

Яшлар

Токътамаймыз енъиште
Атлаймыз эп алдкъа,
Етишмекчюн тез кунъде
Мукъаддес макъсадкъа.
Бизлер о

Ишкузар комсомоллар,
Ватанчюн чалышмакъ — ишимиз.
Советлер илинде эр иште
Бар бизим силинмез изимиз.

Б и л я л к ѳ а р т (яшлар кельген тарафкъа джош-
кѳунлыкѳнен элини узатып). Мына, яшлар иштен кѳайта!
Бакъ яшайыш ве гурьлик кѳайда!

Чапаларыны омузларына ургѳан яшлар шень-шерамет йырлап, багъ-
чанынъ огюнден кечкен ёлдап Мурат, Эльмаз, Селим,
И б р а м ве башкъалары кирип келирлер.

М у р а т (кулип, команда берир). Бир-эки, бир-эки!..
Стоп Чапалар ашагъы! (Яшлар чапаларыны тюфек киби
бирден омузларындан алырлар). Колхознынъ энъ яхшы
багъчеваны Билял агъагъа бутюн бригада адындан урѳмет
бахшышы!

Ильмекленип багълангъан явлыкъны Билял кѳартнынъ элине тутты-
рыр. О явлыкъны ачар. Онынъ ичинде беш-алты юз грамм агъыр-
лыгъында кѳып-кѳырмызы бир помидор корип кѳуваныр.

Б и л я л к ѳ а р т. Машалла помидоргъа! Буны етиш-
тирген яшларгъа да машалла!

М у р а т. Керчек, биз Зияны да унутмадыкъ. Буюры-
нынъыз! (Джебинден 10-15 граммлыкъ бир чонкѳур хыяр
чыкъарып узатыр). Сизге бахшыш! Багъчагъа келип, озъ
элинъизнен узип емиш ашамагъанынъыз ичюн. Бугунъ
акъшам клубкъа келип бизге дивар газетасыны чыкъар-
магъа ярдым этсенъиз, ярын санъа хыярнынъ окъкъалыкъ
союны кетиририм. (Кулью).

И б р а м. Агъа, мен бугунъ акъшам эдебият тѳгерсги-
ни отъкереджем. Келип кѳатнашсанъ яхшы олур эди.

З и я. Ич бир якъкъа барамам. Ишим чокъ.

М у р а т. Насыл иш?

З и я. Биз алимлерде даа насыл иш ола билир, эльбет
де ильмий иш.

М у р а т. Худжур адамсынъ, Зия. Аятымыз бир топ
гуль, олса, сен онынъ тикенисинъ. Сени музейде экспо-
нат оларакъ кѳойып, устюнъе де шойле бир джумле яз-
малы: «Кечмиштен кѳалгъан ве шимди пек сийрек раст-
хелинген эскилик кѳалымтысы».

З и я (ачувланып). Шахсетиме токѳунма!

М у р а т. Олмаса, багъышла, «ильмий аркъадаш!»

Ишлардан эр бири Зиягъа мыскъылнен «багъышла, нльмий аркъа-
дгш», деп, дагъылышып кетерлер.

Ибра м. Агъа, сен тек бир озюнъни дегиль, бизни де
масхара этесинъ. Эсинъи башынъа топла, сен халкъны
анъламасапъ, халкъ да сени ич бир вакъыт анъламаз. ✓
(Эвге барып кирер).

Бил я л к ъ а р т. Иште сен ахмакъкъа бу керек эди.
Ахыр сонъу къардашынъ да чыдап оламады.

Зия (далгъын бир алда). «Ахмакъ»! Бу арапчадан
кельме бир сёз олмакънен, акъылсыз, будала ве серсем
демектир. (Дефтерине къайд япар).

Бил я л к ъ а р т (къызып). Энди тап бу къадар аб-
дал инсан оладыр да.

Зия. «Абдал!» (Дефтерине къайд япып). Бу сёзнинъ
халис арапчасы «бедиль» олмакънен, фикирсиз, акъыл ёр-
маз, урдым-дуймаз демектир.

Бил я л к ъ а р т (энди ачувланып). Айса эшек —
оны да яз!

Зия (язып). «Эшек» чокъ маналы бир сёздир. Дикъ-
къат этинъиз: эшек — биринджиде эшек, экинджиде — ай-
ван, учюнджиде — акъылсыз айван... Энди бу тамырдан
япылгъан сёзлерге келейик: эшек балыгъы, эшек армуты,
эшек айвасы... Кимерде бир: «Эшек къадар олдынъ амма,
кене акъылынъ кельмеди», дейлер. Демек...

Бил я л к ъ а р т элини силькип, эвге кирип кетер. Зия озъ башын-
да бир шейлер пышылдап, багъча теренлигине чекилир. Эвден Ибра м
къайтып чыкъар. Къалып бир терекке ясланып, джеп дефтеринден
бир шейлер окъур, догърултыр. Орталыкъ эп къаранлыкълашыр.
Музыка.

Ибра м (дефтеринден окъуп). «Къайда барсам, уну-
тып оламадым, Ташыдым севгинъни гонълюмде...» Севги!
Севмек, севгинен чалышмакъ, чалышып севмек! Бундан даа
гузель, даа зевкълы не ола билир!.. Институтта, кимерде
бир, бир къач дерстен вазифе бериле. Оль-къал, азырла-
макъ керексинъ.

Кунъдюзлери кунъ ярыгъында, акъшамлары лампа
къаршысында... Ахыр сонъу башынъ агъырлаша, тала-
сынъ. Бойле вакъытларда онынъ суретини хатырламакъ
ёргъунлыгъынъы савуштыра, кунеш ышыгъы киби ба-
шынъы айдынлата, кучъ бере. (Давушыны алчатып). Учъ
йылдыр... Чешме башында эди... Сувгъа баргъанда раст-

келишкен эдик. Онынъ сув киби айдын, буллятор киби темиз козьлеринде озъ къальбимни окъудым. О да шай, къадалып бакъты. Элинде акътарылган гугюминъ бошалгъаныны дуймай къалды... Лякин ич бир сёз... Не о ве не де мен...

Учъ йылдыр, къальбимден чыкъмай, эп теренлешс. Мында, мектепте олгъанда, къач кере элиме къалем алдым, лякин къалемим кягъыткъа тюшмеди... Севем, лякин бильдирип оламайым, джесаретим етишмей... (*Саатине бакъып*). Тыпкъы бу мааллерде бу ерден сувгъа кететургъан. Бу маальни менчюн таинледими?.. Бельки башкъа биринедир? Аджеба онынъ къальби кимни къыдыра? Я барып да агъамны олса?.. (*Тыштан савут тасырдысы ве кулькю да вушлары эшитилир*). Мени кимнидир беклей беллемесинлер, козьден чекилейим. (*Элиндеки дефтернен терекке тырмашып чыкъар*).

С е л и м (*тыштан*). Эльмаз! Эльмаз! Токътачы...

Э л ь м а з (*тыштан*). Быракъ?.. Санъа дейим, быракъ мени... Быракъмайсынъмы? Мына санъа... (*Шакъылдап кулер*).

С е л и м. А-а, къачасынъмы? Мына мен сени шимди...

(*Къувалашып ичери чапып кирерлер. Селим Эльмазны тутаджакъ олып, Ибрам тургъан терекнинъ этрафында доланырлар*). Токъта энди, мында кимсе ёкъ. Чапкъалай-чапкъалай дирем къадар такъатым къалмады. Пульс докъсан докъуз ура, бираз даа чапсам разрыв сердца оладжам.

Э л ь м а з (*назнен*). Чапма да, сени ким меджбур эте?

С е л и м. Сен меджбур этесинъ, душечка. Ну вот, токътагъанынъ чокъ яхшы олды. (*Эльмазны сараджакъ олур*).

Э л ь м а з (*онынъ элинден къуртулып*). Къана, эллеринъи джебинъе къойчы.

С е л и м: Нечюндир бильмем, эллерим кармангъа кирмейлер.

! (*йырлап*)

Пек копюрген сачларынъ,
тарамайсынъ.

Унуттынъ сапсем бизлерни
къарамайсынъ.

Э л ь м а з (*кулип*).

Йигитлерге бакъылмаз,
джан севмесе,

Джан севмеге не бар я,
сепкиль бетте.

С е л и м. Алевинъ бет иритеджек,
кунешинъ дерья.
Биз экимиз гуляйт этсек,
олмазмы я?

Э л ь м а з. Зевкъ этердим бегенсем,
бурнынъ саркъкъан.
Алла санъа бой берген,
акъылдан къыткъан. ✓

С е л и м. Къайда къалды ант этип,
сѣз бергенинъ.
Умру, но сени унутмам,
деп юргенинъ?

Эльмаз индеме. Селим онъа якъынлашып, бир элини онынъ очузына ташлар.

С е л и м. Ну вот не къадар яхшы! Я санъа?

Э л ь м а з. Ярамай...

С е л и м. Мына шимди санъа да яхшы олур...

С е л и м эгилип Э л ь м а з н ы опеджекте, бирден Эльмазнынъ башы устюне Ибрамынъ дефтери тюшер.

Э л ь м а з. Вай, мында адам бар... (*Юзюни орытип, чапып кетер*).

С е л и м (*терек устюндеки Ибрамы эслеп*). Ну вот, комедия косьтермек ичюн терекке чыкъкъан. Олян, шу пытакъ устюнде бир минут даа раат отургъан олсанъ джанынъ чыкъаджакъ эдими? Бутюн ишни боздынъ.

И б р а м (*теректен тюшип*). Бираз даа сейир этеджек эдим амма, бу дефтер мени эльге берди.

С е л и м. Бакъ онъа, сейир этеджек экен! Мында спектакль бар ёкъса? (*Кулип*). Керчек, сен меним Айше къардашым пешинден де бойле сейир этип бакъа экенсинъ. Смотри брат, Зиянен аранъызда къавгъа чыкъмасын, экинъизни де котеклерим. (*Этрафына бакъынъган сонъ*). А вообще-то, меним айткъаным догъру олса, дейтсуй! Апай дегиль, акъай ол. Артындан чап-чапкъала, сырасы кельгенде бир бейитчик де къыстыр:

Сув янында бир терек, алдыр гули,
Шекер киби сѣзлери, балдыр тили...

Ну вот, эгер бейитни сабырнен динълесе, бетине шарт этип бир шамар чертмесе, демек эр шей ёлунда. Понимаешь, къыз деген шейни макътамакътан чекинме: дюльберсинъ десенъ, севдирир, алтынсынъ десенъ оптирир.

Ну вот, бундан сонъ онъа природаны тасвир эт. Месея: «Сия булутлар ач медведлер киби кокте чапышалар, кунеш де прожектор киби парылдай!» Ну вот! Истесенъ бакъ юкъарыгъа да: «Аджайип природа! Ай, кунеш ве йылдызлар эписи бир вакъытта парылдай», де. Я да: «Гузель баарь! Чёллерде къушлар чивильдей, голлерде лягушкалар вакъылдай, аранларда эшеклер иалай!»

Анълайсынъмы? Ну вот, чокъ яхшы. Сёзлеринъ бири-бирине драсти деменгине къулакъ асма. Дело не в том. О бу вакъыт сенинъ бош сёзлеринъи динълемек дегиль, омузы-омузума, эли-элиме не вакъыт тиер экен, деп тюшюне.

Айды, шимдилик бу къадар етер. Чокъ огретсем эписини унутырсынъ. (*Этрафына бакъынып*). Ну вот, санъа акъыл огретип, Эльмазны эльден къачырдым. Активлик керек, понимаешь, активлик!

(*Эльмаз кеткен тарафкъа чапар*) Эльмаз! Эль-ма-аз!..

Ибрам (*Селимни такълит этип*). «Активлик керек, понимаешь, активлик»... Догъру айта: бойле шейлерде къыз дегиль, башта эркек унер косътермели. Шай да япаджагъым: коръдимми, утанмай-чекинмей янына бараджагъым. Бельки бир къач сёз де айтырым...

Багъчанынъ теренлигинден Айшенинъ йыр сеси эшитилип, эп ичериге якъынлашыр. Ибрам терек артына чекилir.

Айше (*сана артындан*).

Ешилъ япракъ арасында къырмызы гуль, гъонджеси, Къайда къалдынъ, кельмез олдынъ, гонълюмнинъ
эгленджесси...

Ибрам (*джесаретленип*). Якъын кельдими, ич бир шей-деп сакъынмадан огюне барып чыкъаджам... (*Тыныкъ бир давушнен*). Гонъюль ферман беклемез дейлер, бельки мени индемей турсам да анълар...

Элинде гугюми Айше келип кирер. Ибрам онынъ ичери киргенини дуймай къалыр ве терек артындан чыкъкъанынен, Айшенен юз-юзге расткелишир. Бу гъафлетликтен акиси де абдырар. Ибрам бир шей-

лер айтаджакъ олса да, шашмалар, ахыр сонъу зорнен оксюрир ве терекнинъ экинджи тарафына кечер.

Айше. Сен бир шей айттынъ гъалиба.

Ибрам. Ёкъ... Мен бир шей... Мераба...

Айше. Я мераба...

Ибрам. Сагъ-селяметсинъми.. (озъ башына). Амма да суаль.

Айше. Сагъым. Озюнъден сормалы...

Ибрам. Даа не айтайым экен? (Айшеге). Авасы ачыкъ, кунеш парылдай... гъалиба ягъмур ягъаджакъ...

Айше. А-а...

Ибрам. Къозулар мелей, къушлар чивильдей...

Айше. Къайда о?

Ибрам. Къайда?.. (Озъ башына). Пакъыл киби бир къуш да корюльмей. (Айшеге). Узакъларда, орманларда...

Айше. А-а...

Ибрам (озъ башына). Ишлер ёлуна минеятыр, энди бир бейитчик де ташлайым.

Сув янында бир терек, алдыр гули,
Шекер киби сёзлери, балдыр тили...

Айше. Кимнинъ тили?

Ибрам. Энди бунъа не демели? «Сенинъ тилинъ» десем ачувланып чыкъып кетмезми? (Айшеге). Мен башкъа шей демек истедим. Шекер де бал киби татлыдыр...

Айше (кулумсиреп). А-а...

Ибрам. Айшенен утана-утана озъаралары мыш-мышлашкъан арада софада Зия пейда олур. Элинде балабан бир пакет.

Зия (пакетни башы устуне котерип). Бир ильмий эсер даа азыр! Ильмий истидадыма, озюм де шашып-шашып къалам. Кунъ кечтими — янъы бир эсер. Бир элим язгъаныны, экинджиси бозмай. Яздыммы — къала, чюнки тюзетмеге аджет ёкъ. Эй-ей, бу эсерлерни алгъан неш-рият хадимлери де меним зекилигиме, акъыл-идракимнинъ теренлигине тааджип этедирлер. (Айшени корип къалыр. Ибрам терекнинъ экинджи тарафында олгъанындан, оны эслемез). А-а, Айше мында экен. (Онъа догъру адымлар).

Рейан апте (ачыкъ пенджере артындан Билял къарткъа). Коресинъми, бизим бульбуль кене багъчагъа келип къонгъан. Бурулып-айланып тургъанына бир бакъ?

Ах кызычым, сени огълум янында келин деп корейим де. сонъ козьлерим юмулса да бир шей дегиль...

Зия (Айшенинъ янына барып токъталыр). Айше кадым!

Айше (абдырап, Зиягъа айланыр). А?!..

Зия (оны къолтукълап, санадан тышкъа алып бараткъанда). Замет олмаса, мына бу пакетни... (чыкъарлар).

Рейан апте. Сонъ, насыл, айткъанларыма къандынъмы?

Билял къарт. Бакъ сен къурназ эрифке, эки бинъ беш юз йыл эвельси ольген келин бу олмалы даа...

Экиси де пенджерен чекирлер. Ибрам терек артындан чыкъар.

Ибрам (кедерли бир даушнен). Бар эди, ёкъ олды. Шаирнинъ бири бойле бир вазиятте къалгъанда шай деген:

Дагълара сачтым экин,
Алдылар элимдекин...

ПЕРДЕ ЭНЕР

ЭКИНДЖИ ПЕРДЕ

Биринджи лева

Сана: биринджи пердеде олгъаны киби.

Рейан апте ве бир койлю къадыны ютум-ютум къаве ичип, озъаралары лакъырды этмектелер.

Къадын. Эшкъ олсун, акъыз, эшкъ олсун о сенинъ кучюк огълунъа бинъ бир кере эшкъ олсун! Вай джаным Рейан, келип оны бир динълегей эдинъ. Валлай, емин этип айтам, эки козюм кёр олсун, эгер бир кызым олгъан олса онъа берир де, оны мытлакъа киев япар эдим. Алмайджакъ олса зорнен эвге алып келир эдим. Акъыз, кеченде клубта колхоз акъкъында ойле бир бейит окъуды амма, эм агълайджакъым кельди, эм де гонълум джошып кетти, тап яшлыгъымны хатырладым. Аферин балагъа. кечми-

шимни де, бугунимни де хатырлатты. Аджи Османларгъа чалышып юргенимиз акъылындармы? Яшайыш эдими о?.. Акъыз, бу бейитлерни огълунъ озю яза экен. Инанасынъмы, бутюн зал сес-шамата ичинде къалды, эр кес «просим» деп къычыра. Къуртийнинъ къызы бар да,— меним янымда отура эди,— яначыкълары атеш киби къызарды да, уйма дудачыкъларынен кулюмсиреп, козьчиклерини Ибрамгъа тикти де къалды.

Рейан апте (тюшюнджели бир алда). Айшеми?

Къадын. Э-э, Айше... Я акъыз, бу сизинъ буюк огълан не япа шу? Шунъа асла акъылым етмей. Генчлиги кечмеден къартайып къалды гъалиба. Сен бир бакъчы, койден не къадар яшлар окъуп кельдилер, эписи мына санъа деген адамлар олдылар. Амма бу сизинъки заман яшларына асла ошамай. Айткъаныма джанынъ агъырма-сын, оны корьген сайын эски заман сохталарыны хатырлайым. Инсанлыкъ алыдыр, ёкъса бир хасталыгъы бармы?

Рейан апте. Не десем ялан айтаджам: хаста десем — хаста дегиль, сагълам десем — сагълам да дегиль...

Къадын. Я неси бар?

Рейан апте. Неси олгъаныны мен де бильмейим. Адети узре багъчеван — багъча ишини, бостанджы — бостан ишини, джумле алем озь зенаатыны биле тургъан. Бизимки тильджи олгъан. Онъа да дееджем ёкъ, бир шей оладжакътыр эбет. Амма тильджи олгъан сонъ текмиль тилини джойды, не биз оны, не де о бизни анълай.

Къадын. Акъыз, бизим яшлыгъымызда япкъанлары киби, агъызына бир беш капик къойып, тилини сыкътырып бакъмадынъызымы? Бельки бир чареси тапылыр эди, (Рейан апте «ёкъ» манасында башыны чалкъар). Эвде бир озю къапалып къалгъан сонъ тилини дегиль, акъылыны да джояр. Колхозгъа чыкъсын, колхозджыларнен сёйленип бакъсын. Сен бир бакъчы акъыз, не къадар янъы сёзлер догъды: ударник, бригада, звено, контракция, бильмем даа не. Дейим де, тиль деген шей де денъишмей турмай. Эгер шимди бир муджизе олып, къартбабам мезардан чыкъса, о да бизим чокъ сёзлеримизни анъламаз эди. Бу сизинъки десенъ тильни тек китаплардан огренеджек ола. Ойле олмай даа о.

Рейан апте. Бабасы айта: энди баягъы яшларына кельди, бир лйыгъыны тапып, шеэрге къайткъандже оны эвлendirмек керек дей. Мен де ойле тюшюнем, эвленсе

бир такъым олмайджакъ шейлерден башы бошалыр эди.
Къадынынен сыкъ-сыкъ лаф этсе, тили де чезилир.

Зия элиндеки китапкъа бакъып, софагъа чыкъар.

Зия (бирден баш пармагъыны манълайына тиреп).
Анай, тез ол, давран!..

Рейан апте (тааджипленип). Не олды я огълум?

Зия. Башымнынъ мына бу еринде терен бир фикир
пейда олды. Къарасувны бер де, унутмаздан эвель оны
диптеронгъа язып къойяйым.

Рейан апте. Нени дединъ шу огълум?

Зия. Къарасувны бер дедим.

Рейан апте (айретте). Къарасувны?.. Я о балабан
шеэрни мен санъа насыл берейим?

Зия. Шеэр дегиль, мен сизден мерекеп истейим. Мс-
рекепининъ халис татарджасы къарасув демектир. Бундан
башкъа меним «фикрий къайд» диптеронымны да бер!

Рейан апте. Ачыкъча айт, огълум, нени берейим?

Зия. Диптеронымны.

Рейан апте. Иш коръсин козюнъ, я ойле демеси
де не демектир?

Зия. Эй сизни койлюлер, оны да анълап оламай-
сынъыз. Диптерон демек дефтердир. Бу сёз арапчадан
алынгъан. Онынъ юнанджасы диптерон, яни эки къанатлы
демектир. Онынъ ичюн мен бу сёзнинъ асыл шекилинден
файдаланам: диптерон!

Рейан апте (пиязен). Сен, огълум, ич олмадым
лакъырды эткенде шу тасырдылардан вазгеч. Биз сени
нишанлайджакъ оламыз, сен бунъа не дейсинъ?

Зия. Биз лисанджылар эр анги бир сёзни талиль эт-
кенде илькиде оны тафсилятлы муайенеден кечиремиз.
Мына, дикъкъат этинъиз: биринджиде, нишан не демек-
тир? Бу сёзнинъ не кибиде мефъумлары бар? Бу мурекеп
маналы бир сёз олмакънен, нишан — ишарет, нишан —
алямет, нишан — тамгъа, нишан — дередже бахсидир.
Эшекнинъ къулагъы кесильсе — о да нишан. (Коксюндски
значёкны косътерип). Бу да нишан. Экинджиде, нишан сё-
зюнинъ тамырындан «нишанламакъ» сёзю келип чыкъа ки,
нишангъа алмакъ, козьлемек...

Рейан апте (сабыры тюкенип). Эй балачыгъым,
шу ойнакъ тильчингине чыбан чыкъкайды да, лаф этип
оламагъайдынъ.

Зия (озь башына). «Чыбан»? Аджeba тильдеки «чыбан»нен чёльдеки чобан арасында не фаркъ бар? Буны аль этер экен назарымызны ильк эвеля «чобан» сёзюнинъ тешеккюлине ташламалымыз. Эвель-эвсльден берли айван бакъыджылар «чоб-чоб» сёзлеринен...

Багъча ичинден кескин-кескин тавукъ сеси, сонъра Сундюс апте-нинъ давушы эшитилр.

Сундюс апте (сананынъ артындан). Кишт-кишт... Тут, тут Айше... Ай сени быралкъы айван... Бакъ сен онъа, огю аш толу олса да, козю эп халкъ къорасында... Кишт-кишт...

Зия (пенджерелден бакъып). А-а, Айше мында экен. (Джебинден кучюк бир пакет чыкътарып, софадан тюшер).

Рейан апте. Айшенинъ анасы Сундюснинъ сссине ошай. (Багъырып). Сундюс! А, Сундюс! Ташла тавукъны Айшеге де, кир бир къаве ичейик.

Сундюс (тыштен). Кишт, кишт... Мына шимди кирерим.

Къадын. Ёкъ, Рейанчыгъым, онынъ тилине беш капик дегиль, балабан бир окълав къойып сыкъсанъ да кайыр этеджек шейге ошамай.

Сундюс (кирип). Валлай, бойле быралкъы тавукъ даа омюримде корьген шейим дегиль эди. Огюнде чувалнен ем тёксеиъ де, мытлакъа халкъ къорасына барып бурун сокъа.

Рейан апте (кулюмсиреп). Бунда да бир алямет бардыр.

Сундюс. Не алямет олсун, акъылсыз бир айван иште, башы къайда айланса, аякълары о тарафкъа алып чапа.

Рейан апте. Ёкъ, джаным Сундюс, тавугъынъынъ бизим къорагъа келип-келип кирмесинде мытлакъа бир алямет бардыр. (Азбаргъа бакъып, ишмарнен Сундюске косътерир). Мына, тамам устюне тюштик: коресинъми, Зия Айшеге мектюп туттыра.

Сундюс. Акъыз, башкъа бир шей олмалыдыр.

Рейан апте. Башкъасы-машкъасы ёкъ, къач кередир озь козьлеримнен корьдим.

Сундюс. Деме?!

Къадын (оларгъа якъынлашып). А-а, мына не..

Рейан апте. Корьдинъми, мектюпни берди де, озю бир шейден хабери олмагъан адам киби аман арткъа че-

княди. Бакъкъапымызны корьмесин. (*Ерлерине къайтып отурырлар*). Эписи къурназлыкъ. Бундан бир — бир бучукъ ай эвельси бабасынен де корьген эдик. Озю, чалышам деп, гедже-куньдюз кягъыт къаралай, сонъ Айшенинъ элине туттыра.

Сундюс. Бакъ сен оларгъа! Мен де Айшемден бир шейлер дуймай къалмадым, амма буны кучюк огълунъызгъадыр беллей эдим. Бизим кызынынъ агъызында ялынъыз о: Ибрам ойле япты, Ибрам бойле япты,— асла сонъухыры ёкъ.

Къадын. Земане кызылары ойледир о: кызым санъа айтайым, келиним сен динъле.

Сундюс. Зиядан бойле шей асла умют этмей эдим.

Рейан апте. О да Ибрамым киби пек агъыр амма, бираз къурназлыгъы бар гъалиба. Лякин изине бастыкъ, иншалла, уджуны къачырмамыз.

Сундюс. Бир денъеп бакъайыкъчы.

Рейан апте. Иште, келеятыр.

Элинде бир конверт олгъаны алда Зия багъыра-чагъыра софагъа келип кирер.

Зия (*конвертни баш устюне котерип*). Музаффариет! Гъалибиет! Триумф!

Къадынлар тааджиппен аякъкъа атылып турарлар

Рейан апте. Огълум неге тап окъадар къувандынъ?

Зия. Анайчыгъым, музаффариет, музаффариет, илим дюньясында мени беян этеджек биринджи гъалибист, триумф!

Рейан апте (*бир Сундюске ве бир де Зиягъа бакъып алгъан сонъ*). Огълум, баре бизни де къувандыр: сонъ, меним айткъаныма не дейсинъ?

Зия. Насыл шей анайчыгъым?

Рейан апте. Санъа нишан берейик, деген эдим.

Зия. А-а, нишан... «Нишан» сёзю чокъ маналы сёзлер категориясына кирмекнен, аятымнынъ бу гъалибист куню эр шейге разым. (*Элиндеки мектюппи ачар экен, янаша одагъа кирип кетер*). Музаффариет, музаффариет!..

Къадын. Бу Музаффар дегени де ким экен?

Рейан апте. Бир досты олмалы да.

Сундюс. Орта ерден неге о кѣдар кѣуангѣан экен?

Рейан апте. Неге олсун, эвельси Айшенен корюшкенде ондан кѣаршылыкъ алмай эди. Амма шимди элиндеки мектюни корѣдинѣизми? (Сундюске). Сонѣ, кѣудагѣый, айткѣанларыма кѣандынѣмы?

Сундюс. «Эр шейге разым» деди амма, сонѣундан пешман олмаса.

Кѣадын. Коресинѣми оны, нишан чокѣ маналы сѣз-дир, дей.

Сундюс. Валлай, кѣулакѣларым эшиткенине инанаджагѣым кельмей.

Рейан апте. Мында инанмамагѣа не бар? Ишни олар башлагѣан, бизге исе битирмек керек. Огѣлан разым, деди.

Сундюс. Ойле олса, занымджа кѣыз да ёкѣ демез. Вай Рейан, бир кунѣ ола кѣуда олурмыз деп асла акѣылыма кельмеген эди. Баре кель, кѣуда олып бир опюшсѣик.

Кѣадын. Энди тойларында эгленмек кѣысмет олсун.

Мусафирлер сагѣлыкѣлашып кетерлер. Рейан апте бир озю.

Рейан апте. Огѣлумыз етишти, келин сечильди, энди тойы кѣалды. Иншалла, о да олур. Эв донатып-азырларым, келин кельсе Айше деген бир де кѣызым олур. «Ана!» дер. «Не я кѣызым?». «Мен клубкѣа барып эгленмек истейим, мумкюнми?» «Нечюн мумкюн олмасын, бар, эглен кѣызчыгѣым». Омюр деген шей иште бойле яраша экен...

Кунѣ кечер, ай кечер, йыл кечер. Кучючик, тос-тома-лакѣ бир тосунчыкѣлары олур. Эбет де биринджи вакѣыт-ларда келин оны бакѣмагѣа бильмез, аягѣыны-элини топ-лап багѣлар. «Ёкѣ, кѣызым, баланы ойле багѣламазлар, мына бойле тут, кѣундагѣыны мына бойле сар», дерим. «Сакѣт ол, аягѣы сыкѣылмасын, эльчиги кѣайырылма-сын», дерим. Быламыкѣ пиширирим торунчыгѣыма. Гедже-лери «ау-ау» деп шыншылаагѣанда, келинге дуйдырма-дан экинджи одагѣа алып чыкѣар да, оны кѣучагѣымда тепретирим...

Бу арада сес-солукѣсыз софада Билял кѣарт пейда олур. Рейан апте оны эслемез ве элинде бала бар киби о якѣ-бу якѣ тепренио ве йырлар.

Багъчада кърдым салынджакъ, ай-нени.
Келип-кечкен салланаджакъ ай-нени.
Элине вердим оюнджакъ, ай-нени,
Юкъламаз олды бу беби, ай-нени.
Нени меним гулюме, ай-нени,
Хош багъча бульбулине, ай-нени.
Гуль багъча сумбулине, ай-нени,
Уюмаз олды бу беби, ай-нени...

Б и л я л к ъ а р т. Бакъ сен бу утанмазнынъ япкъа-
нына!

Рейан апте (*кулюмсиреп*). Утанмаз экен! Бельки
керчек шейдир...

Б и л я л к ъ а р т (*тааджипленип*). Сен не айтасынъ,
бу къартлыкъта шашырдынъмы шу?

Рейан апте. Нечюн шашырайым? Олуджы шей-
дир...

Б и л я л к ъ а р т. Бакъ онъа, етишкен огъуллаары ол-
сун да, о даа нечюн деп сорай.

Рейан апте. Я барып да олса...

Б и л я л к ъ а р т. Ёкъ, ёкъ, ич бир шей танывам.

Рейан апте. Я сен танымасанъ халкъ не тюзюпир?

Б и л я л к ъ а р т (*якъын келип*). Не, керчектен де бир
шей бар ёкъса?

Рейан апте. Менде дегиль...

Б и л я л к ъ а р т (*сигильден нефес алып*). Ойле десе.

Рейан апте (*назнен*). Адамым! Эй, адамым!

Б и л я л к ъ а р т. Сонъ?

Рейан апте. Огълунунъ эвленмесине адамым на-
сыл бакъа?

Б и л я л к ъ а р т (*сабырсызланып*). Джаным асла не
бар шу? Де бала юкълатасынъ, де огълунъы элендиресинъ.

Рейан апте. Зия сёз берди, десем, адамым не дер?

Б и л я л к ъ а р т (*тааджиплен*). Деме?!

Рейан апте. Келин Къртийпинъ кызы Айше
оладжакъ десем, адамым не дер?

Б и л я л к ъ а р т. Деме?!

Рейан апте. Я къудагъыйнен де анълаштыкъ, де-
сем, адамым не дер?

Б и л я л к ъ а р т (*къуванып*). Къазан къайнагъан,
аш пишкен, тек бошатмасы къалгъан десе? А-а, энди анъ-
лайым, язылгъан мектюплернинъ ери бар экен де... (*Къа-
пыгъа якъынлашып*). Огълум, Зия, къана мында чыкъчы!

(Зия гъает кедерли бир алда пейда олур). Ах сени, айнеджи тильки, эр шейини этек астындан битирмек истединъми? Ана-бабанъдан разылыкъ сорамагъа утандынъмы? Айды, зарар ёкъ, шимдики яшлар чокъ сорап турмайлар...

Зия (кедернен элиндеки мектюпке бакъып). Ёкъ, мен ич бир шей анълап оламайым...

Бил ял къарт (кулип, Зиягъа пармакъ саллап). Ой да анълайсынъ амма...

Зия (сёзюни девам этип). Язып ёллагъан эсерлерими шу дередже терен ифаделегениме озюм биле тааджип эттигим алда манъа бойле ахмакъ джевап язгъанлар.

Бил ял къарт. Санъа кене не олды? Бааръ авасы киби саатте бир табиятынъ денънше.

Зия (элиндеки мектюпни окъуп). «Сайгъылы Зия аркъадаш! Арды-сыра ёллагъан он беш дане «Ильмий эсер я да фикрий беян» адлы къолязмаларынъызны алдыкъ. Бу чешме киби акъып тургъан мектюплеринъизге ниаат чекмек ичюн сизге бу джевапны язамыз.

Биринджиде, «эсерлеринъизнинъ» серлевасына бакъкъанда биле, оларнынъ мундериджеси чыплакъ, манасы токъал, тиль бильгисинен ич бир алып береджеги олмагъан тасырдыдан ибарет олгъанлары анълашыла». (Козълерини мектюптен алып). «Тасырды» экен!..

Бил ял къарт. Я мен не деген эдим?

Зия (девам этип). «Месея, биринджи учъ къолязманъызгъа шойле адлар бергенсинъиз: «Къыскъааякълы сёзюнинъ къаплыбакъа сёзюне муласебети», «Къуртий сёзюнинъ тешеккюлине тарихий бир назар» ве иляхри. Къолязмаларынъызда буюк сёзлер чокъ, амма мана ёкъ...

Бил ял къарт (онынъ дикъкъатыны озюне джельп этеджек олып). Зия, манъа бакъчы!

Рейан апте. Быракъ шуны, окъуп битирмегендже эп бир лаф этмез.

Зия (девам этип). «Экинджиде, «сёзлер ифаде эттик-лери мананынъ такълиди я да бахсидир» къолязманъызда шойле кулюнч теклифлерде булунасынъыз: автомобильге атсыз араба демек, трамвайгъа — телли араба, паровозгъа — бухар арабасы ве саире. Я да: хоразгъа — кукареку, тавукъкъа — кукарекунынъ ыргъачы сойы, эшеске — ио-ио.

Бундан чокъ йыллар эвельси автомобиль, трамвай не олгъаныны бильмеген къартлар атсыз араба, телли араба дей хаяллана эдилер. Лякин шимди, йигирминджи асыр-

да, машиналар вызыр-вызыр козюнъиз огюнден келип кечкен бир девирде сизинъ берген теклифинъиз бизни айретте къалдыра.

Учюнджиде, озюнъиз татар тили акъкъында язсанъыз да, къолязманъызгъа бакъкъанда «аджеба бу адам татарджа лакъырды этмеге билеми экен?» шубесинде къаласынъ». (Козълерини мектюптен алып). Язгъанларына бакъ: «татарджа лакъырды этмеге билеми экен?». (Мектюптен девам этип). «Сизинъ къолязмаларынъызны окъумакъ ичюн янында мытлакъа арап ве фарс лугъатларыны булундырмакъ керек, я да, Насреддин оджанынъ мектюплери киби, озюнъизге окъутмакъ керек.»

Рейан апте. Джанынъ агъырмасын, огълум, пек догъру язалар. О сенинъки тильми я.

Зия (девам этип). «Дёрдинджиде, сизге аркъадашта шу тевсиелерде булунамыз: койде колхозджыларынынъ тиллерине дикъкъат этинъиз, татарджа лаф этмекни олардан огренинъиз». Сёз ёкъ, гузель тевсие: мен, ильмий хадим, барып койлюлерден тиль огренгей экеним...

Билял къарт. Догъру язалар: халкънен корюшип, джанлы тильни огрен. Къардашынъ Ибрамгъа бакъ, джемааттан айырылмай, онынъчюн халкъ да оны севе. Амма сен...

Зия (мектюпни котерип). Ёкъ, мутерем муаррир аркъадашлар, сизлер меним эсерлеримни анъламакъ севиесине даа етмединъиз. Мен оларны илимлер Академиясына ёлларым, эбет, Академиягъа! (Чыкъмакъ ичюн къапыгъа догърулыр).

Билял къарт. Зия, оны сонъ ёлларсынъ. Къана, айтчы, хайырламакъ мумкюнми?

Зия. Нени? Мына бу къара язылы, къара мектюпними?

Билял къарт (къызып). Бургъалама. Зия! Сёз берильген, разылыкъ алынган.

Рейан апте. Къудагъый де ёкъ демеди. Энди той пып, эв къурманъыз къалды.

Зия. О да насыл тойдыр? Риджа этем, мени озь тынчлыгъымда къалдырынъыз. Бойле де башым-козюм айланды. (Янаша одигъа кирер).

Билял къарт (онынъ артындан). Ёкъ, энди мартавал кечмез: той оладжакъ! Сёз бердинъми, саиби ол.

Экинджи лева

Сана: колхознынъ раатлыкъ багъчасы. Тереклер, скемлелер. Сананынъ артында — узакъта голь. О ерлерде шимди кунешнинъ сонъки нурлары ойнамакъта. Сананынъ артындаки теректе буюк бир репродуктор. О ердеки илянда, сейирджилерге корюледжек дережде буюк арифлернен, шу сёзлер язылган:

«Дикъкъат! Дикъкъат!

Бугунъ оюн акъшамы! Ойнамагъа бильгенлер — оюнга, бильмегенлер — сейир этмеге буюрсинлар!»

Перде котерильгенде репродуктордан «Акъшам да олса, кунъ къонса» макъамы чалыныр.

Бираздан, сананынъ артындан, Айшенинъ йыр сеси эшитилир:

Акъшам да олса, кунъ къонса, мейвалыкътан ах-ах,
Эм сарардым, эм солдым, севдалыкътан ах-ах...

Айше (ичери келип кирер. Устюнде мавы йипек антери. Узун ве копюрген сачларыны омузлары устюне ташлагъан). Иште бугунъ де иш битти — акъшам олды, кунъ кетти — гедже кельди. Кунъ де гузель, гедже де гузель...

Тюневин «чыкъарсынъмы?» деди. «Къайда?» дейим. «Багъчагъа» дей. Айта да, къызара. Сонъ кулюмсиреп алды. Мен де къызарам, «ёкъ, ишим бар», дейим. Назланмакъ истейим. Амма юрегим сабырсызлыкънен «чыкъарым, чыкъарым» деп текрарлай. Ойле де олды: ондан эвель мен чыкътым. (Кейфи бозулган бир тавурда). Ойле амма, я барып да кельмесе? Ялынъыз башымда меним алым не олур? Къырылган юрекнен айнынъ бу кейфсиз солукълыгъыны, сарарып тюшкен япракъларнынъ бу мынафыкъ пышылдыларыны насыл бир дуйгъунен ис этерим... Къайда къалды экен?... Я барып да мени кельмейджек беллеп...

Р е п р о д у к т о р д а н. Дикъкъат! Дикъкъат! Саат он секизни отуз дакъкъа кече. Оюн акъшамына башлаймыз!

Айше. Даа эрте экен...

Ибрам (сана артындан, йырлап).

Аймысынъ, йылдызымысынъ, келинмисинъ, къызымысынъ, Мен янынъа бараджагъым, багъчада янъгъызымысынъ?..

Айше (сес кельген тарафкъа къуванчнен айланып).

Ай дегилим, мен йылдызым, келин дегиль, мен къызым. Кель берабер къонушайыкъ, багъчада мен янъгъызым...

Ибрам (ичери кирер. Устюнде без костюм, бойнунда кырмазы галстук. Элинде бир топ гуль. Аз бучукъ дсвам эткен сукюнеттен сонъ, йырап).

Айтайым десем тартыла, акъ танълайым,
Къальбимдеки сырларны айталмайым.

Айше.

Айтайым десепъ чезилир, акъ танълай да,
Козьлеринъ айтып тура айтмасанъ да.

Ибрам.

Акъшам ах деп ятам мен, ай баткычы,
Адынъ айтып чыкъам мен, танъ аткычы.

Айше.

Куньдюзлери эсимде тургъан сепсинъ,
Геджелери тюшюмде эгленджемсинъ...

(Отурырлар. Сукюнет).

Ибрам. Япракълар тѣкюлир, тереклер союныр, чечеклер солар, тогъайлар сарарыр, кунеш кусер... (Элиндеки чечеклерни косътерип). Чечеклер ренксизлешир, солар, башлары саркъар.— демек оларнынъ да кышы кельди. Лякин биз... (Сѣзюни кесип, теренден нефес алыр). Биз исе ялынъыз бааръде яшармыз. Ойлеми, Айше?

Айше. Эбет, биз омюрнинъ кышсыз бааринде яшармыз!

Ибрам (гульдесте ичинден кырмазы бир гуль чыкъарып). Айше риджа этем, бу гульни коксюнъе такъ!

Айше(алыр. Гульдестеден экинджи бир гуль чыкъарып). Буны да сеп такъ!

Ибрам (гульни элине алып, буюк бир эеджаннен). Кырмазы гуль!.. Аджеба кырмазы гуль ничюн севги румузы олгъан? Чюнки бу кызыллыкъта генчлик, тазелик темизлик ве дюльберлик ифаделенген; чюнки бу кызыллыкъта алевли гонъюль, араретли юрек ве гузеллик суретленген; чюнки кырмазы гуль де севги киби се-

вимли, севги киби хош ве севги киби мутебер бир шей-
дир...

Ай ше (теренден нефес алып) Гузель... Чокъ гу-
зель... Бойле вакъытта бутюн барлыкъ, бутюн кяинат
гонъюль охшай...

Бираздан сана артындан тасырдылар эшитилир. Селим мен
Эльмаз къувалашып ичери келип кирерлер.

Эльмаз. Селим, арсызланма, мына ташлар да кете-
рим.

Селим (Эльмазны сарып). Ну вот, тапкъан шей айт-
магъа. Кель, ал яначыгъынъдан..

Эльмаз (къуртулмагъа тырышып). Чекиль, токъун-
ма, валланий, сени ташлар да кетерим.

Селим. Ахмакълыкъ япма, Эльмаз. Бойле прекрас-
ный бир акъшамда о да не демектир? Честное слово,
Эльмаз, санъа акъыл бере-бере озюм де акъылсыз къал-
дым.

Эльмаз (бир къач адым кери чекилип, Селимге).

Кокте йылдыз юз алтмыш,
Къашлеринъ къалем чатмыш.
Джумле алемни топракътан...

Селим (онынъ сёзюни болип).

Мени нурдан яратмыш...

Эльмаз (текрарлап).

Джумле алемни топракътан,
Сени чамурдан яратмыш...

Селим. А-а, чамурданмы? Мына мен сени шимди...
(Къувалашып санадан чыкъаджакъта, Селим Ибраимнен
Айшени корип къалыр). Вай, анайчыгъым, меним корьгс-
ним недир? Козьлерим алдатмайлармы экен? (Эльмаз-
гъа). Ыш, сес-солукъ чыкъарма...

Эльмаз терек артына чекилир. Селим пармакъ уджаларына басып,
оларгъа якъынлашыр, скемгеде аркъа тарафтан оларнынъ ортасын-
да отурыр.

Ибра м. Севги... Севги чокъ къуветли бир шей экен... Айше (утана-утана кулюмсиер). А-а.

Ибра м. Мына, отурасынъ амма, отурып да оламайсынъ.

Айше. А-а... Я нечюн отурып оламайсынъ?

Ибра м. Шай... Сонъ, тилинъ уджуна бир чокъ хош сёзлер топлана, айтаджакъ оласынъ, амма айтып оламайсынъ...

Сели м (отургъан еринден сабырсызлыкънен атылып турар). Олян, «севем» деп айтып оламайсынъмы? Бу да йигит олгъан...

Айшенен Ибра м абдырап, отургъан ерлеринден секирип турарлар. Айше агъасыны корьгенинен, вайылдап къачып кетер. Онынъ пешинден Эльмаз чыкъар. Мейданлыкъкъа бирер-экишер яшлар топланып башлар.

Сели м. Эгер бу тотай къыз меним къардашым оламагъан олса, оны сенинъ элинъден тутып алыр да, санъа ласточканынъ къонган ерини косътерир эдим. Валлай, акъыллы бир паренъ олсанъ да, настоящий дураксынъ. «Айтамайым» экен! Сен айтмасанъ, Ахмет ахай келип айтаджакъмы ёкъса? Севги, красота, природа акъкъында джаным-джаным стихлер язасынъ, а вот «сени севем» демек элинъден кельмей. (Джиддий бир тавургъа кирип). Хаберинъ бармы, сёз кесильген?

Ибра м. Сёз кесильген дейсинъми?

Сели м. Эбет, сёз кесильген, амма санъа дегиль, Зия ичюн.

Ибра м. Зия?!

Сели м. «Айтамайым» деп юрсенъ, Зия олмаса, башкъа бири айтыр да, къызнынъ башына чембер багълар.

Озь аралары лакъырды этерлер. Репродуктордан фокстрот чалымагъа башлар. Йигитлер ве къызлар оюнгъа тюшерлер: ойнап де ичери кирерлер, де сананынъ артына кечерлер. Бир къач эсли-башлы койлю кенардан сейир этерлер.

Сели м (сёзюни девам этип). Анъладынъмы? Ну вот, разылыкъ берсенъ, Айшенен де лаф этермиз и... (Тикилип Ибра мгъа бакъар, ондан джевап беклер).

Ибра м (къуванчнен онынъ элини сыкъып). Мен джан-гонъюльден разым.

Сели м Айса энди бизге де ойнамагъа мумкюн.

Селим Ибраһимның элинден тутып, мейданлыкның экинджи тарафында гъайып олулар. Бираздан Ибраһм Эльмазнен ве Селим Айшенен ойнап, оюнджылар арасында пейда олулар.

1. койлю. Хоросторот деген яңы оюнлары бумы шу?

2 койлю. Ёкъ, джаным, хоросторот дегиль, форосторот дейлер онъа.

1 койлю. А-а, мына не...

Ичери Сеттар эмдженен Зия келип кирерлер.

Сеттар эмдже. Шашам санъа, Зия, иш де иш амма, о да вакъытында ола. Коресинъми яшларны, фырыл-фырыл айланалар. Айгиди сени генчлик!

Зия. Мен фырыл-фырыл айланмагъа дегирмен ташы дегилим. Бош шей...

Селим (Айшенен ойнап санагъа киргенде). Йигит десенъ де ери бар! Жалъ, мен къыз олып догъмагъаным, а то шу дакъкъасы Ибраһим сенинъ элинъден тутып алыр эдим. (Экинджи кере ичери киргенде). Сонъ, Айше, Ибраһимгъа не дейим?

Айше (утанып). Бильмейим...

Селим. Манъа къалдырасынъмы?

Айше. А-а...

Селим. Ну вот, сразу ойле дегей эдинъ. Энди эр шей ёлунда олу...

Эльмаз (Ибраһимнен ойнап санагъа киргенде). Къыз десенъ де ери бар! Валлай, мен йигит олып догъмагъаным, Айшени шу дакъкъасы сенинъ элинъден къакъып алыр эдим. (Экинджи кере ичери киргенде). Сёз кесильгенинден хаберинъ бармы? Айса, даврамакъ керек.

Зия. Сеттар эмдже, мен тек эсимде дегиль, тюшюмде де чалышкъан бир алимим.

Сеттар эмдже. Худжур шей... Я тюшюнде на-сыл чалышасынъ?

Зия. Мына, юкълап яткъанда, умют эткенден акъылыма бир сёз келе. Фарз этейим «лампа».

Сеттар эмдже. Зия, тюшюнде де шу сафсата-ларнен огърашасынъмы?

Зия. Биз алимлер ичюн юкълагъанда да раатлыкъ ёкътыр.

Бу «лампа» сёзюнден бир чокъ суаллер келип чыкъа:

аджеба лампагъа не ичюн лампа денильген де, балта денильмеген?

Сеттар эмдже. Лампагъамы?!

Зия Токъта. Сеттар эмдже, фикирими бозма. Бу биринджи суаль экинджи бир суальни догъура: аджеба «лампа» сёзюнинъ тешеккюли неден ибареттир? Бу суаль исе озъ невбетинде учюнджи бир суальни догъура: аджеба онынъ фонетик теркибининъ асылы неге багълыдыр? Бу суальнынъ суалининъ аль этильмеси исе дёртюнджи бир суальнинъ келип чыкъмасына себеп ола, яни...

Сеттар эмдже. Не битмеген суаллер олды шу. Сонъ-сонъу не ола шу?

Зия. Бундан сонъ мына не ола, Сеттар эмдже: юкъу арасы «лампа» сёзюнинъ тешеккюли акъкъында белли бир хулясаларгъа келип, саба тургъанымнен дефтериме язам: «Лампа лап-лап этип янгъанындан, «лампа» олып къалмасы шубесиз бир делильдир».

Сеттар эмдже. (шубенен). Айтчы, Зия, бу юкъу арасы язылгъан шейлер сандыракълав олып чыкъмаймы?

Зия. Ойле дегенлер де бар. Лякин мен умуот этем ки, куню келир тиль саасындаки бу кешфиятларымны бутюн дюнья алгъышлар!

Оюн токъталыр. Сананынъ тышында зий-чув къопар, кульги давушлары эшитилр: «ёкъ-ёкъ», «догъру-догъру», «къана, башымдан зувунъыз». Селимни итеклеп, ичери 5-6 къыз нелип кирерлер.

Селим. Ну вот, сес-шаматанъызнен текмиль къулакъларымны тындырдынъыз. Къапатмасам олмайджакъ гъалиба (*Къулакъларыны памукънен тыкъар*).

Къыз. Бакъ сен онъа, озю шамата къопара да, сонъ бизни къабаатлай. Баре агъызынъа да памукъ тыкъагъай эдинъ.

Селим (*созул*). Из-ви-ня-юсь, бу дюньяда энъ аз лаф эткен адам меним. Сизге исе табият агъыз ерине бирер лаф торбасы такъкъан. Валлай, беш къыз бир ерде топланса, ичине тильки тюшкен беш бинъ тавукълыкъ ферманы анъдырасынъыз. (*Кулькю*).

Къызлар. Ялан... Догъру дегиль. Сенсинъ о лаф торбасы...

Къыз.

Лафы-лафкъа ошамай,
Агъызы лафтан бошамай. (*Кулькю*).

С е л и м (багырып). Тише! Бу меселени эйиси бизим намлы тильджимиз Зия анълатсын. (Зиягъа). «Профессор» аркъадаш, айтчыныз, аджеба тильге нечюн баба тили дегиль де, ана тили дегенлер?

З и я. Эгер биз «ана» сёзюнинъ тешеккюлине тарих нокътайъ назарындан бир назар ташлап, оны лисаният илими нокътайъ назарыдан тафсилятлы суретте талильден кечирир исек...

С е л и м. Онынъки чокъкъа бараджакъ, баре мен озюм отвечать этейим. Къадынларнынъ тили эркеклернинъ тилинден чокъ узун олмаса да, о фырылдавукъ киби айлана: эркеклернинъ бир айда айткъаныны олар бир саатте пускюртип ташлайлар. Онынъчюн де «баба тили» дегиль, «ана тили» дегенлер.

К ы з. Ой да азыр джевап экен эй...

К ы з л а р. Ташланъыз шуны, кызылар, оинен эп бир башкъа чыкъамамыз.

Кызылар Селимден четлеширлер. Селим, Мурат ве Ибрам озь аралары топлашып, джанлы-джанлы лакъырды эткен сонъ.

С е л и м. Эльмаз, мында кельчи! Къартлар Айшени Зиягъа нишанлайджакъ ола экенлер. Оларнынъ хатирини кырмайыкъ.

Э л ь м а з (тааджипленип). Сен шашырдынъмы не? Гуль киби бир кызыны шу эвель заман сохтасынынъ къучагына ташламакъ олурмы?

С е л и м. Ёкъ, мен башкъа шей айтмакъ истейим. Ксбап да пишсин, шиш де янмасын, дейим.

Э л ь м а з. Ачыкъ айтчы, мерамынъ недир?

С е л и м. Бир акъшамда эки той япайыкъмы?

Э л ь м а з. Валлай, Селим, сенинъ акъылынта эр заман дюньяда олмагъан шейлер келе.

С е л и м. Биз Зиягъа дерс бермек, оны юкъудан айындырмакъ и в то же время... (Эльмазнен къулакълашыр). Сонъ, насыл, къафа тасынъ бир шейлер чакътымы?

Э л ь м а з (кулькюден къатып къалгъан бир алда). Чокъ яхшы. Ойле бир той япайыкъ ки...

С е л и м. «Чокъ яхшы» экен! Кслин сен дегиль, Айше оладжакъ. Бойле бир шейге о разы олурмы?

Э л ь м а з. Яхшы, келин тарафыны мен бакъарым. (Козълеринен Ибрамны ишмар этип). Сен анавы утанчакънен лаф эт, той кую къачып кетмесин.

С е л и м. Мен оны зынджырнен багълап къоярым.

Селим достларына барып кѳошулур. Эльмаз Айшенинъ янына келип токталыр.

Э л ь м а з. Айше, достчыгъым, Ибрамны козьнен ашап юргенинъе энди бир кѳач йыл олды. Козьлеринъ талмадымы?

А й ш е. Талды амма, Ибрам индемей де...

Э л ь м а з. Я о да «эбет» десе, сен «а-а...» дерсинъми?

А й ш е (утана-утана). А-а...

Э л ь м а з (кѳуванып). Сенинъ «а-а»чыкъларынъдан айланайым, Айшечигим. Кѳалгъаныны энди мен озюм бакъарым, эр шей ёлунда олур.

А й ш е. Эльмаз, ашыкъма, бираз даа...

Э л ь м а з. Демирни кѳызгъын олгъанда дѳгерлер, достчыгъым (Селимнинъ янына барып). Айше «а-а» деди.

С е л и м. «А-а» деген олса, демек иш биткен! Лякин бу дубарадан ич бир кимсенинъ хабери олмасын.

Э л ь м а з. Я барып да Зия разылыкъ берсе, Айшеге эвленем десе?..

С е л и м. Умют этме. Сыгъырнынъ учкъланына да, депъизнинъ янгъланына да инанырым, амма Зиянынъ эвленеджегине бир вакъыт инанмам. (Достларына айланып). Ну вот, мазин эзан окъуды, кѳатламалар кѳокъуды! Энди келеджек афта базар куню тойгъа буюрынъыз!

М у р а т. Базар куню кѳачы я?

И б р а м (буюк бир кѳуванчысн). Келеджек базар куню айнынъ тамам он дѳрди! Келинъ, достлар, энди ойнайыкъ ве йырлайыкъ!

Бугунъ айнынъ он дѳртю ,
Акъыз сачынъ ким орьди...

ПЕРДЕ ЭНЕР.

УЧЮНДЖИ ПЕРДЕ

Сана: колхоз клубы. Буюк бир зал. Кѳаршыда пердеси орьтюльген кучук бир сана. Клубнынъ ичи столларнен, диварлары кой хозяйствосына ант чешит плакат ве ресимлернен безетильген. Ичериде байрамларда олгъланы киби кийинген кой йигитлери ве кѳызлары.

Пат-сат эсли-башлылар да корюльмекте.

1 к ѳ ы з. Бу бизим Айше аля даа кѳайда экен?

2 к ѳ ы з. Не келин, не киев. Бойле той олурмы.

3 к ъ ы з. Сабырнынъ асты сары алтын, бир кунъ ола келирлер эбет.

1 к ъ ы з. Акъыз, бу Зиядан бойле бир шей асла уют этмеген эдим.

2 к ъ ы з. Валлай, тойына кельсем де. Зиянынъ эвлениджегине акъыл кестирип оламайым.

3 к ъ ы з. Догъру, мен де Айшени Ибрам севе беллей эдим.

4 к ъ ы з (тыштан келип кирер). Къызлар, Зия келе!

1 я ш. Эй, джемаат, яваш олунъыз, киев бала келе!

2. я ш. Киевке ёл беринъиз!

Ичеридекилернинъ козьлери къапыгъа тикилир. Элиндеки китапнынъ япракъларыны чевире-чевире Зия келип кирер.

С е т т а р э м д ж е. Къана, яшлар, ярдым этинъиз (йырлап).

Кельсин, кельсин, киев бала кельсин,
Кельмейджек-олса хабер берсин...

Я ш л а р (эписи бирден йырлап).

Ана-мына, ана-мына, келеятыр,
Аягъында къырмызы къатыр...

Я ш (Зиягъа) Тойынъ хайрлы олсун, киев!

З и я. Киев? Насыл киев? О да ким экен?

С е л и м (яшкъа козь къымып, Зиягъа). Къулакъ асма онъа. В общем, той япамыз.

З и я (тющюнджеге далып). «Той»! Аджeba бу «той» сёзю къайдан алынган?

1 я ш. Корьдинъми сен, кене «тамыр» меселеси башлады.

З и я (ич бир кимсеге къулакъ асмадан, тющюнджели мулязаларыны девам этер). Занымджа, бу «той» сёзюнинъ тешеккюлини эки менбаагъа эсасланып тедкъикъ этмек керек олур. Биринджиде, эвеллерде тойлар давулсыз олмагъанындан, давул исе янъгъыравукъ «дом-дом», «дом-дом» седалары инакис эттиргенинден, бинаен алсй, илькиде эвленив мерасимлерине «дом-дом» денильмеси ве илериге догъру инкишаф ве интишар саесинде бу «дом-дом»нынъ «том-том», «том-том» олмасы, ве ниает, «м» се-

сининъ «й» сесине чевирилип, «той» олып къалмасы ити-
малгъа аджет къалдырмагъан бир аксиомадыр. Экинджи-
де, эвленюв мерасимлеринде аш чокъ бошатылгъанындан,
бир чокълары исе бу мерасимлерге тоймакъ ичюн кель-
генлеринден, «къайда кетесинъ», дегенде, «тоймагъа» я да
«тойгъа кетем» демелери, бинаен алей, бунынъ нетидже-
синде «той» сёзюнинъ келип чыкъмасы да шубесиз бир
аксиомадыр...

Сет тар эм дже (Зиягъа ачувланып). Зия, сен
асла не мартавал окъуйсынъ я? Бу халкъны сенинъ тойы-
нъа «тоймагъа» кельди беллединъми? (Селимге чевири-
лип). Къардашым, бу не масхаралыкътыр я? Айт ошъа,
ич олмадым тойында «тамыр» къыдырып юрмесин.

1 яш. Биз мында тойнынъ къайдан келип чыкъкъа-
ныны эшитмеге кельмедик, тойгъа кельдик.

Селим (Зиягъа). Друг, сен буюк бир учёный адам-
сынъ.

Зия. Эбет, эбет. Тильджи, лисанджы, лексикограф...

Селим. Тильджи олгъан сонъ, къызыл тойнынъ не
олгъаныны да биледирсинъ.

Зия. Бу дюньяда меним бильмеген шейим ёкътыр.

Селим. Молодецъ санъа! Бельки къызыл тойлар
акъкъында бир докладчыкъ япарсынъ?

Зия. Той деген шей ашукънен машукъ арасындаки
севгининъ хулисасы олдыгъындан, ара идер исенъиз, сев-
ги хусусында бир марузада булунайым.

Селим (ичеридекилерине). Аркъадашлар! Бу учё-
ныйнинъ айткъанларындан анылагъаныма коре, о любовь
акъкъында бир доклад япмакъ истей экен.

Къызлар. Айтсын... Айтсын...

Яшлар. Просим! Просим!..

1 къыз. Вай, джаным, бу адам севгининъ не олгъа-
ныны къайдан бильсин?

2 къыз. Билеми-ёкъмы, мына шимди анылармыз.

Эльмаз (Селимге). Не дер экен? Я барып да Айше-
ни севем десе?

Селим. «Барып да»сы ёкъ, Зия — Зиядыр.

Зия (сананынъ огюне кечип). Маальмемнюние риджа-
ныызгъа азырым.

1 къыз. Не деди шу?

2 къыз. Онынъ не дегенини къайдан билсейим...

Селим. Тише, аркъадашлар, мешайт этмешъиз. Ке-
рск олса, озю де шашмалар. (Кулькю).

З и я. Севги! Бу сѣз теляфуз этильгенде мени мухте-
лиф ислер кѡплап ала. Эбет, илимге ашыкъ олмакъ, бу-
тюн барлыгъыпънен илим алемине ташланмакъ, меслегинъ
ичюн бутюн хусусий ве шахсий арзуларындан вазгечмск,
шубесиз, озюне коре улу бир севгидир. Бу севги гѡает
кульфетли бир зульмет, олдыкъча буюк себат ве исрар
талап этмекнен, акъибетинде инсангѡа шан, шериф, ити-
бар кетирип, инсанны бутюн алемге мешѡаль япар, шу зат
кок юзюнде чолпан киби парылдар. Маальтеэссюф, эгер
сиз илим тарихы саифелерини чевирир исенъиз, кореджек-
синъиз ки, бу меселеде зарурий себат косътермеген бир
чокъ инсанлар, ачыкъ кѡфалы муневерлер, эдиплер, му-
леккидлер, вельасыл акъыл лемалары, бешериятнинъ сеа-
дет ёлу ичюн шам ола биледжек бир чокъ дегерли, меним
киби илим зиялары, джемнет огюнде фаалиетлерини акъ-
лап оламадылар, чюнки олар...

1 к ѡ а д ы н. Валлай, Меръем, кёр олайым, бу әриф-
нинъ айткъанларындан бир шейчик анълап оламайым.

2 к ѡ а д ы н. Акъыз, о башкъа бир тильде сёйлене
гѡалиба... Рум тилинде айтса керек...

З и я (девам этип). Назар дикъкъатынъызны мух-
телиф мисаллерден ялынъыз бирине джелъп этейим. Му-
тебаир Бальзак отуз сене девамында бир кѡадынны севди,
лякин нетиджеде, эйвах-эй, ниаетсиз зарланув ве бахт-
сызлыкъ чекти. Отуз сене учъ дефа корюшювнен ялынъыз
зарланув ве интизар ичинде кечти. Бинаеналейи, бу киби
мисаллерден хуляса чыкъаргъан ве ирадеси кѡатты олгъан
сымалар озълерини меслеклерине кѡурбан этюв себатлы-
гъыны косътерелер, джынсий севги, шырын зевкълар ери-
не, китап япракълары арасындаки дефинелерни араштыр-
макънен кѡанаатленелер...

1 к ѡ ы з. Заваллы, окъуй-окъуй татарджаны текмилъ
унуткъан.

2 к ѡ ы з. Бельки сонъундан татарджа да айтыр...

З и я (девам этип). Бу себептен илим алеминде бир
чокъ меслекдешлеримиз севги меселесинде мизогамий ол-
магѡа севкъ эткенлери ашикяр бир шейдир.

1 к ѡ а д ы н. Мизог... мизог деди амма, не олмагѡа де-
ди шу?

2 к ѡ а д ы н. Узун аякъ олмагѡа, деди гѡалиба.

3 к ѡ а д ы н. Я о да не керек экен?

2 к ѡ а д ы н. Кѡайдан билейим...

Залда чувулты котерилп.

Селим. Тише, аркъадашлар!

1 койлю. Тише-тише амма, Селим къардашым, онынъ айткъанларыны анълап оламаймыз да. Баре биринъиз татарджагъа чевиринъиз, бошуна къулакъ асып турмайкы.

Зия (къызыл). Кимнинъ айткъаныны чевиртеджек оласынъыз?

1 койлю. Сенинъ.

Зия. Я мен франсызджа сёйледим ёкъса?

1 койлю. Меселе де онда, къардашым. Къулагъымыз ярым сааттен берли сенде олса да, къайсы бир тильде айткъанынъны ич биримиз анълап оламадыкъ. Эр алда сенинъ тилинъ бизим татарджагъа ошамай. Ойлеми, джемаат?

Залдакилер. Ойле-ойле... Онынъки арапча олса керек... Ёкъ, фарсчадыр гъалиба... Бир заманлары канджалос падишасынынъ тилини де ич кимсе анъламай экен...

Селим (Зиянынъ янына кечип). Тише, аркъадашлар! Сиз манъа разрешит этинъиз де, онынъ айткъанларыны в двух словах перевод япайым. Зия аркъадаш дейки, бир чокъ научный работниклер науканы ташлап, севги себебинден олюп кеткенлер. Дейки, историягъа бир козь ташлайыкъ и ондан пример кетире. Зия аркъадаш дейки, научный мирде базылары севги меселесинде мизогамия олалар. А что такое мизогамия, мен озюм де бильмейним...

1 кызы. Сенинъ айткъанынъ татарджа олдымы?

Селим. Конечно!

2 кызы. Санъа да машалла! (Кулькю).

1 яш. Энди сенинъкини де чевирмек керек.

Мурат. Джемаат! Меним анълагъаныма коре, бу киев баланынъ айтмакъ истегени шундан ибарет. Онынъ фикириндже дюньяда эки тюрлю севги бар экен: биринджи, япкъан ишине севда олмакъ, экинджиси де кызы аркъадашынънен севишмек. Кызы севгисини танымагъан, омюрбилля эвленмеген алимлер де ола экен. Бизим Зия да озюни алим сая, Къана, бакъайыкъ, о не япаджакъ экен.

1 койлю. А-а, мына не! Худжур шейге баш урды амма, сонъу хайыр.

Зия (сёзюни девам этип). Сизнинъ арзунъызгъа би-наен бу меселеде озь назарымны белл этмекнен, шахсен озюм акъкъында да бир къач сёз айтайым. Эвленмек алим

адамнынъ назар дикъкъатыны мукъаддес меслегинден ят меселелерге джелъп эткенинден, озюмнинъ нурлы истикъ-
балим ашкъына эвленмекни семаларгъа, кляинат бошлугъы-
на котерип аттым. Бу нокътайи назардан бакъкъанда
мени де мизогамияда къабаатлая билирлер...

Залда чувулты. Къызлар озълерини туталмай, къыскъылдап
кулерлер.

1 к ъ ы з. Вай, анайчыгъым, меним эшиткеним не-
дир!..

2 к ъ ы з. Монастырлер де къапалды бунъа да чаре
тапар эдик амма...

3 к ъ ы з. Озю той яптыра, эвленмекни десенъ кок-
лерге котерип ата.

Б и л я л к ъ а р т. Зия, тилинъни джый, ёкъса...

1 к о й л ю. Я айса бу тойны ким ичюн япгырасынъ?

З и я (тааджипленип). Той?! О да насыл той?..

Эр кес тааджипленир ве Зиягъа бакъып къалырлар. Ялынъыз
С е л и м, М у р а т ве Э л ь м а з кулюмсиреп турарлар.

С у н д ю с (яваштан). Огълум, Селим, я сен Зиянен
озюм анълаштым, дединъ де? Вай, текмиль масхара ол-
дыкъ...

1 я ш (Зиягъа). Мына, клубтаки халкъны коресинъ-
ми? Эпимиз сенинъ тойынъа топланып кельдик.

З и я. Хайыр, мени той дегиль, той сёзюнинъ ялынъыз
тешеккюли меракъландыра.

2 я ш. Бу эриф чылдырды гъалиба.

З и я. Хайыр, афызам ериндедир, сиз чылдырдынъыз.

Б и л я л к ъ а р т. Олян, Зия, акъылынъы топла, дже-
маат ортасында бизни масхара этме.

Э л ь м а з (Селимге). Бу бизим шакъа теренге чатты
гъалиба.

С е л и м. Зарар ёкъ, бундан сонъ Зиянынъ ким олгъа-
ныны эр кес анълар.

1 к ъ ы з. Коресинъми, бу тильджи эриф башта тили-
ни, сонъ акъылыны да джойды.

З и я (аман дсфтерини чыкъарып, далгъын бир алда

озь башында лаф этер). «Тилини джойды», «акъылыны джойды» демек, тилини я да акъылыны ёлда тюшюрин джойды демек дегильдир. Бинаеналей, булар да кинаели сёзлер джедвелине кире билирлер.

1 яш. Джемаат, бизим койнинъ алими Зия эфенди даа шимди бир Америка даа ачты: «акъылыны джойды» демеси, акъылыны ёлда тюшюрин джоймакъ дегиль экен. (Кулькю).

Сундюс (къызып. Зиягъа). Сен, огълум, бу тасырдыларны ташла да, айтчы: къызымны аладжакъсынъмы — ёкъмы?

Зия. Меним мында ич бир шейден...

Сундюс (онынъ сёзюни болип). Я меним къызымнынъ элине кунъ сайын севда мектюплери туттыргъан сен дегиль эдинъми? Не, бизни кёр-сокъур беллединъми? Къызынынъ башыны айландырдынъ энди вазгечесинъми?

Зия. Хайыр, биз алимлер ялынъыз джиддий мектюплер язамыз. Меним мектюплерим ичинде кульфетли тедкъикъат хулясалары олгъан ильмий фикирлерим ифаделенди. Мен оларны Айшенен почтагъа ёллай эдим.

Сундюс. Ёкъ, кърназлыкъ кечмез, яшларнынъ къызларгъа насыл мектюплер язгъаныны пек яхшы билемиз. Бир вакъытлары биз де яш эдик. (Залда кулькю).

Билял къарт. Олян, Зия, къудагъый огюнде ананъа разылыкъ берген, «эршейге разым», деген сен дегиль эдинъми?..

1 къыз. Я келининъ озю къайда къалды? Бельки бу худжур даваны онынъ озю чезер эди.

Зия (текран дефтерини чыкъарыр ве далгъын бир алда озь башына сёйленир). «Келин»? Аджeba бу «келин» сёзю къайдан келип чыкъкъан? Эвельден келинлер ялынъыз эрнинъ эвине келип тюшкенлеринден. итимал, илькнде онъа «кель», сонъра «кель... кель... кель...» — «келиджи» денильмеси ве ниает, муайен бир вакъыттан сонъ, «джи» ялгъамасы ташланып, «келин» сёзю тешеккюль этмеси да-васыз бир делильдир... (къайд япар).

1 яш. Керчектен де бу эрифнинъ тек тилине дегиль, акъылына да бир шейлер олды гъалиба.

2 яш. Акъылы еринде олгъан адам той заманында келинге бакъып къалыр эди, амма о келин сёзюнинъ манасыны къыдыра.

3 яш. Акъикъатен, алы фена экен?

Зия. Кимнинъ алы?

З яш. Кимнинь олсун, сенинь алынъ.

Зия. Ёкъ, артыкъ азар, теэккюм динълемем! Мында меним зекий зекяымнынъ дакъкъа сайын догъудыгъы парлакъ фикирлерни анълайджакъ адам олмаса керек.

Зия чыкып кетер. Ичеридекилер айретте къалып, онынъ пешинден бакъып къалырлар. Базы бирлерни чыкъмакъ ичюн къапыгъа догърулыр.

Билял къарт. Олян, Зия, къайт мында... (элини силъкип ташлар).

Эльмаз. Селим, оюн чокъкъа барды.

Селим. Зарар ёкъ, шиш де янмаз, кебап да пишер.

Мурат. Зия ичюн бир дерс олур.

Рейан апте. Бу огълан бизни джеми джемааткъа масхара этти.

Сундюс. Гуль киби къызчыгъымнынъ ады чыкъты. (Селимге). Ах, Селим-Селим, севмектен делиреджек дегенинь бу шашмакъ эдими?

Мурат. Селим, энди вакъыт. Башламакъ керек.

(Селим сананынь огъуне чыкъар. Пердени аралыкъ этип бакъар).

Селим. Тамам вакъыты. Тише, аркъадашлар! Эр кес ерли ерине отурсын.

1 къыз. Даа не бар экен! Башланмагъан той битти де гъалиба.

Селим. Аркъадашлар! Колхоз артистлерни махсус бу акъшам ичюн «Той девам эте» адлы бир картиналыкъ пьеса азырладылар. Артистлеримиз бираз аджеми, къусурлары олса багъышланъыз. Ш-ш-ш, ссс-солукъ чыкъмасын.

Яваштан перде котерилир. Ичериде, сананынь бир кекарында, ич бир шойден хаберлерни олмагъан алда, Ибрамнен Айше севишмектелер. Олар залгъа аркъа тарафларынен отургъанларындан, перде ачылгъаныны эслемсэ ве оларны ич кимсе танымаз. Селим бир керден оксюрип алыр. Ибрамнен Айше абдырап, ерлеринден атылып турарлар. Айше утангъанындан авучларынен юзюни ортып къачар. Ибрам джиддий бир тавурнен Селимге акъыллашыр.

Ибра м. Я сен пердени ачмаздан эвель хабер этеджек
эдинъ де?

Сели м (кулип). Багъышла, бираз аджеле даврангъа-
ным. Бар, келинни къайтар, эвге чапып кетмесиң (Ибра м
чыкъар). Джемаат! Мында удивительный ич бир шей ёкъ.
Биз Зиягъа кучюк бир оюн чекип, Айшенен Ибра мны эв-
лендирмеге азырландыкъ.

Сели м Ибра мнен Айшенинъ пешинден чыкъар.

Зал дан. А-а, келиннен киев кошеге артында экен-
лер де... Бакъ сен онъа, йымыртагъа ким отурды да, чип-
че кимге чыкъты...

Рей ан ап те (Сундюске). Вай къудагъый, Айш-
нинъ къысмети эр алда бизим эв экен.

Сун дю с. Къудагъый, къызымчюн мен де Ибра мны
ляйыкъ коре эдим. Не де яхшы олды я! Баре кель, бир
даа опюшейик.

Айшенен Ибра мны къолтукълагъан Сели м санагъа къайтып кирер.

Сели м. Мына, къуту юварланды-юварланды да,
къапагъыны булды. Аякъчылар! Аш бошатылсын, сини-
лер кельсин, чалгъы чалсын, той девам эте!

Эльчырпмалар. Келин-киев де залгъа тюшип, йыр ве оюнгъа къошу-
лырлар. Экинджи тарафта хамыр ашлар ве емиш толу синилернен
столлар донатылыр.

Той девам эте.

(Оюн-йыр)

Чалгъы чалсын — чынъласын,
Джошкъун гонъюль хош олсун.
Келин-киев ашкъына
Оюнымыз ойналсын.

Той битмеди, битмеди,
Той девам эте, эй,
Той девам эте.
Ойнамакъны-кульмекни
Аят огрете.

Янъы койде кучь бизде,
Шеньлик бизде, зевкъ бизде.
Янъы омюр бааринде
Ойнамагъа акъ бизде.

(Багълама)

Колхоз бизге ёл олды,
Колхозымыз бол олды.
Яшамасы арув олды,
Яшав бизде зевкъ олды.

Иыр ве оюн девам этер экен, перде энер.

1936 с.

МУНДЕРИДЖЕ

Денъиз далгъасыз олмаз	3
Арзы къыз	69
Дубаралы той	130
Той девам эте	168

Язиджы Юсуф Болат окъуйджыларгъа озюнинъ «Алим», «Саф юреклер», «Анифе» романларынен беллидир. «Туфанда къалгъан къой сюрюси» адлы икяелер джыйынтыгъы исе, окъуйджыларгъа 1972 сенеси такъдим этильдн.

Улу Ватан дженкинден эвель Юсуф Болат эдебиятымызда эса-сен драматург оларакъ белли эди. Къыскъа муддет ичинде (1935—1941) онынъ тарафындан еди пьеса язылып, эписи девлет театринде шеэр ве кой саналарында ойналгъан эди. Язиджынынъ Ватан дженкинден сонъ язгъан «Дубаралы той» пе «Зораки келин» комедияларындан бу сонъкиси бир къач йыл эвельси «Къайтарма» ансамбли тарафындан саналаштырылып, Озбекстан сейирджилерине косьтерильди.

«Той девам эте» пьесалар джыйынтыгъына язиджынынъ дёрт пьесасы кирсетильди. Драматургия саасында эдипнинъ биринджи эсери олгъан ве колхоз койининъ аятына багъышлангъан «Той дсвам эте» комедиясы 1936—1937 сенелери Симферополь Девлет театри санасында буюк мувафакъиетнен ойналды. Бу комедиянынъ музыкасыны мерум композитор Рефат Асанов язды.

Бундан сонъ санада язиджынынъ соавторлыкъта язгъан «Арзы къыз» музыкалы драмасы пейда олды. Халкъымызнынъ кечмишинден агъыр бир саифени айдынлаткъан эфсане эсасында язылгъан бу драма бир къач йыл девамында девлет театринде ойналды. Бу шиирий драманынъ музыкасыны композиторларымыз Яя Шерфедinov пе Ильяс Бахшыш яздылар.

Ватан дженки арфесинде — 1941 сенеси девлет театринде ойналгъан «Денъиз далгъасыз олмаз» драмасында колхоз койлюлерининъ сынфий ачыкъкозьлюлиги, Ватан ашкъына федакарлыкъкъа азыр тургъанлары тасвирлене.

«Дубаралы той» пьесасы язиджынынъ Ватан дженкинден сонъ яраткъан комедиясы олып, анда революциядан эвель койлерде укъом сюрген зиддиетликлер айдылатыла.

«Той девам эте» джыйынтыгъына кирсетильген пьесалар окъуйджылар тарафындан меракънен къабул этилир беллеймиз.

На крымско-татарском языке

Юсуф Болат (Болат Юсуф Мемет)

СВАДІБА ПРОДОЛЖАЕТСЯ

(п ь е с ы)

Редактор *У. Эдемова*

Рессам *З. Трасинова*

Ресимлер редакторы *И. Цыганов*

Техникий редактор *Т. Смирнова*

Корректор *Л. Дерменджи*

Басмаханеге берильди 17/X-1973 с. Басмагъа рухсет этильди 12/IV-1974 с. Форматы 84×108^{1/32}. Басма табагъы 6,625, шартлы басма табагъы 11,13. Нешир табагъы 10,33. Тиражы 3000. Р-04224. Гъафур Гъулам адына Эдебилт ве санъат нешрияты. Ташкент, Навоий сокъагъы 30. Шартнаме 119-73.

Озбекстан ССР Министрлер Советининъ нешрият, полиграфия ве китап тиджарети ишлери боюнджа Девлет комитетининъ Ташкент полиграф комбинатында азырлангъан матрицадан. № 1 къягъыткъа Морозов адына басмаханеде басылды. Самаркъанд, Къызыл мейдан сокъагъы 1. 1974. Сымарыш № 1802. Фияты 90 к.

Болат Ю.

Той девам эте (Пьесалар). Т., Эдебият ве саньат нешрияты, 1974.

212 б.

«Той девам эте» пьесалар джыйынтыгына азыджынынъ дёрт пьесасы кирсетильди.

«Той девам эте» комедиясында эдип колхоз койнинъ аятыны косьтерсе, «Денъиз далгъасыз олмаз» драмасында койлюлернинъ синфий ачыкъ-козьлюгини, Ватан ашкъына федакарлыккъа азыр тургъанларыны тас-вирлей.

«Дубаралы той» пьесасыны автор Ватан дженкинден сонъ яратты.

«Арыгъ къыз» музыкалы ширий драмасы халкъымызнынъ революциядан эвельки кечмишинден агъыр бир саифени айдынлаткъан эфсана эсасында азылгъандыр.

Болат Ю. Свадьба продолжается. (Пьесы).

С(Крым-Тат)

инд $\frac{7-3-3}{Б-М-352-06-74}$ 130-74

© Гъафур Гъулам адына эдебият ве саньат нешрияты, 1974.

